

হুমায়ূন আহমেদ

বৃক্ষকথা

ভূমিকা

আমার খুব পছন্দের একটা হাদিস দিয়ে শুরু করি। নবিজি (স.) বলছেন, 'যদি তুমি জানো পরের দিনই রোজ কেয়ামত, তারপরেও একটি গাছ লাগিও।'

গাছ লাগানোর কোনো সুযোগ আমার ছিল না। সারাজীবন বাস করেছি শহরে। কংক্রিট খুঁড়ে তো আর চারা লাগানো যায় না। অনেকেই দেখি টবে গাছ লাগান। ব্যাপারটা আমার ভালো লাগে না। টবে গাছ লাগানোর অর্থ গাছের ভুবন সীমিত করে ফেলা। এমনতেই বেচারি হাঁটিতে পারে না।

অনেকেই দেখি 'বনসাই' নিয়ে উত্তেজিত। বিশাল বটবৃক্ষকে বামুন বানিয়ে উত্তেজিত হবার কী আছে? একটি বিশাল প্রাণকে সঙ্কুচিত করার অপরাধে তারা অপরাধী। বৃক্ষদের হাতে শাসনক্ষমতা থাকলে এই অপরাধে তারা যাবজ্জীবন শাস্তির ব্যবস্থা করত। মানবজাতি ভাগ্যবান, বৃক্ষের হাতে শাসনক্ষমতা নেই।

প্রায় দশবছর আগে নুহাশ পত্নীতে আমি নিজের হাতে আটটা ঝাউগাছ লাগাই। তখন কল্পনাও করি নি, এই ছোট ছোট চারা আকাশ স্পর্শ করার স্পর্ধা নিয়ে বড় হবে। আমি যতবার নুহাশ পত্নীতে যাই, একবার হলেও ঝাউগাছগুলির পাশে গিয়ে দাঁড়াই। তাদের স্পর্শ করে বলি— 'এই ভোদের আমি নিজের হাতে লাগিয়েছি! আজ যে তোরা এত বড় হয়েছিস, তার মূলে কিন্তু আমি। আমাকে Hello বল।'

ঝাউগাছগুলি আমাকে Hello বলে। তাদের ভাষায় বলে। অন্যরা না বুঝলেও আমি বুঝি। ঝাউগাছ দিয়েই আমার বৃক্ষরোপণ শুরু। যেখানে যে গাছ পাই, নুহাশ পত্নীতে লাগিয়ে দেই। নিতান্তই অপরিকল্পিত বৃক্ষরোপণ। কাঁঠালগাছের পাশে গোল মরিচের গাছ। তখনো জানি না গোলমরিচ গাছ অন্য এক গাছকে জড়িয়ে না ধরে বড় হতে পারে না। সে তার জীবনীশক্তি বড় কোনো গাছ থেকে নেয়।

এখন আমি গাছপালা সম্পর্কে কিছু জানি। দুনিয়ার বই পড়ছি, ইন্টারনেট ঘাঁটছি— কেন জানব না? যা কিছু জেনেছি তা অন্যদের জানাতে ইচ্ছা করছে। আমার মূল আগ্রহ ঔষধি গাছ। আমার কেন জানি মনে হয়, একসময় এদের কাছেই আমাদের ফিরে যেতে হবে।

হুমায়ূন আহমেদ

নুহাশ পত্নী
গাজীপুর

সূচি

আদা	১১	উদয়পদ্ম	৭৬
কদম্ব	১৩	নীলমণি লতা	৭৬
গোঁজা	১৬	মাধুরী লতা	৭৭
বেল	১৯	বাগান বিলাস	৭৭
পান	২২	জবা	৭৮
বাসক	২৪	ঘৃতকুমারী	৮০
অশুর বা অগর	৩৪	মৃত্যুফুল	৮২
কলকে/সৌভাগ্য বাদাম বৃক্ষ	৩৬	বকফুল	৮৩
তেঁতুল	৩৮	ওলট কমল/শয়তানের তুলা	৮৫
বাজনা	৪০	ওলট চণ্ডাল/অগ্নিজিহ্বা	৮৭
কাঁকড়ার চোখ	৪১	বনকলা না-কি কলাপতি ?	৯৭
নিসিন্দা	৪৩	আম	৯৮
বিলম্বী	৪৬	কাঁঠাল	১০২
নিম	৪৭	বিছুটি	১০৫
খয়ের	৫৭	লজ্জাবতী	১০৬
কৃষ্ণবট	৫৯	আতা	১০৮
ঘেটু	৬০	টেকি শাক	১১০
পুত্রঞ্জীব	৬২	তালগাছ	১১১
রাণীর ফুল/জারুল	৬৩	শয়তানের গাছ/ছাতিম	১২১
লটকন	৬৪	গাব	১২২
হিং	৬৫	ধূপগাছ/শুগুন্দল	১২৪
বরুন	৬৮	বকুল/সদাপুষ্প	১২৫
তেলাকুচা	৭০	মাকাল	১২৭
করমচা	৭২	রিঠা	১২৮
পপি	৭৪		

আদা

'বেহেশতে তোমাকে দেয়া হবে আদা মিশ্রিত পানীয়।'

আল কোরান, সূরা দাহর

'And they shall drink therein a cup tempered with Zanjabil (Ginger).'

আদার মতো নগণ্য কন্দমূল যা বাংলাদেশের ঝোপঝাড় জন্মে, তার স্থান হয়েছে বেহেশতের পানীয়তে ? অদ্ভুত ব্যাপার না ?

বিপুল উৎসাহে কোনো কাজে লেগে পড়াকে আমরা বলি 'আদা জল খেয়ে লাগা'। এই বাগধারাইবা কেন এসেছে ? আদা পানি খেয়ে দেখেছি— অতি অখাদ্য। আমেরিকায় Ginger Beer নামের এক ধরনের পানীয় আছে। আদা, চিনি, ক্রিম অব টারটার পানিতে মিশিয়ে ইস্ট দিয়ে ফার্মেন্টেড করে এই পানীয় তৈরি। সেটাও অখাদ্য। (অখাদ্য না বলে অপেয় বলা উচিত। তবে অখাদ্য শব্দে ভালো লাগে)।

আদার রসায়ন হচ্ছে— আদায় আছে শতকরা দুই ভাগ 'Essential oil' যার প্রধান অংশ Zingiberene. আদার ঝাঁকালো ব্যাপারটা আসে Zingerene থেকে। কিছু লবণ থাকে (Potassium Oxalate) আর থাকে Terpenoids (Comphene, cineol, citral, Shogaol, gingerol, borneol ইত্যাদি)।

ভেজা (অর্ধ) মাটিতে জন্মে বলেই এর নাম অর্ধক। বোটানিক্যাল নাম *Zingiber officinale* Rose. আদার ফ্যামিলি Zingiberaceae. এই ফ্যামিলির কয়েকটি প্রজাতি পৃথিবীতে ছড়িয়ে-ছিটিয়ে আছে। নওয়াজেশ আহমেদের লেখায় পড়েছি (বাংলার বনফুল) বাংলাদেশের পাহাড়ি অঞ্চলে এর এক প্রজাতি আছে বনআদা (Wild ginger). যার বোটানিক্যাল নাম *Zingiber spectabile*.

তিব্বিয়া হাবিবিয়া ইউনানী কলেজের প্রভাষক হেকিম হযরত মাওলানা মোঃ মোস্তফা 'আম আদা' নামের এক আদার উল্লেখ করেছেন (রোগোপকারী গাছগাছালি ও লতাপাতা)। এই আদা শুধু আচার তৈরিতে ব্যবহার হয়। আমি এ ধরনের আদার কথা শুনি নি।

ভারতীয় এবং চৈনিক ভেষজবিদরা আদার ঔষধি গুণাগুণ হাজার বছর আগেই জানতেন। অস্ট্রেলিয়ার আদিবাসীরা নানান রোগে আদা ব্যবহার করে

আসছেন। আয়ুর্বেদাচার্য শিবকাপী ডক্টরার্ব রোগ প্রতিকারে আদার যেসব ব্যবহারের কথা বলেছেন তার কয়েকটি হলো—

অন্ধুধায় এবং অরুণটিতে

ঝাঝারের আশে সৈন্ধব লবণ নিয়ে সামান্য আদা খাওয়া।

সর্দি জ্বরে

আদার রসে মধু মাখিয়ে খাওয়া।

নেফ্রাইটিসে

রোগীর ঝাঝারের সঙ্গে আদার রস বা চর্টের (তকনা আদা) চর্ট্রা মিশিয়ে খাওয়া।

পুরনো আমাশয়

শরম পানিতে চর্টের চর্ট্রা মিশিয়ে খাওয়া।

মাটি ফোলা রোগে

দাঁতের গোড়ায় যন্ত্রণা এবং মাটি ফুলে রক্ত বের হলে শরম পানিতে দু'চামচ আদার রস মিশিয়ে দশ-পনেরো মিনিট মুখে রাখতে হবে।

রক্তপাত বন্ধ করতে

তকনা আদাচর্ট্রা (চর্ট) কেটে খাওয়া জায়গায় চেপে ধরলে রক্তপাত বন্ধ হবে।

আমি নিজে আদা-চিকিৎসার ক্ষেত্রে দ্বিগুণে কখনো যাই নি। সিগারেট ছাড়ার কৌশল হিসেবে কিছুদিন তকনা আদা চিবিয়েছি। লাকের মধ্যে লাভ এই হয়েছে, সিগারেট খাওয়ার পরিমাণ বেড়েছে।

সুখাশ পল্লীতে প্রতিকার আদার চাষ হয়। বর্ষার পরপর আদা কেটে কেটে লাগানো হয়। পাঁচ থেকে ছয় মাসে পাছ বড় হয়। যখন পাতা হলুদ হয়ে যায়, তখন মাটি খুঁড়ে আদা বের করা হয়। একেকটা আদা একেক রকম। দেখতে এত ভালো লাগে।

আদা গাছের পাতার স্বাদও যে অবিকল আদার মতো— এই কথা কি সবাই জানেন? আদার বদলে আদার পাতা নিয়ে গরুর মাংস অতি সুস্বাদু। পরীক্ষা প্রার্থনীয়।

আদায় কাঁচকলায় ব্যাপারটা কি জানেন? আদা এবং কাঁচকলা বিপরীতধর্মী। একটি রোচক অপরটি বিরোচক। দুই বিপরীতধর্মীকে একসঙ্গে করা যাবে না। তবেই কাঁচকলায় তরকারিতে আদা দিলে কাঁচকলা সিদ্ধ হয় না। বিষয়টি পরীক্ষা করে দেখার প্রয়োজন বোধ করি নি বসেই পরীক্ষা করা হয় নি।

কদম্ব

এসো করো স্থান
নবধারা জলে
এসো নীপবনে
ছায়াবীধি তলে ।

নীপবন হলো কদম্ব বন । কদম্ব নিয়ে কুবীরুনাথের আত্মাদের সীমা ছিল না । 'বাদল দিনের প্রথম কদম্ব ফুল' তাঁর কাছে অন্য ব্যাপার । কদম্ব ফুল বর্ষার আপমন বার্তার ফুল । প্রিয় জে হবেই ।

কাশিমারের মেঘনুভ কাব্যের একটি শ্লোক (পূর্বমেঘ)

"নিচে নামে গিরি সেখানে আছে
তার শিখরে বিশ্রামে নামবে
তোমার স্পর্শের পুলকে
ফোটাবে যে নব কদম্বের গন্ধ ।"
(অনুবাদ : বুদ্ধদেব বসু)

শ্রী রাধিকার কৃষ্ণকে নিয়ে লীলাশেলার সবই কদম্ব পাছের নিচে । বলা হয়ে থাকে, কদম্ব ফুলের হালকা সুবাস অদ্বিত্য এক নেশা তৈরি করে । পুরুষ ও রমণী এই নেশায় একে অন্যের প্রতি অনেক বেশি আকর্ষণ বোধ করে ।

আরাকান্দকার তন্ত্রপ-তন্ত্রপীরা ফাটফুজের দোকানে সময় কাটাতে বেশি পছন্দ করে । তারা বিকল্প ব্যবস্থা হিসেবে কদম্ব তলে যেতে পারে ।

বাংলাদেশের একজন ঔপন্যাসিকেরও কদম্ব পাছ অতি প্রিয় । তিনি তাঁর নিজস্ব নিবাসে একশ' কদম্বের চারা লাগিয়েছিলেন । তাঁর স্বপ্ন, ভরাবর্ষায় তিনি কদম্ববনে হুঁটবেন । দুঃখের ব্যাপার, অনেক চেষ্টা করেও তিনি কদম্বকন তৈরি করতে পারেন নি । চারটি পাছ শুধু শেষপর্যন্ত রক্ষা পেয়েছে । এরা বর্ষায় প্রচুর ফুল ফোঁটায় ।

কদম্বের নামকরণে আশা থাকে । কচ্ছ শব্দের সঙ্গে অক্ষর প্রত্যয় যোগে হয়েছে কদম্ব (কচ্ছ+অক্ষর) । কচ্ছ শব্দের অর্থ বিবশতা । যা বিবশতা আনে ।

কদম্ব ফুল চিবিয়ে নেশা করার প্রচলন আদিবাসীদের মধ্যে আছে । কদম্বের ছাল রোঁচে খেলেও নাকি নেশা হয় । আমি এক বর্ষায় দু'টা কদম্ব ফুল চিবিয়ে শু করে ফেলেছি । নেশা হয় নি, বমি হয়েছে ।

কদম্বের বোটানিক্যাল নাম *Anthocephauls indicus* A. Rich. এই গাছ Rubiaceae ফ্যামিলিভুক্ত। বিখ্যাত সিনকোনা (কুইনাইন) গাছও একই পরিবারভুক্ত। সিনকোনার ছাল যেমন জ্বরের উপশম করে, কদম্বের ছালও করে। নগরাজেশ আহমেদের বইয়ে পড়লাম, মালয়েশিয়াতে জ্বরের উপশমে এখনো ব্যবহার করা হয়।

অল্পতরুণে দু'প্রজাতির কদম্ব দেখা যায়। ধারা কদম্ব (*Anthocephauls indicus*) এবং কেলি কদম্ব (*Adina cordifolia*)।

আয়ুর্বেদাচার্য শিবকালী জট্টাচার্য কদম্বের রসায়নে লিখেছেন— কদম্ব আছে দু'ধরনের আসিত Quinonic acid এবং Cincholanic acid. এই সঙ্গে আছে Tanwins. এরা কোথায় আছে ফলে না গাছে? তিনি বলেন নি। আমিও তথা সংগ্রহ করতে পারি নি।

কদম্ব ফল যে রান্না করে খাওয়া হয়— এই তথ্য কি জানেন? আমি জানতাম না। নলিনীকান্ত চক্রবর্তী ত্রিপুরার গ্যাজেটপত্র লিখেছেন, কদম্বের ফল রান্না করে খাওয়া হয়, তবে সহজে হজম হয় না। যারা বিচিত্র রান্নায় উৎসাহী, তারা রান্না করে দেখতে পারেন। হজমের দায়দায়িত্ব আপনাদের।

এখন আসি ভেষজ ব্যবহারে। বিভিন্ন ধরনের বইয়ে নানান ভেষজ ব্যবহারের উল্লেখ আছে। আমি শিবকালীর বইয়ের ভেষজ ব্যবহার প্রামাণ্য ধরে উল্লেখ করছি। তাঁর প্রতি স্বল্প স্বীকার করেই এতখি।

হাইড্রসিলি (অণুকোষ বৃদ্ধি)

গাছের ছাল বেটে অণুকোষে লাগিয়ে কদম্বপাতা দিয়ে বেঁধে রাখলে বাধা ও ফোলা দুইই কমবে।

টিউমার বা অর্বুদে

কচি ছাল চন্দনের মতো বেটে লাগাতে হবে। লাগানোর আগে গরম করে নেয়া ভালো।

ক্রিমিতে

কদম্বপাতার রস খাওয়ালে শিশুদের ক্রিমি বের হয়ে যায়। গ্রাম-বাংলায় এটি বহুল প্রচলিত চিকিৎসা। শিবকালি বলছেন, তিনি নিজেকে দেখেছেন এই চিকিৎসায় Round Worm-এর সঙ্গে সুতা ক্রিমি (Thread worm)-ও বের হতে।

স্টোমাটাইটিসে

শিশুদের মুখের ঘায়ে কদম্ব পাতা সেজ পানি দিয়ে কুলকুচা করাতে হবে।

আমার মতে, কদম্বের সবচেয়ে বড় ভেদ্য গুণ মন ভালো করে দেয়ার অদ্ভুত
কমতা। পূর্ণ বর্ষায় এই গাছের নিচে দাঁড়ালে মনে হয়— আহা! বেঁচে থাকি
আনন্দের। এই গাছের রোগ সারাবার কোনো প্রয়োজন নেই। সে তার সৌন্দর্য
নিয়েই বলমল করুক।

একটা কথা বলতে ভুলে গেছি। বর্ষা ছাড়াও কিছু কদম ফুল ফোটে। শরতে
ফোটে। এমনকি শীতকালেও ফোটে। এক শীতে আমার সাংবাদিক বন্ধু সাগেহ
চৌধুরী আমাকে একতাল কদম উপহার দিয়ে চমকে দিয়েছিলেন।

গাঁজা

পশ্চিমবঙ্গের এক বিখ্যাত ঔপন্যাসিক নুহাশ পল্লীতে বেড়াতে এসেছিলেন। তিনি নুহাশ পল্লীর ওষধি বাগান দেখে এক পর্যায়ে জানতে চাইলেন, গাঁজার গাছ আছে কি-না? আমার মন খারাপ হলো এই ভেবে যে এত গাছ জোগাড় করেছি, গাঁজার গাছ জোগাড় করতে পারি নি! এর পর যাকেই পাই তাকেই বলি, একটা গাঁজার গাছ জোগাড় করে দিতে পারেন? যাকে বলা হয় তিনি কেমন করে খেন তাকান। তাঁকে দোষ দিতে পারি না— কেমন কেমন করে তাকাবারই কথা। গাঁজা নিয়ে রয়েছে বিখ্যাত লোকজ গান—

‘গাঁজার নৌকা শূন্যের ভরে যায়’

অর্থ গঞ্জিকাসেবীর নৌকা পানিতে চলে না, শূন্যে উড়াল দিয়ে চলে।

শিবের প্রিয় বস্তু গাঁজা এবং ভাং। বর্তমানের অনেক তরুণ-তরুণী শিবের পথ ধরেছেন, গাঁজা খাচ্ছেন। তবে তাদের আদর্শ শিব না— পশ্চিমা দেশগুলির তরুণ-তরুণী। যেহেতু তারা Grass খাচ্ছে, কাজেই আমাদেরও খেতে হবে।

বছর পনেরো আগে আমি সুসং দুর্গাপুর গিয়েছিলাম। সন্ধ্যা মেলাবার বেশ অনেকক্ষণ পর শাঁখের আওয়াজ হতে লাগল। খেমে খেমে শাঁখের আওয়াজ আমাকে বলা হলো, গাঁজা খাওয়ার জন্যে ডাকছে। গঞ্জিকাসেবীরা এই আওয়াজ শুনে একত্রিত হবেন এবং কিছুক্ষণের মধ্যেই আনন্দময় ভুবনে (!) প্রবেশ করবেন। কাছে গিয়ে দৃশ্যটা দেখার শখ ছিল। আমাকে বলা হলো, কাছে গেলেই খেতে হবে।

গাছটির বোটানিক্যাল নাম *Canabis sativa* Linn. গোত্র *Urticaceae*. শুভ সংবাদ হচ্ছে, এই গোত্রের আর কোনো গাছেরই মাদক গুণ নেই।

গাঁজা গাছের স্ত্রী-পুরুষ আছে। দুই ধরনের গাছেই ফুল হয়। তবে শুধু স্ত্রী গাছই গাঁজা, ভাং এবং চরস দেয়। পুরুষ গাছের মাদক ক্ষমতা নেই। ধিক পুরুষ গাঁজা বৃক্ষ!

স্ত্রী গাছের শুকানো পাতাকে বলে সিদ্ধি বা ভাং। কালীপূজায় ভাং-এর শরবত অতি আবশ্যিকীয় বস্তু। ভাং-এর শরবত কী করে বানাতে হয় সেই রেসিপি জোগাড় করেছি। সংগত কারণেই দিচ্ছি না। এই শরবত ভয়ঙ্কর হেলুসিনেটিং ড্রাগ। ট্রাকের পেছনে যেমন লেখা থাকে ১০১ হাত দূরে থাকুন, ভাং-এর শরবত

থেকে ১০১ মাইল দূরে থাকার বাঞ্ছনীয়।

শ্রী গাঁজা গাছের পুষ্পমঞ্জুরী থেকে তৈরি হয় গাঁজা। খুব কঠিন প্রভুতিপর্ব না। বোনে শুকিয়ে নিলেই হলো। শ্রী গাছের কাণ্ড, পাতা এবং ফুল থেকে আঠাগুলো যে নির্ধারিত বের হয় তা জন্মিয়ে তৈরি হয় চরস। শুনেছি চরস খেতে হয় ময়লা দুর্গন্ধময় কাঁথা বা কফল গায়ে জড়িয়ে। কাঁথা কফল যত লোহা হতে, নেশা না-কি ততই জন্মবে।

রসায়ন— গাঁজা গাছের ফুল, ফল, পাতা এবং এর গা থেকে বের হওয়া নির্ধারিত আছে সলুরেরও বেশি ক্যানাবিনয়েডস। এদের মধ্যে প্রধান ক্যানাবিনল, ক্যানাবিডিওল, ক্যানাবিনিন। এছাড়াও আছে নানান ধরনের Alkaloids (নাইট্রোজেন ঘটিত যৌগ) এবং কোলিন ট্রাইসেমিন। এইসব জটিল যৌগের কারণেই গাঁজা, জাং এবং চরসসেবীদের ডেডার তৈরি হয় অবসাদ, নেশা এবং কিছন্ন। দীর্ঘ ব্যবহারে ব্রেইনের বারোটো বেঙ্গে যায়। নানান ধরনের রাসায়নিক রোগ দেখা দেয়। যে বস্তু শিব এবং নন্দি জুসি হজম করে, সেই বস্তু আমরা হজম করব কীভাবে।

এখন দেখা যাক গাঁজা গাছের ভেদভেদ দিক। প্রায় সাত্বে তিন হাজার বছর আগে চীন সম্রাট সেন নুং গাঁজা গাছের গুণবি গুণ প্রথম আবিষ্কার করেন (সূত্র Internet, নওয়াজেশ আহমেদ, বাংলার বনফুল)। প্রাচীন ভারতীয় আয়ুর্বেদশাস্ত্রে এর গুণবি গুণ নিয়ে ভেদভেদ কিছু পাওয়া যায় নি। শিবকালী সন্ন্যাসী লিখছেন— “চরসের চিকিৎসা স্থানের প্রথম অধ্যায়ে এবং সূত্রভেদে চিকিৎসাস্থানের ২৯ অধ্যায়ে সোমবস্তুরীর উল্লেখ থাকলেও এটা যে সিদ্ধি বা জাং এটাকে উপস্থাপিত করা যায় না।”

তথ্যকথা বাল থাকুক। আমরা বরং এই নিষিদ্ধ গাছের ভেদভেদ প্রয়োগ দেখি।

গাঁজার ভেদভেদগুণ কোনো শ্রুতিতে নেই, তবে ভারতবর্ষে এর ভেদভেদ ব্যবহার অনেকদিন থেকেই আছে। গাঁজা হচ্ছে সিমুর্তি ভেদভেদ। সন্তু, রজঃ এবং তমোর মিলিত রূপ।

পাঠক যদি প্রশ্ন করে বলেন— সন্তু, রজঃ, তমোর ব্যাখ্যা কী? আমি নাচার। ব্যাখ্যা করতে পারব না। আপনাদের যেতে হবে বেদাচার্যের কাছে।

গাঁজার গুণবি ব্যবহার

- অর্ধরোগের রক্তক্ষরণ বন্ধ করতে হলে দুধের সঙ্গে বেটে প্রসেপ দিতে হবে।
- প্রাচীনকালে মনোরোগে গাঁজার ব্যবহার হতো। দুধের সঙ্গে বেটে ক্ষতে লাগানো হতো।

- অতি আধুনিক কালে ইউরোপের হাসপাতালে ক্যান্সারের প্রচণ্ড বাধা কমানোর পঁজার ধোঁয়া পান করতে দেয়া হয় ।

সিদ্ধির ঔষধি ব্যবহার

পঁজার পাতারই আরেক নাম সিদ্ধি কিংবা ডাং। মহাপুরুষরা সিদ্ধি লাভের জন্যে এই বস্তু ব্যবহার করতেন। মহাপুরুষ হবার সহজ পথ (!) বাঁধা থাকুক। সিদ্ধির পাতা শোধনের নিয়ম বলি। দুধের সঙ্গে মিশিয়ে জ্বাল দিতে হবে। দুধ যখন জ্বালকা সবুজ বর্ণ ধারণ করবে, তখন দুধ ফেলে দিয়ে সিদ্ধি পাতা সংগ্রহ করতে হবে। সেই পাতা ভালোমতো পানিতে খুয়ে শুকিয়ে সামান্য ঘিতে ভেজে বোতলে ভরে রেখে দিতে হবে। তৈরি হয়ে গেল তেজস্বী গুণসম্পন্ন সিদ্ধি।

শিশুদের ডড়কা রোগে ষিচুনিতে ডাংক্ষণিকভাবে ক্রিয়া করে। দুগ্ধবিত, মাত্রা জ্ঞানি না।

হাঁপানিতে, Hay fever-এ দারুণ কার্যকর। ফনফনের সমস্যায়ও এর ব্যবহার আছে।

কামউত্তেজক হিসেবে সিদ্ধির ভালো নামডাক আছে। রাজা-মহারাজাদের বহু নারীর কাছে সান্ত্বনা পাবার জন্যে বেতে হতো। তাদের জন্যে বিশেষভাবে ঘিয়ে ডাং সিদ্ধি তৈরি করে দিতে হতো।

আমরা যেহেতু আমজনতা, রাজাবাদশা নই, সিদ্ধির এই অপূর্ব (!) ভেষজগুণের বিষয়ে আমাদের না জানলেও চলবে। আমাদের জন্যে রবীন্দ্রনাথই ভালো।

দেখব শুধু মুখখানি
শুনব যদি শুনাও বাণী।
না হয় যাব অনাদরে...
ইত্যাদি ইত্যাদি।

বেল

বেলগাছে ভূত থাকে এই তথ্য নিশ্চয় জানেন ; সব ধরনের ভূত না। ভূত সমাজের শ্রেষ্ঠরা। ব্রাহ্মণ ভূত, যার আরেক নাম ব্রহ্মলভি। উচ্চশ্রেণীর ভূতরা বেলগাছে থাকবেন এটাই তো স্বাভাবিক। কারণ বেল হিন্দুদের কাছে অতি পবিত্র বৃক্ষ। বেলের তিন পাতা হচ্ছে অতীত, বর্তমান এবং ভবিষ্যতের প্রতীক। শিবের ত্রিনয়নের প্রতীক। সত্ত্ব, রজ্জ এবং তম গুণের প্রতীক। জ্যোতি, সৃষ্টি এবং স্বপ্নের প্রতীক। বেলপাতা ছাড়া শিবপূজা হবে না। দুর্গাপূজার আদিবাস এবং বোধন দুইই হয় বেলগাছে। বচনই তো আছে—

‘আসছে দুর্গাপূজা

বেলপাতা চাই বোঝা বোঝা।’

হিন্দু ছাত্রদের বই কুলেই পাওয়া যাবে বেলপাতা। কারণ এই পাতা দেবী সরস্বতীরও পছন্দ। সরস্বতী পূজায় বইয়ের ভেতর বেলপাতা দিয়ে সেই বই দেবীর পায়ের কাছে রাখলে দেবী বিদ্যা দেন।

বেল Rutaceae পরিবারের গাছ। বৈজ্ঞানিক নাম *Aegle marmelos*.

বেলের রসায়ন— বেলের আছে জটিল কিছু Alkaloids (নাইট্রোজেন ঘটিত যৌগ) যেমন Haplopine, Aegeline, Tambanide, citamine ইত্যাদি। আরো আছে Coumarins যেমন— 6, 7- dimethoxy coumarin, scopoletin, Kanthotoxin, Marmin, Marmasin ইত্যাদি। Sterol আছে দুই ধরনের, Betasitosterol এবং Gamasitosterol. এইখানেই শেষ না, আরো কিছু জটিল যৌগ আছে যার একটি হলো lupeol.

বেল অতি পুষ্টিগত ফল। প্রধান ব্যবহার শরবত তৈরিতে ; পাকম বেলের শরবতের রেসিপি সবার জানা। আমি কাঁচা বেলের শরবতের একটা রেসিপি দিচ্ছি। কারণ প্রাচীন ভেষজবিদগণ পাকা বেলকে বিষবৎ পরিত্যাগ করে কাঁচাবেলকে অমৃতসম গ্রহণ করতে বলেছেন।

সংহিতায় বলা হচ্ছে—

‘পক্বং বিল্বং বিষোপমম, আমং ত্বুং অমৃতোপমম’

এখানে কাঁচাবেলের শরবতের রেসিপি। রেসিপি দিয়েছেন হেকিম মাওলানা মোঃ মোস্তফা (ভিকিয়ারা হাবিবিয়া ইউনানী কলেজ, ঢাকা)।

কাঁচাবেলের শরবত

কাঁচা বেল কুটে আখসের পানিতে সেদ্ধ করে এক পোয়া হলে
নামিয়ে ছেকে নিয়ে আতে মিছরি মেশান এবং ছাল দিন।
পরে ঠান্ডা করে পরিমাণ মতো পানি দিয়ে পান করুন।

পাকাবেলের শরবত এ দেশের অনেক মানুষ খুবই অগ্রহের সঙ্গে খান।
তাদের কাছে বেলের নানান গুণাগুণের কথা শোনা যায়। প্রাচীন ভেষজ বিজ্ঞান
এই কথা বলে না। তাদের সকল প্রশংসা কাঁচাবেলের।

বেলের ফল হয়েছে ব্রিটিশ ফার্মাকোপিয়ার। বাংলাদেশ জাতীয় আয়ুর্বেদিক
ফর্মুলারীতে ১৯৯২ ওচ-টি গুঁড়ুর উপাদান হিসেবে বেলের বিভিন্ন অংশের
ব্যবহার রয়েছে। ১৯টিতে বেলকঁঠ, ১টিতে বেলপাতা, ১৭টিতে ফুল এবং ১টিতে
বেল ছাল ব্যবহার করা হয়েছে। (সূত্র : ঔষধি উদ্ভিদ, ডাঃ সামসুদ্দিন আহমেদ)।

আধুনিক বিজ্ঞান বলছে কাঁচা বেল ফল রানীকৈত রোগের ভয়ঙ্কর ভাইরাস
ধ্বংস করার ক্ষমতা রাখে। মনে রাখতে হবে ভাইরাসের বিরুদ্ধে আমাদের কোনো
অস্ত্র নেই।

বেলের রয়েছে হাইপোথ্রাইমিক ক্ষমতা। অর্থাৎ রক্তে চিনির পরিমাণ
কমানোর ক্ষমতা। অল্পনালির পরঞ্জীবী নষ্ট করার ক্ষমতা।

ব্যক্তিগতভাবে বেল আমার পছন্দের ফল না। কাঁচাবেল খাওয়ার তো প্রস্তুই
গুঁঠে না। ছোটবেলায় আঙনে পুড়িয়ে কাঁচাবেল খেয়েছি এই স্মৃতি আছে। খেয়ে
মহা আনন্দ পেয়েছি এমন স্মৃতি নেই। তবে পাকীপুরে বিশাল আকৃতির কিছু বেল
পাওয়া যায়, যার ছাল এবং গন্ধ তুলনামূলক।

এবার ভেষজ ব্যবহারের দিকে যাওয়া যাক।

ঘামের দুর্গন্ধ দূরে

যোটা মানুষরা প্রচুর ঘামেন। তারা যদি বেল পাতার রস পানিতে মিশিয়ে গায়ে
মাখেন, তাহলে দুর্গন্ধ দোষ কাটবে। পরীক্ষিত।

সর্দি জ্বর

ভারতের পশ্চিম অঞ্চলের টোটকা চিকিৎসা। এক চামচ পাতার রস খেলে সর্দি,
জ্বর এবং জ্বরভাবের সমাপ্তি।

শৌথ রোগ

হাত-পা কুলে গেলে বেল-পাতার রস মধু দিয়ে খাওয়ার বিধান অতি প্রাচীন
চিকিৎসা ব্যবস্থা।

আত্মিক ক্ষত রোগ (আলসার)

বেশতঃ বার্ণির সঙ্গে মিশিয়ে সেদ্ধ করে খেলে আত্মিক ক্ষত সারে।

অনিদ্রা এবং ডিপ্রেসন

বেলের মূলের ছালচূর্ণ দুধের সঙ্গে মিশিয়ে খেলে অনিদ্রা রোগ সারে এবং উদাসীন ভাব দূর হয়।

বেলপাতার একটি বিশেষ ব্যবহার আগে বলেছি— পাঠ্যবইয়ে বেলপাতা রেখে দিলে বিদ্যা অর্জন হয়। জ্ঞান হয়।

আধিতৌতিক এই বিষয়ের সাধারণ ফর্মুলাও আছে। প্রতিদিন তিনটা বেলপাতা ঘিয়ে ভেজে খেলে স্মৃতিশক্তি ও মেধা বাড়ে। এটা না-কি পরীক্ষিত। আমি পরীক্ষাটা করি নি। স্মৃতিশক্তি ও মেধা যা আছে তাতেই খুশি আছি। তবে ইদানীং পুরনো বন্ধুদের নাম ভুলে যাচ্ছি। ঘিয়ে ভাজা বেলপাতা বেয়ে দেখতে হবে, নাম মনে পড়ে কি-না।

পান

বিয়েবাড়িতে বিপুল খাঁপড়া-দাওয়া হয়েছে। পোশাও, রোট, খাসির রেজালা, সবশেষে মৈ-মিষ্টি। পানের বিলি সাজানো আছে। সর্বশেষ আইটেম একটা আন্ত মিষ্টি পান মুখে দিয়ে 'বিয়েবাড়ির খাঁপড়ার আয়োজন সুবিধার হয় নি' এই নিয়ে আলোচনা।

বিয়েবাড়িতে আন্ত পানের বিলি আমরা অনেকদিন থেকেই খাচ্ছি। কেউ নিষেধ করছে না। প্রাচীন আয়ুর্বেদশাস্ত্রীরা আশেপাশে থাকলে সমস্যা হতো। তারা তেড়ে আসতেন— 'করছ কী! করছ কী! পানের মধ্যম শিরা খেয়ে কেশহ / মধ্যম শিরা বিষকং পকিত্যাজ্জা।'

একটা পান পাতা হাতে নিয়ে দেখুন। এর আছে সাতটা শিরা। আর্জুবেদ বলছে, মধ্যম শিরা বিষ। যেহেতু বিশ্বের কাছেই থাকে অমৃত, বাকিটা অমৃত। সাতটা শিরার কারণে পানের অনেক নাম 'সপ্তশিরা'। মধ্যম শিরার বিষয়টি গ্রামিবাংলায় এখনো মানা হয়। গ্রামের ললনাদের দেখেছি, অতি ঘড়ে পান থেকে মধ্যম শিরা আলাদা করেন।

পান আমাদের সংস্কৃতির অঙ্গ। প্রাচীন বইপত্র থেকে জানা যাচ্ছে, সাড়ে তিন হাজার বছর ধরে আমরা এই বস্তু চিবাচ্ছি। সাধারণ মানুষরা যেমন চিবাচ্ছে, রাজা-বাদশারাও চিবাচ্ছেন। মেটিয়াবুরুজ মূর্খে বন্ধি অবস্থায়ও নগর্যাব গয়াজ্জেন আলি খান পান খেতেন, মুক্তা গুঁড়া এবং কফুরী দিয়ে। আমজনতার জন্যে অবশিষ্ট পানের সঙ্গে সুপারি এবং চুনই যথেষ্ট।

পানের অমৃত সব ব্যবহার আমি নিজের চোখে দেখেছি। এর একটা বলি, নাগরিক পাঠকরা মজা পাবেন। 'নজর লাগা' বলে একটি বিষয় প্রচলিত আছে। নবজাতকের উপর যদি নজর লাগে, সে চিৎকার করে কঁদবে। খাঁপড়া-দাওয়া বন্ধ করে দেবে। তখন তার 'ভিট' পোড়াতে হবে। কাজটা করা হবে দু'টা পান পাতা দিয়ে। সরিষার তেল মাথিরে পান পাতা দু'টা শিটার মাথা থেকে পা পর্যন্ত টানতে হবে এবং টানার সময় যাদের নজর সেপেছে বলে সন্দেহ করা হচ্ছে, তাদের নাম বলতে হবে। এরপর পান পাতা আঙনে পোড়াতে হবে। যদি ঠানঠান শব্দ হয় তাহলে বুঝতে হবে, নজর সেপেছিল, এখন নজর কাটল।

শিশুদের পেট ফাপায় পানের বোঁটার ব্যবহার বাংলাদেশের সব মা-ই জানেন বলে আমার ধারণা। কয়েকদিন আগে আমার কনিষ্ঠ পুত্র নিম্নোক্ত পান বোঁটা চিকিৎসার ভেতর দিয়ে গেছে। আমি খুব কাছ থেকে এই চিকিৎসা পদ্ধতি দেখে চমৎকৃত হয়েছি।

পানের রসায়ন বিষয়ে বলি। পান পাতায় আছে অ্যালকালয়েড আরাকিন, ট্যানিন, ইওজেনস, ট্যানিন ও ডায়াসাটস। এই সঙ্গে সামান্য বিটা ক্যারোটিন। ফিনোলিক কম্পাউন্ড Chavicol, Hydroxy Chavicolও পান পাতায় আছে।

পান Piperaceae পরিবারভুক্ত। বোটানিক্যাল নাম *Piper betle* Linn.

ব্যবহার

- মাথার ঊকুন : পানের রস মাথায় মাখলে ঊকুনের উৎপাত শেষ। একবেলা মাখলেই হবে।
- নখকুনি রোগ : নখের কোণ বড় হয়ে যাওয়া রোগের নাম নখকুনি। পানের রস গরম করে দিনে কয়েক দফা নখের কোণে দিলে নখকুনি রোগ সারে। নখের বৃদ্ধিও কমে।
- দাঁদ : পানের রস ঘনে কয়েকদিন মাখলেই আরোগ্য লাভ হয়।
- ফোঁড়া : পানের সোজা পিঠে ঘি মাখিয়ে ফোঁড়ায় বসালে ফোঁড়া পাকে। ফোঁড়া পাকার পর উল্টো পিঠ ফোঁড়ায় বসালে পুঁজ বের হয়ে আসে। পানের অ্যান্টিসেপটিক গুণ আছে বলে ফোঁড়া বিষাক্ত হতে পারে না।

পানের শিকড়ের একটা ব্যবহারের কথা বলে পান-বিষয়ক আলোচনা শেষ করি। পানের শিকড় মেয়েদের বেটে খাওয়ালে না-কি আর গর্ভ সঙ্গর হয় না। বইপত্রে দেখেছি এটা না-কি পরীক্ষিত। ভয়াবহ এই পরীক্ষা কীভাবে করা হলো, কেন করা হলো, কে জানে! *Glossary of Indian Medicinal Plants*-এ এই বিষয় উল্লেখ করা হয়েছে।



কঁকড়ার চোখ



নীল রঙের নিসিন্দা



সাদা বাসক

www.purepdfbook.com



କଳାକେ ବା ମୌତ୍ୟାଗ୍ୟ ସାଲମ ବୃକ୍ଷ



କୃଷ୍ଣବଟି



আদা

www.purepdfbook.com



পানি

www.purepdfbook.com




অণুর বা অণুর





कदम

www.purepdfbook.com



पीसा

বাসক

‘চারিদিকে বাংলার ধানি শাড়ি— শাদা শীখা বাংলার মাস
আকাশ বাসকলতা ঘেরা এক নীলমঠ আপনার মনে
ভাঙিতেছে ধীরে ধীরে : চারিদিকে এইসব আশ্চর্য উল্কাস—’

জীবনানন্দ দাশ

কবি কি ভুল করে বাসকলতা লিখলেন ? না-কি হুম মেলানোর জন্যে ‘শতা’ যুক্ত করেছেন ? আকাশ নতানো গাছ হলেও বাসক না । বাসক বহুবর্ষজীবী গুল্মজাতীয় উদ্ভিদ । একসময় গ্রামবাংলার ঘরে ঘরে বাসক এবং তুলসি গাছ দেখা যেত । এখনো হিন্দুবাড়িতে তুলসি গাছ দেখা যায়, তবে বাসক না ।

অর্ধবৃক্ষের ব্যাখ্যাকার মহীধর বাসককে বলেছেন অট রুমক । অট রুমক হলো, শরীরের দোষকে (রোগ) হিংসা করে । চরকের টাঁকার চক্রদন্ত বলেছেন—

বাসয়াং বিন্যমানহা মাশায়ং জীবিতস্য চ ।

বক্তপিত্তী ক্ষয়ি কাশি কিমর্ধমবকসদৃষ্টি ।।

অর্থ হচ্ছে, বাসক যদি থাকে তাহলে ক্ষয়রোগ ও কাশরোগে মৃত্যুচিন্তায় অস্থির হবে কেন ?

বাসকের বোটানিক্যাল নাম *Adhatoda vasica* Nees. এর ইংরেজি নাম Malabur Nut, আরবি নাম ইশীশতু সুজাশ, ফরাসি নাম রক্বাজা (সূত্র : ওয়ুধি উদ্ভিদ, ড. সামসুদ্দিন আহমেদ) । বাসকের আরবি, ফরাসি এবং ইংরেজি নাম প্রমাণ করে বাংলার এই উদ্ভিদের পরিচিতি ব্যাপক ।

এসেণে বাসকের প্রধান ব্যবহার কাশিতে । প্রচণ্ড কাশি হয়েছে, বুকে কক জমেছে, মনে হচ্ছে অ্যান্টিবায়োটিক বেতে হবে, তখন বাসক পাতার রস খেয়ে দেখা যেতে পারে । বাসক পাতার রস যে অতিক্রান্ত কাশি দূর করে তার প্রমাণ আমি নিজে । যতবার কাশি হয়েছে পাতার রস খেয়ে সুস্থ । সমস্যা একটাই, ডোজের সমস্যা ।

একজন পূর্ণবয়স্ক মানুষ কতটুকু রস খাবেন ? একটা শিশুইবা কতটা বাবে ? আয়ুর্বেদে ‘ডোজের’ বিষয়টা অনুপস্থিত বলেই হয় । ব্যাপক গবেষণা করে ‘ডোজের’ বিষয়টা ঠিক করা উচিত না ? দু’হাজার বছর আগের পুরনো পুঁথি দেখে

চলাটা কি এই যুগে যুক্তিযুক্ত ? বাসকের অ্যাকটিভ ইনগ্রেডিয়েন্টও তো খুঁজে বের করা প্রয়োজন ।

বাসকের রসায়নে দেখি Vasicine, l-Peganine এবং কিছু essential oil, এর কোনটা অ্যাকটিভ ইনগ্রেডিয়েন্ট ?

বাসক পাতার প্রচণ্ড জীবাণু বিধ্বংসী ক্ষমতা আছে ; এটা পরীক্ষিত । কয়েকটা পাতা ছিঁড়ে কলসির পানিতে ছিটিয়ে দিলে কলসির পানি জীবাণুমুক্ত হবে । এখানেই বা অ্যাকটিভ ইনগ্রেডিয়েন্ট কী ?

তিন ধরনের বাসক গাছের উল্লেখ দেখা যায় । সাদা বাসক, অম্লপুষ্টি বাসক এবং রক্তপুষ্টি বাসক । অম্লপুষ্টি বাসক এবং রক্তপুষ্টি বাসক অতি দুর্বল বলেই হয়তো এদের ভেদজ্ঞ শূন্য সম্পর্কে তেমন কিছু জ্ঞানা যায় না ।

নুহাশ পরীতে সাদা বাসক ছাড়াও আছে কালো বাসক । ফুল পাঢ় নীল, প্রায় কালচে । এই বাসকের উল্লেখ কোথাও পাই নি । বাসক ফুল যে নীল হয় আমি জানতাম না ।

এখন আসুন ঔষধি ব্যবহারে ।

পাত্রবর্ণ ফর্সা করা প্রয়োজন ? শরৎ উষ্মের সঙ্গে বাসক পাতার রস মিশিয়ে গোসলের তিনঘণ্টা আগে গায়ে মাখুন । এক সপ্তাহেই কাজ হবে । পরীক্ষা প্রার্থনীয় ।

ঝোসপাচড়া : গরুর প্রত্নাবের সঙ্গে বাসক পাতা বেটে লাগালে নিশ্চিত নিরাময়! (সূত্র : চিরঞ্জীব বনৌষধি, শিবকালী)

হাঁপানিতে : বাসকের পাতা চুকিয়ে সিগারেট বানিয়ে টানলে হাঁপানির আরাম ।

অর্শরোগে : বাসক পাতা ঝেঁতো করে (অল্প পরম করে) ন্যাকরায় পুটনি বেঁধে মলদ্বারে সেক দিলে যন্ত্রণা ও ফেলা দুইই কমবে ।

বেঁচে থাকুক আমাদের চিরচেনা বাসক ।

অণ্ডরু / অগর

নুহাশ পল্লীতে গোটা বিশেক অণ্ডরু গাছ আছে। সিলেট চা-বাগানে আমার এক প্রিয়জন আরজু থাকে। তার কাজ হচ্ছে বুঁজে বুঁজে দুর্লভ গাছ জোগাড় করে পাঠানো। অণ্ডরু সেই অর্থে দুর্লভ না। সিলেট অঞ্চলে প্রচুর জন্মায়। অণ্ডরু কাঠ পাতন করে সিলেট অঞ্চলে সুগন্ধি বের করা হয়।

আরজু অণ্ডরু গাছ পাঠিয়েছে ঔষধি গাছ হিসেবে না। অর্থনৈতিক বিবেচনায়। সে অতি উৎসাহে বলেছে, 'এক একটা গাছ আপনে লাখ টেকায় বেচবেন।'

শুক টাকায় গাছ বিক্রির আমার কোনো শখ নেই। ঔষধি গাছ সংরক্ষণের শব। সর্ব অর্থেই অণ্ডরু ঔষধি গাছ। অণ্ডরুর শাস্তিক অর্থ যার গুরু নেই। সংহিতায় বলা হয়েছে, 'বনভূমিতে ভূমি সব বিচারেই গুরু, তাই ভূমি অণ্ডরু।'

অণ্ডরু হচ্ছে সেই গাছ যার বাকলে লেখা হতো। বাকল পাতলা কিন্তু শক্ত। আরবে এই বৃক্ষ জানে কিনা জানি না, কিন্তু তাদের কাছে এই বৃক্ষের কদর আছে। আরবিতে অণ্ডরু গাছকে বলে উন। বোটানিক্যাল নাম *Aquilaria malaccensis* Lamk. *Thymelaeaceae* পরিবারভুক্ত।

পাতন প্রক্রিয়ায় অণ্ডরু থেকে যে তেল পাওয়া যায় তাতে আছে সেলিনিন, এগার্কন এবং বেশকিছু কিস্টোন। গাছের ভেতরে তেল তৈরির জন্যে গাছকে কিছু নানানভাবে কষ্ট দেয়া হয়। গোড়া থেকে গাছের কাণ্ডে প্রচুর পেরেক পুঁতে দেয়া হয়। গাছ কষ্টের ভেতর দিয়ে যায়, হত্নাকের আক্রমণে পর্যদুস্ত হয়। তখনই নাকি গাছ সুগন্ধি তৈরি করে। নুহাশ পল্লীর কোনো অণ্ডরু গাছে আমি পেরেক পুঁতেতে দেখি নি। সুগন্ধি তেলের আমার প্রয়োজন নেই। ভালো কথা, একটা তথ্য দিতে চুলে গেছি। সব কাঠ পানিতে ভাসে। অণ্ডরু কাঠ ভাসে না। পানিতে ডুবে যায়।

ঔষধি ব্যবহার

- 'মেন ভুঁড়ি কী করি' ওয়ালাদের জন্যে সুসংবাদ। অণ্ডরু কাঠ চন্দনের মতো ঘষে ১ চা-চামচ করে বেলে মেন রোগ সারে।
- গরম পানিতে এক কাপে এক চামচ অণ্ডরুর পাউডার বেলে হাঁপানি রোগ সারে। শুধু হাঁপানি না, পাণুরোগও (রক্তশূন্যতা) এটি মহৌষধ।
- অণ্ডরু পাউডার গায়ে মাখলে চুলকানি এবং ছুলি রোগের আরাম হয়।

- বাংলাদেশ জাতীয় আয়ুর্বেদ কর্তৃপক্ষি ১৯৯২-০৩ বেসর অনুখে অগুরুত্ব ব্যবহার সেবানো হয়েছে তা হলো, মেদরোগ, মুখে দুর্গন্ধ, ফলরোগ, পাণ্ডু, ধমেহ, কুষ্ঠ, বাত, ধরুজন, গুরুদোষ ইত্যাদি (সূত্র : ঔষধি উদ্ভিদ; ড. সামসুদ্দিন আহমদ।)
- চীনা ভেবলে অগুরু কঠিকে বিবেচনা করা হয় কামউত্তেজক হিসেবে।

কলকে / সৌভাগ্য বাদাম বৃক্ষ

'ওয়েস্ট ইন্ডিজ' নাম স্তনলেই মনে আসে ক্রিকেটের কথা। মনে হয় অপূর্ব সুন্দর দ্বীপের দেশে ক্রিকেট খেলা হচ্ছে। সেইসব দ্বীপে অপূর্ব একটি বৃক্ষ আছে, যার নাম Lucky nut tree, সাদা বাংলায় সৌভাগ্য বাদাম বৃক্ষ।

সৌভাগ্য বাদাম বৃক্ষের বীজ ওয়েস্ট ইন্ডিজ থেকে এসেছে বাংলায়। বৃক্ষের নতুন নাম হয়েছে কলকে। কারণ ফুলটা দেখতে আমাদের দেশের কঙ্কির মতো। হলুদ বর্ণের চমৎকার ফুল ফোটে। ফুলের নাম কলকে ফুল।

অতি দূরের এই গাছ এদেশে কী করে চলে এল তা নিয়ে গবেষকরা নানান কথা বলেন। এক দল বলেন, জলদস্যুরা এনেছে। এই তথ্য আমার কাছে গ্রহণযোগ্য মনে হয় না। জলদস্যুরা এসেছে ডাকাতি করতে। নিজ দেশের ফুলের বীজ দেশে দেশে ছড়ানোর মহান দায়িত্ব তাদের ছিল না।

আরেক দল গবেষক বলছেন, এই ফুলের বীজ খ্রিষ্টান পাদ্রীরা এনেছেন। তারা গির্জার চারপাশে এই বীজের গাছ তৈরি করে শোভা বর্ধনের চেষ্টা করেছেন। এই যুক্তি গ্রহণযোগ্য।

অতি দূর দেশের এই গাছের গোত্রেরই কিছু প্রজাতি কিছু ভারতবর্ষেই ছিল। তাদের সংস্কৃত নাম করবীরক। বাংলায় করবী। বেদ, চরক, সুশ্রুত, নিঘুন্টি গ্রন্থাদিতে করবীর উল্লেখ আছে। রাজ নিঘুন্টিতে চার রকমের করবীর কথা বলা হয়েছে— শ্বেত-রক্ত-পীত-কৃষ্ণ। মুহাশ পণ্ডীতে রক্তকরবী এবং পীতকরবী আছে। বাকি দু'টি নেই। কোথাও আছে এমন শুনি নি।

কলকে প্রসঙ্গে ফিরে আসি। এর বোটানিক্যাল নাম *Thavetia peruviana* Merr. গোত্র Apocynaceae.

কলকে বা পীত করবীর রসায়নে যাওয়া যাক। এর ছালে আছে Glycosides এবং lupeol acetate।

মূলেও আছে Glycosides. তবে এই glycosides, ছালের glycosides না।

ফুলে আছে Glycosides of quercetin-4-methyl ethen.

পাতায় আছে α -amyrin, β -amyrin এবং cardiac glycosides.

কলকের বীজে আছে কিছু ফ্যাটি অ্যাসিড যেমন, linoleic 6.3%, palmitic

17.1%, stearic 11.8%, arachidic 0.4%, oleic 64.3% এবং কিছু Glycosides.

বাংলার মেয়েরা কলকে ফুলের বীজ চেনে। তাদের গ্রীকন যখন শুকায় যায়, তারা অপ্রিয় নেয় কঙ্কের বীজের কাছে। বিষাক্ত এই বীজ প্রাণ হুমকায়ক। অনেক দুখিনী পল্লী-বালা কঙ্কের বীজ খেয়ে মৃত্যু জুড়িয়েছে।

যাক দুর্ধকথা। এর ভেষজ গুণ কী আছে দেখা যাক।

- ফুলের ছাল : ছুর কম্বায়। গায়ে মাখলে চর্ম রোগ দূর হয়। অর্বুদে (টিউমার) কাজ করে। তবে মনে রাখতে হবে, ছালও বীজের মতোই বিষাক্ত।
- পাতা : বিরোধক এবং বমনকারক। মাত্রা ছাড়িয়ে পেলেই বিষাক্ত।
- ফল এবং বীজ : তীব্র বিষ। অল্প মাত্রায় গর্ভপ্রাবকারক, বাত রোগ নাশক।
- ফুল : হৃৎপিণ্ডের বল কারক। ফুলের মধু খেতে ভালো এবং শরীর বল কারক।

এই গাছের যত ঔষধি গুণই থাকুক, এর থেকে একশ হাত দূরে থাকাই বাঞ্ছনীয়। ভারপরেও এই গাছকে সৌভাগ্য গাছ কেন বলা হয় কে জানে! দক্ষিণ আমেরিকার রোড ইন্ডিয়ানরা বিশ্বাস করে, ভোরবেলা ঘুম জেগেই কলকে গাছের ফুল এবং ফল দেখা মহাসৌভাগ্যের ব্যাপার। তাদের ঘরের জানালার কাছে এই গাছ থাকবেই। জানালা ফুলেই দেখা পাওয়া যাবে সৌভাগ্যের।

তেঁতুল

‘টকের ডয়ে ঘর ছাড়লাম তেঁতুল তলে বাস’। সুন্দর প্রবচন না ?

তেঁতুল আমাদের সংস্কৃতির অংশ অতি প্রাচীনকাল থেকেই। ছোটবেলায় নানুজানের কাছ থেকে গল্প শুনেছি—

দাউয়ের ভিতর বইসা বুদ্ধি পাকনা তেঁতুই খায়
একখান ঠেলা দেগে দেবি কদুর দূরে যায়।

তেঁতুল নিয়ে ঝনার বচনটিও মনে করিয়ে দেই ? ভাল, তেঁতুল, কুল তিনে করে বংশ নির্মূল।

ভারতে এই তো কিছুদিন আগেও আমগাছের আম খাওয়া হতো না, যদি না সেই আমগাছের তেঁতুল গাছের সঙ্গে বিয়ে না হতো।

তেঁতুল গাছ নিয়ে কত না রহস্য! এই গাছে তৃত থাকে। খারাপ ধরনের হিংসুটে তৃত। ভালো ধরনের তৃত কোন গাছে থাকে তা অবশ্যি বলা নেই। মনে হয় বেশ গাছে।

তেঁতুল গাছের নিচে ঘুমুলে হিংসুটে তৃতরা কতি করে। নলিনীকান্ত চক্রবর্তীর লেখা *ত্রিপুরার গাছপালার* বলা হয়েছে, তেঁতুলের নিচে ঘুমুলে কুষ্ঠরোগ হয়। তেঁতুল তলায় বাস করলে বুদ্ধি কমে— এটিই লোকের বিশ্বাস। এই নিয়ে বিখ্যাত গল্প আছে। মহাকবি কালিদাসের বুদ্ধি এতই বেশি ছিল যে তাঁর কথাবার্তা বেশির ভাগ মানুষই বুঝত না। মহাবিপদ দেখে কালিদাস কিছুদিন তেঁতুল তলায় বাস করে বুদ্ধি কমালেন।

কালিদাসকে জড়িয়ে তেঁতুল গাছের বিখ্যাত দাঁধার উত্তর কি পাঠকদের জানা আছে ?

কহেন কবি কালিদাস, শিকড়ালের কথা
এক লক্ষ তেঁতুল গাছে কয় লক্ষ পাতা ?

মেয়েরা অতি আশ্রয়ে তেঁতুল খায়, তারা কি জানে সংস্কৃতে তেঁতুলের নাম ‘যমদুস্তিকা’ অর্থাৎ যমের দূত ?

তেঁতুলের ইংরেজি নাম Tamarind. পারস্য দেশীয় গাছ Tamar Hind থেকে এসেছে Tamarind. পারস্য দেশে এই গাছ এসেছে ভারতবর্ষ থেকে তা ‘Hind’ থেকেই বুঝা যাচ্ছে। তেঁতুল গাছের প্রমাতিসূচক নাম Indica বলে দেয় এই গাছ

ভারতের। যদিও অনেকেই বলছেন, এই গাছের আদি নিবাস মধ্য আফ্রিকা।

তেঁতুল মাঝারি আকৃতির গাছ হলেও এর একটি প্রজাতি বিশাল হয়। শ্রীলঙ্কায় একটা গাছের সন্ধান পাওয়া গেছে, যার ডড়ির বেড় ৪২ ফুট। গাছটি না-কি দুইশ' বছরের পুরনো।

তেঁতুলের বোটানিক্যাল নাম *Tamarindus indica* L. পরিবার Leguminosae.

এবার তেঁতুলের রসায়ন। এতে আছে প্রচুর Tartaric Acid, Thalic Acid, Oxalic Acid এবং Polysaccharide.

আমি যখন নর্থ ডেকোটা স্টেট ইউনিভার্সিটিতে পলিমার কেমিস্ট্রির ওপর Ph.D করছি, তখন আমাকে তেঁতুলের বীজ থেকে Water Soluble Polymer আলাদা করে বেশ কিছু কাজ করতে হয়েছিল। বাংলাদেশের তাঁতিরা তেঁতুলের বিচির পলিমার দিয়েই তাদের সুতায় মড় দেন।

ভেষজ ব্যবহার

পাতা

- সর্দি, হাঁচি, নাক দিয়ে ক্রমাগত পানি পড়ায় তেঁতুলের কাঁচা পাতা সিদ্ধ করে সেই পানি খেতে হবে।
- অর্শ রোগে পাতা সিদ্ধ পানি এবং পুরনো তেঁতুল ভেজা পানি খেলে সারবে।
- অমাশা, মুখের ঘা।

ফল

- বক্তে কোলেস্টরল বেড়ে গেলে ধমনীগুলোর স্থিতিস্থাপকতা কমে। তেঁতুল তার মহৌষধ। তেঁতুল ভেজানো পানি শরবত করে নিয়মিত খেলে কোলেস্টরলের মাত্রা কমে আসে।
- পেটে গ্যাস হলেও তেঁতুল পানি কাজ করে।
- কিডনির সমস্যায় হাত-পা ফুলে গেলে তেঁতুল পানি খেলে আরাম হয়। সর্দি গর্মিতে (Sunstroke) বা 'সু লাগলে' তেঁতুল পানি অত্যন্ত উপকারী।

বীজ

- তেঁতুল বীজ যৌনশক্তিকে প্রবল করে বলে বলা হয়ে থাকে। শিবকালী চিরঞ্জীব বনৌষধিতে বলেছেন, এই বীজ বার্ষিক মতো করে খেলে ডায়াবেটিস কমে।

বাজনা

গাছের নাম বাজনা। পাকীপুর অঞ্চলে এই গাছ প্রচুর দেখা যায়। গা-ভর্তি বড় বড় কাঁটা। দেখতে বিকৃতকিম্বাকার। নুহাশ পল্লীতে বড় বড় বেশ কয়েকটা বাজনা গাছ ছিল। গাছের কোনোরকম গুণাগুণ কোথাও বুঁজে পাই নি বসে একটা গাছ বেবে থাকিওলি কেটে ফেলতে বললাম। কর্মচারীদের মাথায় প্রায় আকাশ ভেঙে পড়ল। তারা বলল এই গাছের বীজ ভাঙলে অতি সুগন্ধের তেল তৈরি হয়। ঐ তেলে মুড়ি মেখে খাওয়া আর অমৃত খাওয়া না-কি একই। আমি বেয়ে দেখেছি। 'ওয়াক খুঁর কাছাকাছি।

যাই হোক, বাজনা গাছের বোটানিক্যাল নাম *Zanthoxylum limonella* (Pennst) Alston. পরিবার Rutaceae. বাজনা গাছ কোনো কোনো অঞ্চলে বজবজ নামেও পরিচিত। নেপালে এই গাছ অনেক দেখেছি। ফুলের রঙ সবুজাভ সাদা। গাছ ভর্তি করে যখন ফুল ফোটে, যুদ্ধ হয়ে জাকিয়ে থাকতে হয়। এই গাছ শ্রীলঙ্কায় আছে, বার্মায় আছে। শ্রীলঙ্কা এবং দক্ষিণ পূর্ব-এশিয়ায় এই ফলের কালো বীজ মসলা হিসেবে ব্যবহার হয়।

বাজনা গাছের রসায়ন বিষয়ে কিছু বলতে পারছি না। শিবকালীর কইয়ে এই গাছ সম্পর্কে কিছু লেখা নেই। ভেদর গুণ হলো, এর ফল মধুর সঙ্গে বেটে খেলে বাত রোগ সারে। শেকড়ের বাকল মূত্রকৃষ্ণতায় উপকারী।

কাঁকড়ার চোখ

কাঁকড়ার চোখ গাছটার ইংরেজি নাম। কারণ গাছের ফল অবিকল কাঁকড়ার চোখের মতো। টকটকে লালের এক কোণে কালো বোঁটা। সাইজেও কাঁকড়ার চোখের সাইজ। সমস্ত কারণেই ইংরেজরা গাছের নাম দিয়েছেন কাঁকড়ার চোখ। বোটানিক্যাল নাম *Abrus precatorius*. পরিবার ফেবেসী।

বাংলায় এই গাছের নাম কুঁচফল গাছ। ঐ যে গান— 'কুঁচবরণ কন্যা তাহার মেঘবরণ কেশ।' সোনার সোকানির কাছে এই গাছের ফলের খুব কদর। কারণ রত্নির হিসাব এই গাছের ফলের ওজন থেকে এসেছে। সোনা পাঁচ রত্নি—এর অর্থ সোনার পরিমাণ পাঁচটা কুঁচ ফলের ওজনের সমান।

তিন প্রজাতির কুঁচফল দেখা যায়। লাল বীজ, বীজের মাথায় কালো চোখ *Abrus precatorius* Linn.

কালো বীজ। বীজের মাথায় সাদা চোখ *Abrus pulchellus* wall.

সাদা বীজ, কালো চোখ *Abrus fruticulosus* wall.

নুহাশ পল্লীতে অনেক কুঁচ গাছ আছে, তবে সবই লাল বীজ কালো চোখ।

ত্রিপুরার উদ্ভিদ বিজ্ঞানী প্রশান্ত কুমার ভট্টাচার্য কুঁচগাছকে বিষাক্ত গাছ হিসেবে আলাদা করেছেন (বিষাক্ত গাছ থেকে সাবধান, বিদ্যাভ্রমক, অগ্নিকণা।) তিনি বলছেন এই গাছের বীজ, পাতা, মূল সবই বিষাক্ত।

কুঁচবীজে থাকে প্রচণ্ড বিষাক্ত টকসএলবুমিন এল্বিন। তার সঙ্গে থাকে গ্লোবিওলিন এবং স্ট্রেটিওস। পাতা এবং মূলে থাকে বিষাক্ত অ্যালকালয়েড—গ্রাইক্লিনহিজিন।

অর্ধেকটা কুঁচবীজ খেলেই গরু এবং ঘোড়ার মতো প্রাণী ২৪ ঘণ্টার মধ্যে মারা যায়।

ঔষধি গাছ হিসেবে এর ব্যবহার চরক এবং শুশ্রুতের নিদান তত্ত্বে উল্লেখ করা হয়েছে।

লোকজ ব্যবহার

গ্রামবাংলায় গর্ভপাতে এই গাছের বীজ ব্যবহার করা হয় বলে ঔষধি গাছের সব বইয়ে পেয়েছি। ব্যবহারের পদ্ধতি কী বুঝতে পারছি না। বলা হয়েছে অর্ধেকটা

বীজ খেতো করে ব্যবহারের সঙ্গে সঙ্গে গর্ভপাত ঘটে। বীজ নিশ্চয়ই খাওয়ানো হয় না। বিষাক্ত এট্রিনের কারণে খাওয়ার সঙ্গে সঙ্গেই তো মৃত্যু হবার কথা।

জটিল মাথাব্যথায়

কুঁচফল শুঁড়া করে নস্যির মতো টানলেই কঠিন মাথাব্যথা সারবে।

বমি করাতে

কুঁচের মূল বেঁটে এককাপ গরম পানিতে গুলে খেলেই বমি হবে।

ট্যাকের চিকিৎসায়

কুঁচফল (সাদা কুঁচ) বেটে প্রলেপ দিতে হবে। প্রলেপ দেবার আগে ডুমুর পাতা দিয়ে টাক ঘষে নিতে হবে।

গোড়া ত্রিমিতে

একটা কুঁচ খেতলিয়ে এক কাপ গরম পানিতে ভিজিয়ে ছেঁকে সেই পানি খেলেই আরাম হবে।

আমার মতে, কুঁচ নিয়ে কোনো চিকিৎসায় না যাওয়াই ভালো। কী দরকার খামাখা বিপদ ডেকে আনার? হাতের কাছে যদি অ্যান্টি এট্রিন সেরাম ইনজেকশন না থাকে, তাহলে বীজের এট্রিন বিপদ ডেকে আনবে।

কুঁচ গাছ নিয়ে মজার লোকজ বিশ্বাসের একটা গল্প দিয়ে শেষ করি।

কুঁচগাছের পাতা বশীকরণে ব্যবহার হয়। যাকে বশ করতে হবে, তাকে তরকারির সঙ্গে কুঁচের পাতার রস বা কুঁচপাতা খাইয়ে দিতে হবে। যে খাবে সে না-কি জীবনের জন্যে বশ হবে!

নিসিন্দা

সতিনের সঙ্গে তিন্ত সম্পর্কের উদাহরণ হিসেবে নিসিন্দা বৃক্ষের কথা চলে আসে—

‘নিম তিত্তা, নিসিন্দা তিত্তা, তিত্তা পানের ঘর (কয়ের)
তারো চেয়ে অধিক তিত্তা
দুই সতিনের ঘর ।’

বাংলাদেশের সব জায়গায় এই গাছ আছে। তবে বইপত্রের বর্ণনার সঙ্গে বাংলাদেশের নিসিন্দা গাছ মিলে না। বলা হয়েছে— নিসিন্দা ছোট আকৃতির পত্রবরা গুলুজাতীয় উদ্ভিদ (ঔষধি গাছগাছড়া, একিএম জাওয়ারের হোসেন, গ্রন্থনা)। আমি নুহাশ পল্লীতে দেখেছি বিশাল গাছ। এই গাছের পাতা ঝরে পড়তেও দেখি নি। বাংলাদেশে শীতপ্রধান দেশ থেকে আসা গাছের পাতাই শীতের সময় ঝরে যায়। নিসিন্দা পুরোপুরি বাংলাদেশের বৃক্ষ। শীতকালে এর পাতা ঝরবে কোন দুঃখে ?

এমন কি হতে পারে নুহাশ পল্লীর চারটা নিসিন্দা গাছ বিশেষ কোনো কারণে পাতা ঝরায় না ? ড. এ কে ভট্টাচার্য তাঁর ভারতীয় ভেষজ গ্রন্থে লিখেছেন— ‘নিসিন্দা উচ্চতার মাত্র তিন ফুট হয়। শরৎকালে পাতা ঝরে যায়।’

পাতা ঝরাবিষয়ক বিতর্ক আপাতত হাঁড়িচাপা থাকুক, অন্য প্রসঙ্গে আলোচনা চলুক। নিসিন্দার বোটানিক্যাল নাম— *Vitex negundo* Linn. বোটানিক্যাল নাম *negundo* আমাকে ধাঁধায় ফেলেছে। নামটির মূলে আছে ইউরোপের ম্যাপল জাতীয় গাছ, যে গাছের রস মিষ্টি। এই মিষ্টি রস থেকে ম্যাপল সুগার তৈরি হয়।

আরবিতে নিসিন্দার নাম— ‘পচতিরা’। আমি বেশ অবাক হয়েই লক্ষ করছি, বৃক্ষশূন্য আরব দেশে বেশিরভাগ ঔষধি গাছের আরবি নাম আছে। প্রাচীন আরবে চিকিৎসাবিজ্ঞানের চর্চা ও বিকাশ সম্পর্কে আমরা জ্ঞানি। ঔষধি বৃক্ষের আরবি নাম সেই কথাই বলে।

যাই হোক, নিসিন্দার দু’টি প্রজাতি দেখা যায়। একটি নীল ফুল ফোটে। তার নাম নিরুদ্ভি। অন্য প্রজাতিটি ফোটে। সাদা ফুল। এই প্রজাতি সিন্দুবার নামে পরিচিত।

নিসিন্দার রসায়ন

এলকালয়েড তো (নাইট্রোজেনযুক্ত যৌগ) থাকবেই। যার একটির নাম Nishindine, অন্য এলকালয়েডগুলিকে আলাদা করা যায় নি। নিসিন্দায় Sterol আছে এবং Terpenoid জাতীয় যৌগ আছে।

আমি নিজে কেমিস্ট্রির ছাত্র। কাজেই বৃক্ষ-রসায়ন সম্পর্কে আরো ভালোভাবে কথা বলা উচিত ছিল।

ব্যবহার

বাংলাদেশে দাঁত মাজতে নিমের মাজন ব্যবহার করা হয়। নিমের পরেই নিসিন্দার ব্যবহার। নবিজির (দ.) মেছওয়ারক করতেন, কাজেই বাংলার ধর্মপ্রাণ মুসলমানরা নিম-নিসিন্দার ডাল দিয়ে নবিজির (দ.) সুলত পালন করেন।

ধান, চাল, ডাল জাতীয় শস্যকে পোকামাকড়ের হাত থেকে রক্ষা করার জন্যে নিসিন্দার পাতার ব্যাপক ব্যবহার আছে। গোলাব শস্যের ওপর নিসিন্দার পাতা ছড়িয়ে দিলে পোকামাকড়ের সংক্রমণ হবে না।

নিসিন্দার পাতা মেশানো পানিতে রোগগ্রস্ত মানুষকে স্নান করানোর প্রাচীন রেওয়াজ আছে। আমি নিশ্চিত এই গাছের পাতার জীবাণু বিধ্বংসী ক্ষমতা আছে। ভেষজ গবেষকরা কি এগিয়ে আসবেন?

ভেষজ চিকিৎসার জনক চরক বলেছেন— 'ফণা আছে এমন সাপে যদি কাউকে দংশন করে, তাহলে তাকে স্বেত নিসিন্দার মূলত্বক পিষে পানির সঙ্গে মিশিয়ে খাওয়াবে।'

ভেষজ চিকিৎসার আরেক গ্রন্থমাষ্টার চক্রদত্ত বলেছেন— 'নীল নিসিন্দার মূলের ছাপ পিষে নস্যের মতো নাক দিয়ে টেনে নিলে গলগণ্ড রোগ সারবে।'

সাধারণ ভেষজ ব্যবহার

- অর্বুদ (টিউমার) : শরীরের কোনো জায়গায় টিউমার হলে নিসিন্দার পাতা বেটে গরম করে কয়েকদিন লাগালেই টিউমার সারবে।
- সূতিকারোগ : সূতিকা সারবে নিসিন্দা পাতা সেদ্ধ পানিতে গোসল করলে।
- ফেরেনজাইটিস, টনসিলাইটিস : পাতা সেদ্ধ পানি দিয়ে সেই পানি মুখে রাখতে হবে এবং গার্শল করতে হবে।
- বেডসোর (Bedsore) : শুকনা নিসিন্দার পাতা ঝঁড়া করে ক্ষতে ছড়িয়ে দিলে দ্রুত রোগ সারে।
- জ্বিভে বা মুখে ঘা : কিছু জ্বিভে বা মুখের ঘা আছে যা কিছুতেই সারতে চায়

না । নিসিন্দা পাতার রস ঘি দিয়ে জ্বাল দিয়ে পেটের মতো খানিয়ে খায়ে
দিলে নাকি যা সারবেই ।

প্রাচীন ভারতের কিংবদন্তি চিকিৎসক সুশ্রুতের একটা কথা এই ফাঁকে বলে
নেই,

'প্রাণ রক্ষা পেতে পারে প্রাণ দিয়েই' ।

— সুশ্রুত

উদ্ভিদ প্রাণ । সিনথেটিক ভয়ুধ কি প্রাণ ? আধুনিক পৃথিবী সিনথেটিক
ভয়ুধনির্ভর হয়ে পড়েছে । সুশ্রুতের জ্ঞান্যে দুঃসংবাদ ।

বিলম্বী

বিলম্বীর বোটানিক্যাল নাম *Averrhoa bilimbi* L. বোটানিক্যাল নামের তত্বটা গণসূচক, পরের অংশ প্রজাতিসূচক। বিলম্বীর বোটানিক্যাল নামের গণসূচক শব্দটা এশেছে আরবের বিখ্যাত চিকিৎসা বিজ্ঞানী Averrhoa-র কাছ থেকে। বিলম্বী পাছ আরবে জন্মায় না, অথচ তার নামকরণে আরবের চিকিৎসা-বিজ্ঞানীর নাম চলে এল। ব্যাপারটা অদ্ভুত না? বিলম্বীর গোত্র নাম Averrhoaceae.

বিলম্বী সহজলভ্য পাছ না। বাংলাদেশে নার্সারির কল্যাণে এই পাছ প্রচুর পাওয়া যায়। পাছের ফুল লাল কিংবা বেগুনি। গরমের সময় ফুল ফোটে। ফল পাওয়া যায় শীতকালে।

ফলের স্বাদ কামরান্ধার মতো। ভালো টক। আচার বানানো ছাড়া এই ফলের আর কোনো ব্যবহার আছে বলে আমি জানি না। ত্রিপুরায় এই ফল নিয়ে টক রান্না করা হয়। বিলম্বীর পাকা ফল থেকে ঝুঁবেরীর গন্ধ বের হয়।

ভেষজ ব্যবহার

- বিলম্বী ফলের সিরাপ অত্যিক রক্তক্ষরণ রোগে খুব উপকারী। জ্বর কমানোয় এই ফলের জুমিকা আছে। বিলম্বী ঝাড়ি রোগ প্রতিরোধ করে।
- বিলম্বীর পুষ্টিগুণ ভালো। এতে প্রচুর ক্যারোটিন আছে। সেই সঙ্গে শর্করা, প্রোটিন, যৌক্তিকীয় পদার্থ এবং অনিষ্ট লবণ। একের চেতর অনেক।

নিম

নিমের বৈজ্ঞানিকনাম নাম *Azadirachta indica* A. Tuss, নামের প্রথম অংশ পারসিক শব্দ থেকে এসেছে, আর Indica যে India তা বুঝতে না পারার কারণ নেই। নিম পুরোপুরি এ দেশীয় গাছ, যদিও কিছু বইপত্রে পড়েছি এর আদি নিবাস ভার্য।

এখন সারা পৃথিবীতেই নিমের চাষ হচ্ছে। এর ভেষজগুণ নিয়ে বীতিমতো হেঁচো। তবেছি আমেরিকানরা এই গাছের Patent নিয়ে নিতে চাচ্ছে। এ বিষয়ে নানান আপোলান। বাংলাদেশেও নিম গাছ নিয়ে একটা ফাউন্ডেশন আছে, নাম— বাংলাদেশ নিম ফাউন্ডেশন। জনাব এম. এ হাকিম বাংলাদেশ নিম ফাউন্ডেশনের চেয়ারম্যান।

বিশ্ব স্বাস্থ্য সংস্থা নিমকে 'প্রকৃষ্ট শতকের বৃক্ষ' বলে ঘোষণা দিয়েছে। বলা হচ্ছে প্রাণীকুল এবং উদ্ভিদকুলের মধ্যে এমন উপকারী গাছ একদো আবিষ্কৃত হয় নি। বাতাসে অক্সিজেন ছেড়ে বাতাস বিতরক করান ক্ষমতা নিমের মতো অন্য কোনো বৃক্ষেরই নেই, এই সভ্য আজ বৈজ্ঞানিকভাবে প্রতিষ্ঠিত।

বাংলাদেশের প্রয়াস রাষ্ট্রপতি জিয়াউর রহমান একবার হলে যাবার সময় সৌদি রাজার জান্নে উপহার হিসেবে পঞ্চাশটা নিম গাছের চারা নিয়ে গিয়েছিলেন। আরবের উষ্ণ মরুভূমিকে এই নিম ছায়াশয় করে তুলেছে। আরবের একটি অংশ আজ নিমশয়। আরবে এই গাছকে এখন আদর করে বলা হচ্ছে 'জিয়া গাছ'।

জিয়া পরিবারের নানান কর্মকাণ্ড পরিকায় পড়ে আমি যখন হতাশ, তখন এই পরিবারের প্রতিষ্ঠাতার প্রশংসায়োপ্য একটি কর্মকাণ্ডের কথা বললাম।

ভারতে নিম পবিত্র গাছ হিসেবে পরিচিত। ঠাকুর সেবতার মূর্তি নিম কাঠ ছাড়া তৈরি হতো না। জগন্নাথ দেবের দাক্ষমূর্তি বিশেষ লক্ষণযুক্ত নিমগাছের কাঠ ছাড়া কখনোই তৈরি হয় না।

বাংলাদেশের গ্রামে নিমের লোকজ প্রধান ব্যবহার দাতনে। নবিজি (ন.) দাতন করতেন বলে ইতিহাসে উল্লেখ আছে। কাজেই ধর্মপ্রাণ মানুষ নবির সুন্নত হিসেবে টুথপেস্ট এবং ব্রাশ ব্যবহার না করে নিমের দাতন ব্যবহার করে।

যখন বসন্তের টিকা বা ওষুধ কিছুই ছিল না, তখন বসন্তরোগীকে নিমগাছের ছায়ায় তইয়ে রেখে নিমের ডাল দিয়ে বাতাস করা হতো।

প্রাচীন ভারতে বাড়ির দক্ষিণে অবশ্যই নিমগাছ থাকত। যাতে বছরের বেশিরভাগ সময় যেন নিমের পবিত্র বিতরু বাতাস ঘরে ঢেকে। প্রাচীন বাংলার আঁতুড় ঘরের দরজার একপাশা নিমের ডাল খুলিয়ে রাখা ছিল অতি আবশ্যিকীয় কর্মকাণ্ড। তখন ধারণা করা হতো নিমপাতল শিশুদের অপদেবতার হাত থেকে রক্ষা করে।

নিম অতি তিক্ত গাছ, কিন্তু তার ফল পাখিদের প্রিয় খাদ্য। ফলের স্বীকৃত থেকে সুগন্ধি তেল হয়। এই তেলের বড় অংশই সাবান তৈরিতে ব্যবহার হয়। বাংলাদেশের একজন লেখক যার নামের আদ্যক্ষর 'সু', নিম সাবান ছাড়া অন্য কোনো সাবান ব্যবহার করেন না। তাঁর কাছে না-কি এই সাবানের গন্ধ অদ্ভুত লাগে।

নিমের ভেষজগুণ নিয়ে পৃষ্ঠার পর পৃষ্ঠা লেখা যায়। লিখতে ইচ্ছা করছে না। আমেরিকান বৈজ্ঞানিকরা ১৯৭২ সন থেকে নিম নিয়ে গবেষণা করছেন। গবেষণার ফলাফলে জার্নাল জর্ডিত। Internet-এর বোতাম চাপলেই সব তথ্য কেবু হয়ে আসবে।

নিম বিষয়ে ব্যক্তিগত দুঃখের কাঁদুনি নিয়ে লেখা শেষ করি। দুঃখ পত্নীকে ত্রিশ-চল্লিশটার মতো নিমগাছ আছে। গাছগুলি কেমন যেন মরা মরা। অনচলক গাছ হাওয়া-সৌন্দর্যে ঝলমল করছে। নিম গাছগুলিই শুধু চিমসি ঘেরে আছে। এরা মনে হয় আমাকে পছন্দ করে না।

নিমের গোত্র : *Meliaceae*

মেহগনি এবং তুন বৃক্ষও একই গোত্রের। জালা কথা, আমাদের পবিত্র গ্রাছে 'তুন' বৃক্ষের উদ্ভেধ আছে। তুন গাছ আমার সধ্যাছে নেই বলে এই গাছ বিকরে কিছু লিখতে ইচ্ছা করছে না।



নীল রঙের নয়নভারা (মৃত্যুফুল)



গোলাপি রঙের নয়নভারা (মৃত্যুফুল)





বরগম



তেলাকুসা



মটিকন



শেট্ট



ফির



বেলা



খয়ের



শুভদ্রীব

খয়ের

নুহাশ পল্লীতে একটা খয়ের গাছ আছে। পাছটা সংগ্রহ করা হয়েছে বরেন্দ্র অঞ্চল থেকে। তেঁতুল গাছের মতো পাতা। কাঁটার ভর্তি। ভারতবর্ষে ১৮ প্রজাতির খয়ের গাছ আছে। কিছু প্রজাতির গাছ না-কি সত্তর-আশি ফুট পর্যন্ত লম্বা হয়। নুহাশ পল্লীর খয়ের গাছটিও ম্রুত বাড়ছে। শেষ পর্যন্ত কত বড় হবে কে জানে!

প্রাচীন বাংলা সাহিত্যে খয়েরের কথা বারবার এসেছে। পানের সঙ্গে খয়ের বেলে ঠোট লাগ হবে। কন্যার ঠোট লাগ না হলে সৌন্দর্যই তো ফুটবে না। ভাগ্যিস লিপটিক বাজাবে এসেছে। এই কলু না থাকলে তো খয়েরের ওপর প্রচণ্ড চাপ পড়ত। আজকাল অবশ্যি বাজারে কালো লিপটিকও পাওয়া যাচ্ছে। কোনো ঠোটের সৌন্দর্য আমাকে এখনো টানছে না। ভবিষ্যতে হয়তো টানবে।

যাই হোক, খয়ের গাছের বোটানিক্যাল নাম *Acacia catechu wild* পরিবারের নাম Leguminosae.

রসায়ন

খয়েরে আছে α , β এবং γ catechin, 1-epicatechin এবং catechotannic অ্যাসিড। খয়েরে Tannin-ও আছে। Tannin নামের এই যৌগটি অবশ্যি বেশিরভাগ গাছেই আছে।

ব্যবহার

মহিলাদের জন্যে সুসংবাদ, খয়ের মহিলাদের যৌবন দীর্ঘস্থায়ী করে। যারা দীর্ঘ যৌবন চান, তারা এখন থেকে পান খাওয়ার সঙ্গে সঙ্গে পানে খয়ের ব্যবহার শুরু করতে পারেন।

প্রতিটি সুসংবাদের সঙ্গে একটি দুসংবাদও থাকে। খয়ের গায়ের চামড়া কালো করে। এবং এটি গর্ভস্রাব কারক।

কোনো মহিলাই পল্লবর্ণ কালো হোক তা চাইবেন না, তবে এর একটি ভালো দিক আছে। যাদের শ্বেতীরোগ আছে, খয়ের ব্যবহারে সেই রোগের প্রকাশ কমবে। কারণ চামড়ার Pigmentation বাড়িয়ে দেবে।

গায়ক-গায়িকাদের পান খেতে দেখা যায়। পানের রস গলায় ঝরকে মিষ্টি করে এমন কথা প্রচলিত আছে। পানের সঙ্গে খয়ের বেলে সেই খয়ের ঝরকল দূর করে।

যখন সিঙ্কিলিস এবং গানোরিয়ার কোনো চিকিৎসা ছিল না, তখন গ্রাটীন ভারতীয় জেব্রাজকিনরা ক্ষতস্থানে খয়ের চূর্ণ ব্যবহার করে বিশেষ ফল পেতেন বলে দাবি করেছেন।

কলা হয়েছে অল্পমাত্রায় খয়ের যৌন সন্ধান ক্ষমতা বৃদ্ধি করে। জন্মগ্রহণ বিকল্প হিসেবে এটা ব্যবহারের চিন্তাভাবনা করা যেতে পারে। তবে যা করবেন নিজ দায়িত্বে করবেন। আমি বইপত্র যা পড়েছি তাই লিখছি।

মটুদের জন্যে সুসংবাদ

খয়ের মেদ কমায়। প্রাচীন জেব্রাজ হচ্ছে গুরুত্বের সঙ্গে মেদ কমানোর কথা বলা হয়েছে। স্থূল ব্যক্তির প্রতিদিনই ১০/১৫ গ্রাম খয়ের কাঠের কাথ খাবেন। খয়ের রক্ত সামান্য কালো হয়ে যাবে। সেটা তেমন কোনো বড় ক্ষতি না। 'মেদ কুড়ি কী করি'র হাত থেকে তো বাঁচা যাবে।

শেষ কথা

খয়ের নামের অর্থ হিংসুক। সে সকল রোগ-ব্যাদিকে হিংসা করে বলেই এই নাম।

বেঁচে থাকুক এই হিংসুক বৃক্ষ। হিংসা সবসময়ই যে খারাপ তা কিন্তু না।

কৃষ্ণবট

শ্রীকৃষ্ণ নদী চুরি করতেন। চুরি করা নদী সুকিয়ে রাখা বিরাট সমস্যা। বালক কৃষ্ণ এই সমস্যার সমাধান করলেন। তিনি একটা গাছ খুঁজে বের করলেন, যার পাতাগুলি ঠোঁটার মতো। বালক কৃষ্ণ এই পাতার ঠোঁটার নদী সুকিয়ে রাখতেন বলেই গাছের নাম কৃষ্ণবট।

এই হচ্ছে নামকরণের পৌরাণিক শানে নমূল। উদ্ভিদ বিজ্ঞানী C D E Cardolle কৃষ্ণবটকে উদ্ভিদের এক নতুন প্রজাতি হিসেবে ঘোষণা দেন। যদিও তার ঘোষণা টিকে নি। বর্তমানে কৃষ্ণবটকে বটগাছের এক প্রজাতি হিসেবে ধরা হয়। বৈজ্ঞানিক নাম *Ficus bengalensis* var. *Krishnea*. বোটানিক্যাল নামে অবশিষ্ট শ্রীকৃষ্ণ স্থান পেয়েছেন। এই গাছের গোত্র *Moraceae*. আরেকটি কথা, বোটানিক্যাল নামে *bengalensis* বঙ্গদেশ বুঝায়।

উদ্ভিদ বিজ্ঞানী নলিনীকান্ত চক্রবর্তী তার বই *ত্রিপুরার গাছপাড়ার* লিখেছেন—

‘পঞ্চাশের দশকে কলিকাতা হতে চাষা এনে একটি কৃষ্ণবট কলেজটিলায় মহারাজা বীরবিক্রম কলেজের ছেলেরের কমন রুমের পেছনে লাগানো হয়। যা কালক্রমে বিশাল বৃক্ষে পরিণত হয়। আমি কলেজে থাকাকালীন ছাত্রদেরকে এই বৃক্ষটি প্রতি বছর দেখাতাম। বছরধানিক আগে জানতে পারি কে যা কারণ গাছটি নিক্তিক করে দিয়েছে। আমার জ্ঞানামতে ত্রিপুরায় বর্তমানে আর এই জাতের গাছ নেই।’

নলিনীকান্ত বাবুর মনের কষ্ট বুঝতে পারছি। তবে আমার মনে আনন্দ হচ্ছে একটি কারণে যে, মুহাশ পট্টীতে কৃষ্ণবটের একটা গাছ আছে। পাতাগুলি ঠোঁটার মতো। প্রকৃতি তার বৃক্ষ ভগৎ নিয়ে কত মজাই না করে!

ঘেটু

বিকৃতিভূষণ ব্যাধি পড়েছেন তারা ঘেটু ফুল চেনেন। তাঁর বইয়ে ঘেটু ফুলকে তিনি ভাট ফুল বলেছেন। ভাট ফুলের সৌন্দর্যে বারবার অভিভূত হয়েছেন। ভাট গাছ কিংবা ঘেটু গাছ গ্রামবাংলার কোপকাড়ে অযত্ন-অবহেলায় বড় হয়। কেউ ফিরেও তাকায় না; বিকৃতিভূষণের কারণে আমি ফিরে তাকালাম। অতি যত্নে একটা ভাট গাছ এনে নুহাশ পল্টীতে লাগালাম। গোবর দেয়া হলো, সার দেয়া হলো। হল্যান্ডের এক কোম্পানির Slow releax nutrients-এর একটা ট্যাবলেটও দেয়া হলো।

ভাট ফুল গাছ অপ্রত্যাশিত এই আদর-যত্নে হলো অভিভূত। ঝাঁকড়া গাছ পাতায় পুষ্পে ঝলমল করতে লাগল।

ঘেটু গাছের আরেক নাম ঘণ্টাকর্ণ। ঘণ্টাকর্ণ শৌর্যাসিক নাম। মা শীতলায় (৩টি বসন্ত যার কল্যাণে [!] ছড়ায়) স্বামীর নাম ঘণ্টাকর্ণ।

যাই হোক, গাছটার বোটানিক্যাল নাম *Clerodendrum fragrans* পরিবার হলো Verbenaceae.

রসায়ন

ভাট ফুলে আছে Clerodin, Sterol, Xanthophyll এবং Carotene. এর পাতায় আছে Protein 21.2%, Fibre 14.6%, Reducing sugar 3.0%, Total sugar 17.0%। ভাটের পাতায় কয়েক ধরনের অ্যাসিডও আছে, যেমন Linolenic acid, Obic acid, Stearic acid, Lignoceric acid.

ভাটের রসায়নে প্রচুর চিনি আছে বলে বলা হচ্ছে। আমি পাতা চিবিয়ে দেখছি, মহা তিত্তা, প্রায় নিসিন্দার তিত্তার মতো।

ভেষজ ব্যবহার

- চর্ম রোগ : যে-কোনো ধরনের চর্মরোগে ভাটগাছের রস দু'তিন দিন লাগালেই রোগ সারবে।
- পেট ফাঁপা : বিয়ে বাড়িতে প্রচুর খাওয়া-দাওয়ায় পেট ফেঁপেছে। টক ডেকুর উঠছে, প্রাণ যায় অবস্থা। সহজ চিকিৎসা। ঘেটু ফুলের ছাল তিন-চার গ্রাম বেটে খেয়ে নিতে হবে।

- কৃমিতে : প্রতিদিন খালি পেটে ঘেঁটু পাতার রস দু'চামচ খেলে কোনো কৃমিই থাকবে না ।
- ম্যালেরিয়ায় : দেশে কুইনাইন আসার আগে ম্যালেরিয়াতে ঘেঁটু পাতার রস খাওয়ানো হতো ।
- টিউমারে : সাধারণ টিউমারের (ক্যান্সার না, এমন) ভালো চিকিৎসার কথা উল্লেখ করছি— ঘেঁটু পাতা এবং তার মূলের ছাল বেটে টিউমারে করেকবার লাপালে টিউমার মিলিয়ে যাবে ।
- উকুনে : মাথার উকুনের নানান গুহুধপত্র এবং শ্যাম্পু পাওয়া যায় । ভেতর চিকিৎসা করে দেখলে কেমন হয় ? ঘেঁটু পাতার রস মাথায় মেখে গোসল সেয়ে নিলে উকুনের ভুষ্টিনাশ হবার কথা ।

ঘণ্টাকর্ণের একটা পৌরাণিক রূপ আছে । সেই রূপটা বলে নেই । ঘণ্টাকর্ণ একজন অপদেবতা । তার দুই কানে বুলন্ত ছ'টা ঘণ্টা । সে যখন চলাফেরা করে, তখন বিকট শব্দে কানে ঘণ্টা বাজে । সাধারণ মানুষ এই ঘণ্টাধ্বনি সহ্য করতে পারে না । অনেকেই মৃত্যুবরণ করে ।

পুত্রঞ্জীব

ভারতের উদ্ভিদ উদ্যানের প্রথম পরিচালকের নাম উইলিয়াম রক্সবার্গ। তাঁকে আধুনিক ভারতীয় উদ্ভিদবিদ্যার জনক বলা হয়। অনেক বোটানিক্যাল নামে রক্সবার্গের নাম আছে, যেমন— *Putranjiva roxburghii* Wall. বোটানিক্যাল নামের প্রথম অংশটি ভারতীয় 'পুত্রঞ্জীবা'। পাছের বাংলা নাম জিয়নপুত্র কিংবা জিয়াপুত্র।

অদ্ভুত নামকরণের কারণ জনৈক সন্ন্যাসীর দেয়া উপহার এই গাছের বীজ থেকে জনৈক ভারতীয় তরুণীর মৃতপুত্র জীবন লাভ করেছিল।

এখনো অনেকে বিশ্বাস করেন, এই গাছের বীজ শিশুদের অপদেবতার হাত থেকে রক্ষা করে। ভারতের বিভিন্ন অঞ্চলের অনেক শিশুকে এই গাছের বীজ গলায় বা কোমরের ঘুনসিতে পরতে দেখা যায়।

সাধু-সন্ন্যাসীরা রত্নাক্ষের মালায় সঙ্গে পুত্রঞ্জীব বৃক্ষের বীজের মালাও গলায় পরেন।

মাঝারি আকারের বৃক্ষ। গরমের সময় সাদা ফুল ফোটে। গাছের বাকল কালো। পাতা ছোট রক্ত গাঢ় সবুজ। তনেছি গাছটি দেখতে সুন্দর। তনেছি এই কারণে বললাম যে, এই গাছ আমি এখনো চোখে দেখি নি। নুহান পল্লীর গুয়ুধি বাগানে এই গাছ নেই।

ভেষজ গুণ

গাছটির ফল ও পাতা এনালাজসিক— জ্বর কমায়। বীজ থেকে তেল পাওয়া যায়। কেরোসিনের আধমতের আগে এই গাছ এবং রেড়ি গাছের বীজের তেল দিয়ে প্রদীপ জ্বালানো হতো। পুত্রঞ্জীব গাছের বীজের তেলের আলো অতি নরম এবং অতি স্নিগ্ধ বলে বইপত্রে লেখা। পরীক্ষা করার উপায় পাচ্ছি না।

গাছটির গোত্র : Euphorbiaceae.

রেড়ি গাছও একই গোত্রের।

রাণীর ফুল / জারুল

জারুল গাছের ইংরেজি নাম Queen's Flower. আবার কিছু বইতে লেখা Pride of India.

অতি বিনয়ের সঙ্গে বলছি— আমি রাজা-রাণী গোত্রের কেউ না— আমলনতার একজন হিসেবে জারুল ফুলের মহাভক্ত ; বিশ্ববিদ্যালয় ছাত্রজীবনে মোহসিন হলে থাকতাম । হেঁটে হেঁটে কার্জন হলে ফেডাম এবং মুম্বই চৌধুরে দু'পাশের বিশাল জারুল গাছগুলির ফুলগুলির দিকে তাকাতাম । মনের অজান্তে কতবার যে বলেছি— 'আহারে!'

গাছটির বোটানিক্যাল নামে একজন সুইডিস বিজ্ঞানী আছে— Lagerstrom. বোটানিক্যাল নাম *Lagerstroemia speciosa* Pers.

গাছের পরিবার Lythraceae.

পাতাঝরা টাইপ গাছ, তবে সব পাতা আমি নিজে কখনো করে যেতে দেখি নি । এপ্রিল-মে মাসে ফুল ফোটে, পৃথিবী নীল রঙে বাড়িয়ে দেয় ।

ভেষজ গুণ

নলিনিকান্ত চক্রবর্তীর বইতে পড়লাম, এই গাছের ফুল আন্দামান দ্বীপপুঞ্জে দ্রুত নিবারণে ব্যবহার করা হয় ।

গাছের বীজ ঘুমেয় গুণ্ডুখ হিসেবে অত্যন্ত কার্যকর । শিকড় জ্বর কমায়ে । বাকুল এবং পাতা কোষ্ঠকাঠিন্যের না-কি মহৌষধ ।

লটকন

লটকনের বোটানিক্যাল নাম *Bixa orellana* L. *Bixa* শব্দটি দক্ষিণ আমেরিকার, কাজেই ধারণা করা হয় লটকন ছড়িয়েছে দক্ষিণ আমেরিকা থেকে। চীন দেশে এই গাছের নাম রঙগাছ। কারণ চীনে প্রথম লটকনের বীজ তরিয়ে রঙ তৈরি করা হয়। ইংরেজিতে গাছের নাম বানরের তেঁতুলবৃক্ষ (Monkey Turmeric)।

বাংলার গ্রামেগঞ্জে কোপে-ঝাড়ু অঞ্চল-অবহেলায় এই গাছ প্রচুর হয়। ফল হয় গরমে। গ্রামের শিশুদের অতি পছন্দের ফল। ইদানীং দেখছি শহরের বাজারও এই ফল দখল করেছে। আসরের কেজি এবং লটকনের কেজি তুল্যমূল্য।

লটকনের রসায়ন বিষয়ে কলা যাক। পাতায় আছে Essential oils. যেমন bixaghanene এবং flavonoids, এছাড়াও আছে 7-bisulphateo of apigenin, butectin.

বিচিতে আছে Carotenoid, bixin এবং fatty oils. কিছু alcoholও থাকে, নাম bixol.

গাছের মূলে আছে Triterpenes, tomentosis acid.

ভেষজ ব্যবহার

গাছের মূল পানিতে সেদ্ধ করে ছাঁকান পর যা পাওয়া যায় (water extract) বিচুনিতে উপকারী। জ্বরিসেও অত্যন্ত কার্যকর।

প্রাচীনকালে এই গাছের বাকল এবং বিচি গনোরিয়া রোগে ব্যবহার করা হতো।

বিচি ডিসেনট্রিতে উপকারী, ফল প্রস্রাবকারক এবং রেচক। এপেলেনি রোগে লটকনের ফল ও বিচি খুব কাজ করে। ভারতীয় ভেষজবিদ না, আধুনিক ইউরোপের গবেষকদের গবেষণায় এই তথ্য বের হয়ে এসেছে।

বাংলাদেশ এশিয়াটিক সোসাইটির একটি বই *Medicinal Plants of Bangladesh* (Abdul Ghani) থেকে আমি ভেষজ রেফারেন্স নিয়েছি।

এখন তনি আর্জুবেদশাস্ত্রীরা কী বলেন— এই গাছের পাতা, বীজ ও শিকড় ছুর উপশমের কমতা রাখে। কফ, বাত, মাথা ধরা, কুষ্ঠ, বমি এবং পিত্তের সকল পীড়ায় উপকারী।

হিং

অনেক বছর ধরেই বাংলাদেশে বৃক্ষমেলা হচ্ছে। বাণিজ্য মেলা, বইমেলায় পাশাপাশি বৃক্ষমেলা যথেষ্ট গুরুত্ব পাচ্ছে। ইট-কংক্রিটের শহর ঢাকার মানুষরা যে হারে গাছ কেনেন তা দেখে মনে হওয়া স্বাভাবিক, এ গাছ তারা কোথায় লাগাবেন? জায়গা কই?

বৃক্ষমেলা থেকে গাছ কেনার কিছু বিপদ আছে। আমি একটির উল্লেখ করছি। একবার বৃক্ষমেলা থেকে অগ্রাহ করে আমি একটা হিং গাছ কিনলাম। হিং অতি দুর্লভ গাছ। আফগানিস্তানের পাহাড়ের অঞ্চলে বড় হয়। আফগানিরা হিং-এর আটা জমা করেন। একসময় সেই হিং নিয়ে ভারতবর্ষে ছড়িয়ে পড়েন। 'চাই হিং চাই হিং' ধনি শোনা যায়।

হিং-এ বিশেষ ধরনের (কুখা উল্লেখদারী) গন্ধ আছে। এই কারণেই নানা খাদ্যদ্রব্যে হিং-এর ব্যবহার হয়। যারা প্রায়ই কোলকাতা যাতায়াত করেন, তাঁদের অনেকেই নিশ্চয় হিং-এর কচুরি খেয়েছেন।

যাই হোক আমি হিং-এর দুর্লভ চারা অতি যত্নে নৃহাশপত্রীতে লাগলাম। যত্ন-অস্তিত্ব চলতে থাকল। জৈব-অজৈব নানান সার দেয়া হলো। হল্যান্ড থেকে আনা Slow realising nutrients-এর ট্যাবলেট দেয়া হল। আমাদের পরিশ্রম বৃথা গেল না। পাহাড়-পর্বতের এই গাছ বাংলার মাটিতে দ্রুত বড় হলো এবং এক সময় ফুল ফুটল। ফুল দেখে আমি হতভম্ব। এ তো গন্ধরাজ ফুল! হিং গাছে গন্ধরাজের ফুল ফুটবে কেন? হিং-এর ফুল হবে ছোট ছোট হলুদ রঙের। ফুলগুলি পুষ্প মঞ্জুরির মতো সাজানো থাকবে। বইপত্রে তাই বলে। হিং গাছে গন্ধরাজ ফুল ফোটান কারণ নেই।

যাদের কাছ থেকে এই গাছ কিনেছিলাম, কয়েক বছর পর কাকতালীয়ভাবে তাদের সঙ্গে দেখা। আমি হিং গাছে গন্ধরাজ ফুলের কারণ জিজ্ঞেস করতাই তারা বললেন, হিং গাছ বাংলাদেশের মাটিতে হয় না। গন্ধরাজ গাছের সঙ্গে গ্রাফটিং করতে হয়। আপনি কোনো কারণে মূল হিং গাছ কেটে ফেলেছেন বলেই এই সমস্যা হয়েছে।

এখন অবশিষ্ট নৃহাশ পত্রীতে হিং গাছ আছে। গাছ থেকে আঠা সংগ্রহ এখনো করা হয় নি। কখনো হবে সেই সন্ধাননা ক্ষীণ। কারণ আঠা সংগ্রহ করতে

হলে পাছটা গোড়া থেকে কেটে ফেলতে হয়। কাটা পাছে মাটির হাঁড়ি উপুড় করে রাখতে হয়। সেখানে আঠা জমে। তিন মাস আঠা সংগ্রহ করা হয়। সেই আঠা রোগে লুকিয়ে বিক্রিযোগ্য হিং বের হয়, যার রঙ গাঢ় হলুদ। আমার যেহেতু হিং-এর আঠা বিক্রির বাসনা নেই, আমি পাছ কাটতে যাচ্ছি না।

হিং-এর বোটানিক্যালি নাম *Ferula foetida* Negil. হিং-এর পরিবার Umbelliferae. এশিয়াটিক সোসাইটি প্রকাশিত বিপুল আয়োজনের গ্রন্থ *Medicinal Plants of Bangladesh*-এ হিং-এর উল্লেখ নেই। সন্দেহত এই গাছ বাংলাদেশের নয় বলেই। তবে ড. তপন কুমার দে'র লেখা বাংলাদেশের প্রয়োজনীয় গাছ গাছড়ায় হিং-এর উল্লেখ আছে। তিনি বলছেন, বাংলাদেশের উত্তরাঞ্চলে পরীক্ষামূলকভাবে এই উদ্ভিদের চাষ হচ্ছে। উনার কথা ফেলে দেয়া যাবে না। কারণ তিনি বন বিভাগের বড় একজন কর্মকর্তা। 'বনের রাজার' কাছাকাছি পদের মানুষ। তাঁর লেখা বইটি অবশ্যই প্রশংসার দাবি রাখে।

ঔষধি ব্যবহার

ড. তপন কুমার দে বলছেন— 'হিং হিষ্টেরিয়া রোগ নিবারক, স্নায়বিক উত্তেজক।' আমার প্রপু, হিষ্টেরিয়া স্নায়বিক উত্তেজনাতেই হয়। যে শুধু স্নায়বিক উত্তেজক সেই শুযু হিষ্টেরিয়া আরো বাড়াবে। কমাতে কেন ? না-কি বিশেষ বিষয়কয়ের ব্যাপার ?

হিং পেট ফাপায় খিটুনিতে খুবই কার্যকর। শিশুদের ব্রংকাইটিস এবং নিউমোনিয়া উপকারী এপিলেস্থিতেও ব্যবহার করা যায়। স্বাস্থ্যকর এবং স্নায়ুতন্ত্রে হিং উত্তেজক শুযুধ।

শিবকালী তাঁর বইতে লিখছেন, 'হিং কাঁচা খেলে মহিলাদের গর্ভপাতের সম্ভাবনা।' কাজেই মহিলারা সাবধান।

গাছপালা-বিষয়ক শুকনা (১) বিষয় নিয়ে আমার লেখাগুলি পাঠক-পাঠিকারা পড়ছেন বলে মনে হয় না। যারা পড়েছেন তাদের হয়তো ইতোমধ্যে ধারণা হয়েছে, ভেষজ বৃক্ষের ঔষধি গুণের উপর আমার অসম্মব আস্থা। তা কিন্তু না। বর্তমান বিজ্ঞান কঠিন পরীক্ষা-নিরীক্ষার বিজ্ঞান। প্রাচীন ভেষজবিদরা কী ধরনের পরীক্ষা করেছেন তা জানা নেই। তাদের অনেক ঔষধি বিজ্ঞানই অনুমান নির্ভর বলে আমার ধারণা। একটা উদাহারণ দেই। ভেষজবিদদের সবাই আনারস খাবার পরে দুধ খাওয়া সম্পূর্ণ নিষেধ করেছেন। তাদের ধারণা দু'য়ে মিলে মহা বিষ তৈরি হয়, যাতে মৃত্যু পর্যন্ত হতে পারে। আমি অনেকবার

ডরপেট আনারস খেয়ে দুধ খেয়ে প্রমাণ করেছি তথ্যটা মিথ্যা ।

আনারস পর্তুগীজরা এদেশে নিয়ে এসেছিল । সম্পূর্ণ নতুন একটি ফল সম্পর্কে শংকা এবং সীতি থেকে ভেয়াজবিদরা এই বিধান দিয়েছেন বলে আমার ধারণা । 'রাতে ফল খেতে হয় না', 'ফল খেয়ে জল খায় যম বলে আয় আয়' এইসবই ভ্রান্ত ধারণা ।

বরুন

গাছের নাম বরুন, সূর্যের নাম বরুন আবার শতভিষা নক্ষত্রের নামও বরুন। বরুন হিন্দুদের এক দেবতা, বর প্রার্থনা করলেই তিনি বর দেন। বরুন এমনই দেবতা যার কাছে অন্য দেবতারাও বর প্রার্থনা করেন—

'দেবাঃ প্রার্থয়ন্তে বরান ইতি বরুনঃ'

অর্থ, যার কাছে দেবতারা বর প্রার্থনা করেন তিনিই বরুন।

গাছটির বৈজ্ঞানিক নাম গ্রিক উদ্ভিদ বিজ্ঞানী ক্রিটেভাসের নাম থেকে এসেছে— *Crataeva nurvala* Buch-Ham

পরিবার হলো Capparidaceae.

মাঝারি আকারের বহু শাখাযুক্ত বৃক্ষ। বাকলের রঙ ধূসর। শীতে সব পাতা ঝরে যায়। মার্চ-এপ্রিলে নতুন পাতা আসে। ফুল প্রথমে হয় সাদা, তারপর হয় হলুদ। সবশেষে হালকা লাল। গোলাকার ফল। ফুল এবং ফল সবজি হিসেবে অনেক জায়গায় রান্না করা হয়। বেসন দিয়ে ভাজা বক ফুল খেয়েছি। বরুন ফুল এখনো খাওয়া হয় নি। দেখি এবছর খাওয়া যায় কিনা। মুহাম্মদ পত্নীর বরুন গাছ অনেক বড় হয়েছে। এই বছরে ফুল ফেটার কথা।

বরুন গাছের রসায়ন

গাছের ছালে আছে Saponin এবং টেনিন।

শিকড়ে আছে Lupeol, β sitosterol এবং varanol

ফলে আছে glucocapparin, beta-sitosterol, triacontane, triacontanol, cetyl এবং ceryl alcohol.

পাতায় আছে l-stachydrine

বরুন গাছের কাঠ দিয়ে দেয়াশলাই-এর কাঠি তৈরি হয়।

ভেষজ ব্যবহার

বরুন গাছের ছাল কিডনি এবং ব্লাডারের মহৌষধ হিসেবে বিবেচিত হয়। কিডনিতে এবং ব্লাডারে পাথর হতে দেয় না। বর্তমানের আধুনিক বিজ্ঞান এই কথা বলছে। আয়ুর্বেদ মতেও বলা হয়, কাণ্ড এবং মূলের ছাল পাথুরী রোগ নিবারক।

মেছেতা রোগটি ছত্রাকের কারণে হয় এবং সহজে এর হাত থেকে রক্ষা পাওয়া যায় না। বরফ গাছের ছাল ছাগলের দুধে ঘষে প্রতিদিন মেছেতায় লাগালে মেছেতা সারবে।

গেঁটে বাতে গেঁটে গেঁটে বাধা হলেও বরফ পাতা পানিতে সেদ্ধ করে খেলে গেঁটে বাতের বাধা এবং ফোলা দুইই কমবে।

অর্শরোগে আক্রান্ত ব্যক্তি যখন বাধায় খুবই কষ্ট পাবে, তখন বরফ পাতা সেদ্ধ পানিতে তাকে গোসল করলে বাধা-বেদনা কিছুই থাকবে না।

নবম দশকের শেষে বাংলাদেশে বৃন্দ নামে একজন ভেষজবিদ জন্মেছিলেন। তার বিখ্যাত গ্রন্থ *সিদ্ধযোগ*-এ তিনি বরফ বৃক্ষের ছালের অনেক ব্যবহার দেখিয়েছেন। তার একটি হলো, ফোঁড়ায় বরফ গাছের ছাল বেটে লাগালে সঙ্গে সঙ্গে আরাম হবে।

তেলাকুচা

এক ভোরবেলায় জনৈক জঙ্গলোককে দেখলাম ক্র কুঁচকে নুহাশ পল্লীর ঔষধি বাগানে ঘুরে বেড়াচ্ছেন। তাঁর হাতে কলম এবং একটা নোটবুক। মাঝে মাঝে নোটবুকে কী সব লেখাও হচ্ছে। আমি আশ্রয় নিয়ে এগিয়ে গেলাম। জঙ্গলোক হতাশ পলায় বললেন, আসল গাছটাই তো আপনার এখানে নেই!

আমি বললাম, আসল গাছ কোনটা ?

আসল গাছ হলো 'বিধী'। কী বাগান করলেন যেখানে বিধী নেই!

আমি বললাম, নামটা প্রথম শুনলাম।

জঙ্গলোক বললেন, বিধী হলো আমাদের দেশের তেলাকুচা। যার ফলের নাম মাকাল ফল। এখন চিনেছেন ?

মাকাল গাছ আসল গাছ ?

অবশ্যই। ডায়াবেটিসের ঘম। তেলাকুচার তিনটা পাতা নিবেন। আজনের তাপে একটু গরম করে দুপুরে খাবার পর খাবেন। আপনার ডায়াবেটিস যদি না সারে, আমার একটা কান কেটে তেলাকুচা গাছের কাছে পুতে দিয়ে যাব।

আমি বললাম, সেখান থেকে 'কর্ণগাছ' বের হবার কোনো সম্ভাবনা কি আছে ?

জঙ্গলোক বললেন, আমি শিক্ষক মানুষ। নিজে রসিকতা করি না। অন্যে যখন করে, সেটাও পছন্দ করি না। তেলাকুচা গাছ সম্পর্কে যা বলেছি ঠিকই বলেছি। বইপত্র পড়ে দেখবেন। গাছ বিষয়ে কিছু জানেন না, বাগান বানিয়ে বসে আছেন!

জঙ্গলোক চলে যাবার পর আয়ুর্বেদাচার্যের বই খুললাম। সেখানে সত্যি সত্যি লেখা—

'অনেক সময় আমরা মস্তব্য করি, তেলাকুচার পাতার রস খেলাম, আমার ডায়াবেটিসের সুফল কিছুই হলো না। একটা বিষয়ে যোগে ভুল হয়ে গিয়েছে। এই রোগ তো আর একরকম দোষে জন্ম নেয় না। এক্ষেত্রে তেলাকুচার পাতা ও মূলের রস তিন চামচ করে সকালে ও বৈকালে একটু গরম করে খেতে হবে। এর দ্বারা রোগী তিন-চার দিনে সুস্থতা বোধ করবেন।'

তেলাকুচার বোটানিক্যাল নাম *Coccinia indica cogn.*

তেলাকুচা Cucurbitaceae পরিবারের গাছ।

সতানো গাছ। বাংলার খোপকাড়ে অযত্নে অবহেলায় বড় হয়। এর ফল উজ্জ্বল লালবর্ণের। চকচক করতে থাকে। পাখিরা এই ফল আগ্রহ করে বায়। ভয়ঙ্কর তিতা বলে মানুষের খাওয়ার অযোগ্য। মাষ্টার সাহেবরা এই ফল গালাপালি করতে ব্যবহার করেন। কোনো ছাত্র যদি দেখতে সুন্দর হয় কিন্তু পড়াশুনায় হয় গাথা তাহলে তাকে তখনই হবে— ব্যাটা মাকাল ফল!

প্রাচীন কবিরা প্রাণিয়নীর রূপ বর্ণনায় এই ফল ব্যবহার করেন। বিদ্যোষ্ঠ শব্দটি ওষ্ঠ বিদ্যের মতো তুলনায় অনেকবার ব্যবহার হয়েছে। সংস্কৃত কবি লিখলেন—

‘বিদ্যাধরাজ্ঞনৈ বিদ্যৈ ঠজ্জা ফলমিতি ত্রমাৎ’।

তেলাকুচার রসায়ন সম্পর্কে বলি— তেলাকুচার পাকা ফলে আছে Carotenoids. কাঁচা ফলে আছে Glycoside, Cucurbitacin B, Beta amyryin এবং Lupeol.

গাছটির মূলে আছে Lupeol acetate, Beta amyryin acetate এবং Beta sitosterol. মূলে আরো পাওয়া গেছে নতুন ধরনের Saponin, গাছের কাণ্ডে আছে Protein, Fat, Carbohydrates, Minerals, Vitamin c, Sterols, Beta sitosterol, Phenolic compounds, Triterpenoids, Beta-amyryin, Beta-amyryine acetate, Lupeol এবং তিস্ত Glycosidic ও alkaloids.

তেলাকুচার মতো গাছ নিয়ে এত গবেষণা যে হয়েছে তা জেনেছি ইন্টারনেটের মাধ্যমে। আধুনিক গবেষকরা বলছেন, এই গাছ ডায়াবেটিস সার তে সক্ষম।

যে শিক্ষক ভদ্রলোক বিশ্ব গাছটির বিষয়ে আমাকে প্রথম জানিয়েছিলেন, মাসখানিক পরে তাঁর সঙ্গে আবার দেখা। তিনি একটি তেলাকুচার চারা নিয়ে এসেছেন। চারাটি ফল্ল করে লাগানো হয়েছে। একটু বড় হলেই আমি এর পাতা খেয়ে ডায়াবেটিস সারাবো বলে সিদ্ধান্ত নিয়েছি।

করমচা

বিভূতিভূষণের 'পঞ্চের পাঁচালী'তে চলে যাই। কুম কৃষ্টি নেমেছে। অপু-দুর্গা বৃষ্টিতে ডিঙছে। কৃষ্টি কুমার জানো তারা একমনে অপছে—

‘যা বৃষ্টি ধরে যা
নেবুর পাতায় করমচা।’

‘নেবুর পাতায় করমচা’ বলা হচ্ছে, কারণ এই গাছের পাতা সেবুপাতার মতো। ফুল সাদা, দেখতে জুই ফুলের মতো।

এই হলো আমাদের অতি পরিচিত করমচা। সংস্কৃত নাম করমর্দক। শিবকালীর বইতে করমচা বিষয়ে মজার তথ্য পেয়েছি। খ্রিষ্টপূর্ব চতুর্থ শতাব্দীতে কিছু ফলের গুণের ট্যাবল বসেছিল। ফলগুলি হলো— তেঁতুল, আম, ডালিম, ফলানা, বড়ই, আমলকী, সেবু এবং করমচা। প্রাচীন ভারতে করমচা দিয়ে মদ বানানো হতো। এই কলে তিনি নেই বললেই হয়, তারপরেও মদ কীভাবে বানানো হতো কে জানে। আমার ধারণা মদ তৈরির বিশেষ কোনো উপাদান হিসেবে এর ব্যবহার ছিল। বৈদিক শ্লোকে আছে— ‘আমার কাঁচা, পাকা ও শুকনো কল দ্রাক্ষ ফলের মতো পৃথক শক্তির আধার।’

করমচার বোটানিক্যাল নাম *Carissa carandus* Linn. পরিবার হলো Apocynaceae. নওয়াজেশ আহমেদ ‘বাংলার বনফুল’ বইতে বলেছেন করমচার ১৫টি প্রজাতি আছে। শুশু যেমন আছে, বৃক আছে, লতানো গাছও আছে।

এবার এই গাছের রসায়নে আসা যাক।

এই গাছের মূলে আছে চারটি Cardioactive compounds : Carissone, Beta-Sitosterol, Triterpene এবং Carindone. এছাড়াও আছে সিগনাম এবং টেরয়েড প্রাইকোসাইড। ঝাইল্যান্ডের এক বিশ্ববিদ্যালয় (মহীফোল ইউনিভার্সিটি) করমচার মূলের উপর ব্যাপক গবেষণা চালিয়ে যাচ্ছে।

করমচার ফলে আছে প্রচুর পরিমাণে Ascorbic acid এবং Salicylic acid.

গাছটির কাণ্ডে আছে Alkaloid, Terpenoids এবং Steroidal glycosides.

ব্যবহার

আধুনিক পরীক্ষায় দেখা গেছে গাছের মূল Histamine releasing.

Hypotensive, Cardiotoxic, Antiscorbic এবং antthalmintic. ফল Astringent এবং Antiscorbic.

প্রাচীন ভেদে এই গাছের উল্লেখযোগ্য কোনো ব্যবহার পাশ্চি না। অল্পচিহ্নে, পিত্তবিকারে ব্যবহার আছে।

সবচে' মজার ব্যবহার হলো 'হাই জেলা' রোগে। যারা বারবার হাই জেলায়, তারা করমচা সেরূপ পানি খেয়ে হাই জেলা রোগ সারাতে পারেন। অস্লিমেনের ঘটতি হলে আমরা হাই তুলি বলে জানতাম, আয়ুর্বেদশাস্ত্রীরা এই বিষয়ে ডিম্বমত পোষণ করেন। তাদের মতে 'হাই' হলো সর্বশরীর ব্যাপী সম্বন্ধশীল বায়ু (খাত্তমত অগ্নিপ্রবাহ)।

অপু-দুর্গার কাছে করমচার ব্যবহার বৃষ্টি কমানোর। আমি এই ফল টক হানের জন্যে খাই। বাংলাদেশের কিছু নার্সারি মিষ্টি করমচার বিদেশী চারা বিক্রি করছে। নুহাল পল্লীতে এরকম একটা চারা আছে। তার শাকা ফল খেয়ে দেখেছি, দেশী করমচার চেয়েও টক।

পপি

ব্রিটিশরা চীনের সঙ্গে দু'বার যুদ্ধ করেছে শুধুমাত্র 'আফিম'-এর ব্যবসা সমস্যা নিয়ে। প্রথমবার ১৮৪১ সনে। দ্বিতীয়বার ১৮৫৮ সনে। দু'বার চীন পরাজিত হয়। ইস্ট ইন্ডিয়া কোম্পানি চীনে আফিম রপ্তানির একমাত্র অধিকার লাভ করে। এই আফিম যেত ভারতবর্ষ থেকে। কোম্পানির তত্ত্বাবধায়নে আফিম গাছের চাষ হতো; আফিম সংগ্রহ করে রপ্তানি করা যেত।

আমি যখন বুব ছোট (বয়স ৫-৮ বছর) তখন দেশের বিভিন্ন জায়গায় আফিম বিক্রির দোকান দেখেছি। আফিমখোররা দোকান থেকে আফিম কিনতেন। তবে তার জন্যে লাইসেন্স করতে হতো। মানক গ্রহণের জন্যে লাইসেন্স প্রথা এখনো বাংলাদেশে আছে। সরকারের আবগারী বিভাগ সমাজের বিশিষ্টজনদের মদ খাবার জন্যে লাইসেন্স (!) দেন।

মোঘল রাজপরিবারের সদস্যদের আফিমের নেশা ছিল অতি পছন্দের নেশা। বঙ্গ সমাজেও আফিম খেয়ে নেশা করার সামাজিক স্বীকৃতি ছিল। ব্যয় করা সন্ধ্যার পর আফিমের একটা 'গুলি' খেয়ে মৌতাত করবেন, এতে কেউ দোষ ধরত না।

গত ত্রিশ হাজার বছর ধরে মানুষ এই ভয়ঙ্কর নেশা করে যাচ্ছে। তবে এখন 'গেল গেল' রব উঠেছে। আফিমের নানা উপাদানের নানা ব্যবহার তারপরেও বের হচ্ছে। বিশুদ্ধ এইসব উপাদানে 'হকড' হয়ে যাওয়া জনগোষ্ঠীর সামনে গাঢ় অন্ধকার ছাড়া কিছুই নেই।

যে গাছটির থেকে এই আফিম তৈরি হচ্ছে, তার নাম পপি। প্রতিবছর ফুলের সৌন্দর্যের জন্যে নুহাশ পত্নীসহ সারা পৃথিবীতেই এই গাছের চাষ করা হয়। বর্ষজীবী এই গাছে শীতের সময় অঙ্কুরিত সুন্দর ফুল ফোটে। ফুলের পাপড়ি লালচে, গোলাপি, নীলচে, গাঢ় নীল বর্ণের হয়। ফলগুলি হয় ক্যাপসুলের মতো। ফল ব্রুড দিয়ে লম্বালম্বিভাবে চিরে দিলে সেখান থেকে সোনালি রঙের আঠা বের হয়। এই আঠা রোদে শুকিয়ে আফিম বানানো হয়। ফলের বীজগুলি কিন্তু আমরা তরকারি হিসেবে ব্যবহার করি। বীজের নাম পোস্তদানা। বাংলা রান্নার যে-কোনো বইয়ে পোস্তদানার উল্লেখ থাকবেই।

বীজগুলি বাজারে সরাসরি আসে না। পানিতে ফলসহ বীজ একবার সেদ্ধ হয়ে আসে। সেই সেদ্ধ পানিও নেশা হিসেবে ব্যবহার করা হয়। ফলের

খোসাগুলিও বিক্রি হয়। খোসার নাম পোস্তটেটী।

গাছটির বোটানিক্যাল নাম *Papaver somniferum* Linn.

পরিবার— Papaveraceae.

আফিমের যেসব বিষাক্ত বস্তু থাকে তার মধ্যে আছে ১.৫ ভাগ মরফিন, ০.৫ ভাগ মারকোটিন, ০.১ ভাগ কোডেইন, ০.১ ভাগ পেপাজারেন, ০.৫ ভাগ থিবেইন। আফিমের ত্রিশটি প্রজাতি থেকে পেপাভিরুপবিনস জাতীয় একশ'র বেশি এলকালয়েডস পাওয়া গেছে। (সূত্র : *বিষাক্ত গাছ থেকে সাবধান*, প্রশান্ত কুমার ভট্টাচার্য)

আরবের মহান চিকিৎসক ইবনে সিনা তাঁর বিভিন্ন গবেষণায়ই মানসিক এবং শারীরিক অসুখ আরোগ্যের ওষুধ হিসেবে আফিমের ব্যবস্থা দিয়েছেন। হোমার তাঁর *ইলিয়াড* মহাকাব্যে আফিমকে ব্যথা উপশম এবং ক্ষত নিরাময়ের ওষুধ হিসেবে বর্ণনা করেছেন।

ভারতীয় ভেষজ্ঞে যকৃৎের ব্যথায় আফিম ব্যবহারের কথা বলা হয়েছে।

শ্লান্থুঘটিত রোগ, বহুমূত্র, একশিরা, অনিদ্রায় এর ব্যবহারের বিধান দেয়া হয়েছে।

আফিমের যে ব্যবহার জেনে আমার মজা লেগেছে, তা হলো— ইচ্ছাশক্তি বর্ধক হিসেবে ব্যবহার। ভারতীয় যোগীরা দুধের সঙ্গে নিয়মিত সামান্য মাত্রায় আফিম খেয়ে থাকেন। এতে ইচ্ছাশক্তি, নিজের মনের ওপর দখল না-কি বাড়ে।

আফিমের ঔষধি গুণাবলি সব জেনেও বলছি, এই ভয়ঙ্কর গাছ থেকে 'শত হস্ত দূরে' শত হস্ত দূরে থাকাই বাঞ্ছনীয়।

উদয়পত্র

রবীন্দ্রনাথ ঠাকুর ত্রিপুরার মহারাজার বাড়িতে প্রথম এই গাছ দেখেন। বিদেশী জাতীয় গাছ। অপূর্ব ফুল। এ বি এম জাওয়ারায়ের হোসেন অবশিা তাঁর বই ঔষধি গাছগাছড়া'য় লিখেছেন এটি একটি বৃক্ষ। ২০ থেকে ২৫ ফুট লম্বা হয়। রবীন্দ্রনাথ এই গাছের কোনো বাংলা নাম নেই দেখে নিজেই নাম রাখেন উদয়পত্র।

উদয়পত্র নৃহাশ পত্নীতে আছে, বৃক্ষশ্রেণিকদের উদয়পত্র দেখার নিমন্ত্রণ।

গাছটির বোটানিক্যাল নাম *Magnolia grandiflora*. পরিবার Magnoliaceae.

গাছটির কোনো ঔষধি ব্যবহার কোথাও বুঝে পাই নি। অপূর্ব ফুল মন ভালো করে দেয়। এটাই বা কম কী ?

নীলমণি লতা

এই গাছের নামও রবীন্দ্রনাথের রাখা। নাম থেকেই বোঝা যাচ্ছে ফুলের রঙ নীল। অর্কিড ধরনের থোকা থোকা ফুল দেখে রবীন্দ্রনাথের মাথায় নীলমণি নাম আসাই স্বাভাবিক। লতাজাতীয় গাছ। ইংরেজিতে বলে Climber. নৃহাশ পত্নীতে আছে।

নীলমণি লতার বোটানিক্যাল নাম *Patreaa volubilis*. পরিবার হলো Verbanacea. একই পরিবারের একটি গাছ আছে সবাই চেনেন, গাছটার নাম রক্তাক্ত হৃদয়— Bleeding Heart.

নীলমণি লতার কোনো ঔষধি ব্যবহারের কথা জানা নেই।

মাধুরী লতা

এই গাছের নামও রবীন্দ্রনাথের রাখা। রবীন্দ্রনাথ তাঁর প্রিয় কন্যা মাধুরীর স্মৃতিতে গাছটার নাম রাখেন। অনেকে মাধুরী লতাকে মাধবী লতা বলে ভুল করেন।

গাছটা লতাজাতীর (Climber), বোটানিক্যাল নাম *Quisqualis indica*. পরিবার *Combretaceae*.

লতানো এই দৃষ্টিনন্দন ফুল গাছের কোনো ঔষধি ব্যবহার নেই।

বাগান বিলাস

বাগান বিলাস গাছের নামও রবীন্দ্রনাথের রাখা। আদি নাম বুগেনভিলিয়া। প্রধান প্রজাতি তিনটি— পেকুলিয়ার্না, গ্রাবরা এবং স্পেট্টিবিলাস। বাংলাদেশে সবকটি প্রজাতি আছে। 'Bougainvillea' কি এই গাছের ইংরেজি নাম, নাকি বোটানিক্যাল নাম বুঝতে পারছি না। ঔষধি কোনো ব্যবহারও বুঝে পাই নি। যেসব গাছের নাম রবীন্দ্রনাথ রেখেছেন সেই গাছগুলি সম্পর্কেই পরপর লিখলাম। কিছু গাছের বোটানিক্যাল নাম হিসেবে রবীন্দ্রনাথ এবং বিভূতিভূষণের নাম এলে ভালো লাগত— *Tagore indica*, *Bivhuti indica*। পড়তেই ভালো লাগে।

জবা

মুক্তিদুহ্ন নিয়ে একটা ছবি বানিয়েছিলাম। ছবির নাম 'শ্যামল ছায়া'। ছবির এক ব্রাঞ্চ চরিত্র স্নানের সময় সূর্যমস্ত্র পাঠ করল—

'জবাকুসুম সংকাশং কাশ্যপেয়ং মহা দ্যুতিং...'

বোঝাই যাচ্ছে জবা কোনো সহজ ফুল না। সূর্যপ্রণাম জবামূল ছাড়া হবে না। মা-কালীর পূজাতেও জবামূল লাগবে। সাধারণ জবায় হবে না, রক্তজবা লাগবে। কাপালিকদের প্রিয় ফুল জবা। এই ফুলকে তাঁরা বশিকরণ এবং মারণ কার্যে ব্যবহার করতেন বলে ভারতীয় সংস্কৃত গ্রন্থে উল্লেখ পাওয়া যায়। [সূত্র : আয়ুর্বেদাচার্য শিবকালী।]

জবার বোটানিক্যাল নাম *Hibiscus rosa-sinensis* Linn, পরিবার Malvaceae. জবা মানেই লাল, অথচ এখন নানান বর্ণের জবা দেখছি। নুহাশ পত্নীতে দুখের মতো সাদা রঙের জবাও আছে। গবেষণায় নানান পদ্ধতিতে ফুলের রঙ বদলানো এখন কোনো ব্যাপারই না। কুঁচকুঁচে কালো রঙের গোলাপ পাওয়া গেলে সাদা জবা দোষ করল কী?

পৃথিবীর পাঁচটি দেশের জাতীয় ফুল জবা।

জবার রসায়ন

জবামূলে আছে— Thiamine, Riboflavin, Niacin এবং Ascorbic acid, Cyanidin, diglucoside, Flavonoids.

পাতা এবং গাছে আছে— Beta sitosterol, Stigmasterol, Taraxerol acetate. কিছু Cyclopropane এবং তাদের Derivatives-ও পাওয়া গেছে।

জবার ব্যবহার

ভেষজ গুণদের ভারতীয় গ্রান্ডমাস্টার যেমন চরক, চরুপ্ত, বাগভেট জবার ব্যাপারে কিছু বলেন নি। সপ্তম শতাব্দী পর্যন্ত ভারতীয় কোনো গ্রন্থে জবার ঔষধিগুণের উল্লেখ নেই। একাদশ শতাব্দীতে চক্রদত্ত জবার ভেষজ ব্যবহারের কথা বলেন।

- অনিয়মিত মাসিক স্রাবে : জবামূল বেটে কয়েকদিন খেতে হবে।
- চুলে ফাংগাস ইনফেকশন : জবামূল বেটে লাগাতে হবে। এলোপেসিয়া এরিয়েটা

- চোখ উঠায় ; জব্যামূল বেটে চোখের উপরের এবং নিচের পাতার সাপাতে হবে ।

আধুনিক চিকিৎসা বিজ্ঞান জ্বার কিছু গুণ আবিষ্কার করেছে, যেমন—

- জ্বার শিকড় যৌনউত্তেজক (aphrodisiac) এবং রাতকানা রোগে কার্যকর ।
- চোখের অসুখেও জ্বার পাতার রস কার্যকর ।
- পাতার নির্ধাস বাতের ভালো ওষুধ । ফেরিনজাইটিস এবং টেনসিনাইটিসেও খুব কার্যকর ।

ঘৃতকুমারী

এই সেখাটা কুইজ নিয়ে শুরু করা যাক। বৃক্ষবিষয়ক কুইজ।

বলুন তো, আদম এবং হিত যে গাছটির পাতা দিয়ে লক্ষা নিবারণ করেছিলেন সেই গাছের নাম কী ?

আমি নিশ্চিত বেশিরভাগ পাঠকই ক্র কুঁচকাছেন। গাছের নাম তাদের জানা নেই। নাম বলে দিচ্ছি। গাছটির নাম 'উদ'। উদ নাম সহজে মনে থাকবে না। উট মনে রাখলেই উদ মনে পড়বে।

দ্বিতীয় প্রশ্ন, 'উদ' বেহেশতের গাছ, পৃথিবীতে কি এই গাছ আছে ?

প্রশ্নটির জবাব না দিয়ে 'ঘৃতকুমারী'তে চলে যাই।

বেদে তরুণীকে বলা হয়েছে 'ঘৃতকুম্ভা সমা নারী।' যার অর্থ সামান্য তাপেই এর গলে যান। ঘৃতকুমারী নাম সেখান থেকেই এসেছে। এই গাছের পাতাও সামান্য চাপ এবং তাপে গলে যায়। গাছটির আরেক নাম গৃহকন্যা, কারণ গৃহের আশেপাশেই তার বাস। কেউ কেউ বলেন 'অমরা', গাছটি বহুবর্ষজীবী— প্রায় দুত্বাহীন। আরবিতে এই গাছের নাম 'সকাতর'। ইংরেজিতে Aloe.

'In lands of palm and southern pine;
In lands of palm, of orange blossom,
Of olive, aloe, and maize and vine.'

— Tennyson

ঘৃতকুমারী না চিনলেও Aloe নামটির সঙ্গে আমাদের তরুণীদের পরিচয় আছে। তারা মুখের ফুকের ফুলে দামি দামি যেসব লোশন ব্যবহার করেন, তাদের বেশিরভাগের ইনগ্রেডিয়েন্টের একটি Aloe.

গাছটার বোটানিক্যাল নাম *Aloe indica royle*. Indica বলছে গাছটির মাতৃভূমি ভারতবর্ষে। যদিও নগরাজেশ আহমেদ বলছেন, গাছটি এসেছে মাদাগাস্কার দ্বীপ থেকে। ঘৃতকুমারী Liliaceae পরিবারভুক্ত।

রসায়ন

এলোইন হলো ঘৃতকুমারীর প্রধান রাসায়নিক উপাদান। এলোইনের প্রধান উপাদানগুলি হলো কার্বালাইন, আইসো বার্বালাইন, বিটা বার্বালাইন এবং এলো এমোডিন। এলোইন ছাড়াও আরো যেসব গুরুত্বপূর্ণ যৌগের সম্বন্ধ পাওয়া গেছে,

সেসব হচ্ছে— ক্লোরোফেনেথল, অক্সানপ্রোকইনোনস, কুমারিন, এমিনো অ্যাসিড, স্টেরল, ট্রাইটারপেন, ম্যালিক এবং ফরমিক অ্যাসিড । গাছটিতে কিছু উদ্ভাবী তেল এবং রজনও আছে ।

ব্যবহার

পশ্চিমা দেশে ঘৃতকুমারী নিয়ে অনেক গবেষণা হয়েছে এবং এখনো হচ্ছে । ঘৃতকুমারীর ঔষধি গুণ সম্পর্কে তাদের কথা বলা যাক ।

- ঘৃতকুমারীর পাতার রস ক্ষত এবং পুড়ে যাওয়া অতি দ্রুত সারায় । এই রস পেপটিক আলসার, ডায়াবেটিস এবং অ্যাজমার ঔষুধ । রস ঘন করে খেতে হবে । ঘৃতকুমারীর রস ঘন করে যে বস্তু তৈরি হয় তার আয়ুর্বেদিক নাম মুসাকর ।
- মেয়েদের ঋতুজনিত সমস্যা এবং গিউকোরিয়াতে মুসাকর অত্যন্ত উপকারী ।

টেকোদের জন্যে সুসংবাদ

ঘৃতকুমারী ব্যবহারে টেকো মাথায় চুল গজায় । প্রাচীন ভেষজবিনদের কথা নয়, পশ্চিমা গবেষকদের কথা— (Goldman and Goldman, 1996) । যারা টেকো মাথার অধিকারী, তারা পরীক্ষা করে দেখতে পারেন ।

মৃত্যুফুল

নাম শুনেই চমকতে হয়। না জানি কী ভয়ঙ্কর ফুল। অথচ এই ফুল আমাদের গ্রামেগঞ্জে, শহরের বাড়ির টবে সারা বছর ফুটে থাকে। আমাদের অতি পরিচিত এই ফুলের নাম 'নয়নতারার'। প্রাচীন গ্রিসের অধিবাসীরা এই ফুলের নাম দিয়েছিল 'মৃত্যুফুল'। কারণ তাদের একটা নিয়ম ছিল, যে সব শিশু মারা যাবে তাদের গলায় পরিয়ে দিতে হবে নয়নতারার মালা। অর্থাৎ মৃত্যুফুলের মালা।

অবাক কাণ্ড হচ্ছে, জার্মানিতে একই ফুলের নাম অমরত্বের পুষ্প (Flower of immortality), আরেক নাম শতচক্ষু (Centochio). শতচক্ষু নাম কেন হলো বুঝতে পারছি না। বাংলা নয়নতারার সঙ্গে শতচক্ষুর মিল আছে। ঝোপড়ি ধরনের গাছে যখন অসংখ্য ফুল ফোটে, তখন মনে হয় অসংখ্য চোখ ডাকিয়ে আছে। শতচক্ষু নাম কি সেখান থেকে এসেছে?

ইংরেজিতে এই ফুলের নাম Periwinkle. কবি Wordsworth-এর কবিতায় Periwinkle উঠে এসেছে।

'Through primrose tufts in that sweet bower
The fair periwinkle trailed its wreaths.'

গাছটির বোটানিক্যাল নাম *Vinca rosea* Linn. পরিবার Apocynaceae.

নয়নতারার ফুলে পাঁচটি পাপড়ি থাকে। পাপড়ির রঙ গোলাপি। বাংলাদেশে গোলাপি ছাড়াও সাদা এবং লাল রঙের নয়নতারারও দেখা যায়। ইউরোপে আমি দেখেছি নীল রঙের নয়নতারার।

নয়নতারার ঔষধি ব্যবহার তার পাতা এবং মূলে। গাছের রসে ৭০টির মতো Alkaloids আছে। ভিনক্রিস্টিন ও ভিন ব্রাস্টিন নামের দু'টি যৌগ লিউকোমিয়া রোগের ঔষুধ হিসেবে ব্যবহার হয়। বিদেশী বিজ্ঞানীরা নয়নতারার নিয়ে ব্যাপক গবেষণা চালিয়ে যাচ্ছেন। লিউকোমিয়া একটি ভয়াবহ ব্যাধি। প্রাচীন আয়ুর্বেদশাস্ত্রীরা এর নাম দিয়েছেন রক্তবাহী ব্যাধি। তারা নয়নতারার গাছের রস পানের বিধান তখনই দিয়েছেন। আধুনিক গবেষণায় প্রমাণিত হলো তাদের বিধান ঠিক ছিল।

ডায়াবেটিসে নয়নতারার পাতা (সাদাফুল)-কে অব্যর্থ ঔষুধ হিসেবে বলা হয়েছে। ভোরবেলা খালি পেটে দু'টা পাতা চিবিয়ে খেলে রোগ থাকবে নিয়ন্ত্রণে। যারা ডায়াবেটিস নিয়ন্ত্রণে সন্ধ্যা বিকাল হেঁটে কুল পাচ্ছেন না, তারা এই চিকিৎসা করে দেখতে পারেন।

বকফুল

বাংলা নাম বকফুল, ইংরেজি নাম Bakful। অল্পত না? স্বীকৃতা ধরনের গাছ, দ্রুত বাড়ে। দ্রুত ফুল দেয়। যখন ফুল ফোটে, মুগ্ধ হয়ে ভাকিয়ে থাকতে হয়। ফুল দেখতে বকের ঠোঁটের মতো, তাই নাম বকফুল। দৃষ্টিনন্দন এই ফুলের আরো ব্যবহার আছে। কুমড়া ফুলের মতো এই ফুলের বড়া খাওয়া হয়। অতি স্বাদু। আমার পছন্দের খাবারের জালিকার বকফুলের বড়া আছে। ফুল কোটে সেন্টেভর-নভেবরে। নুহাশ পত্নীর একটি গাছে অবশ্যি গরমকালেও ফুল ফুটতে দেখেছি। হয়তো এই গাছ বৃক্ষ জগতের নিয়মকানুন মানে না।

নুহাশ পত্নীতে সাদা এবং লাল দু'ধরনের বকফুল আছে। লাল বকফুলের গাছে এখনো ফুল কোটে নি। ফুল দেখতে কেমন (এবং খেতে কেমন) বলতে পারছি না। বৃক্ষবিশারদরা বলছেন এই গাছের আদিবাস খাইল্যান্ড। খাইল্যান্ডে এই গাছের নাম 'খাই কাউ'। খাইরা এই গাছের শুধু যে ফুল খায় তা-না, গাছের পাতাও সবজির মতো খায়।

সাধারণত দেখা যায় মানুষ যে সব গাছের পাতা সবজি হিসেবে খায়, গন্ধ-ছাগল সে সব পাতা খায় না। বকফুল গাছ তার ব্যতিক্রম। এর পাতা গন্ধ-ছাগলের খুব পছন্দ। ত্রিপুরার গাছপালা বইতে নগিনীকান্ত চক্রবর্তী লিখছেন, 'গাছের কচি ডাল ও পাতা উত্তম পচনাদ্য।' জাভাতে পচনাদ্যের জন্যে এই গাছের চাষ করা হয়।

বকফুলের কাণ্ড নরম। অনেক দেশে দ্রুত বর্ধনশীল এই গাছ কাগজের মণ্ড তৈরিতে ব্যবহার করা হয়। কাগজের মণ্ড তৈরিতে আমরা বাঁশ ব্যবহার করি। বিকল্প চিন্তা কি করা যায় না?

গাছের বোটানিক্যাল নাম *Sesbania grandiflora*। 'Sesbania' শব্দটি আরবি থেকে নেয়া। গোত্রের নাম Leguminosae.

রসায়ন

বকফুলের গাছে এবং বীজে আছে স্যাসফেরোল, ভিটামিন সি এবং স্যাপোনিন।

পাতার প্রায় ৩৩ শতাংশ প্রোটিন, গ্রহুর খনিজ লবণ এবং ভিটামিন আছে।

ভেষজ ব্যবহার

- সর্দি-কাশি : সর্দি যদি জমে কঠিন হয়ে যায়, নিঃশ্বাস-প্রশ্বাসে কষ্ট শুরু হয়, তখন বকফুলের রস ১ চা-চামচ করে দিনে দুই থেকে তিনবার খাওয়াতে হবে।
- গুটিবসন্ত : গুটিবসন্তে বকফুলের রসের ব্যাপক ব্যবহার ছিল। পৃথিবী থেকেই গুটিবসন্ত উঠে গেছে, কাজেই বকফুলের এই ভেষজ ব্যবহার এখন অর্থহীন।
- নেজাল এলার্জিতে : আমরা নাকের এলার্জিতে নানা ধরনের নেজাল ড্রপ ব্যবহার করি। বিকল্প চেষ্টা হিসেবে বকফুলের রস নাকে টেনে দেয়া যেতে পারে। প্রাচীন বৈদ্যরা এমন বিধান দিয়েছেন।

গুলট কফল / শয়তানের তুলা

গুলট কফলের ইংরেজি নাম Devils cotton— শয়তানের তুলা। নামকরণের শানেনজুল থাকা উচিত। আমি অনেক চেষ্টা করেও শয়তানের তুলার সঙ্গে গাছের কোনো সম্পর্ক বের করতে পারি নি। গুলট কফলের তাও একটা অর্থ পাওয়া যায়, এর জীবকোষ দেখে মনে হবে কফল কেটে তৈরি হয়েছে।

ছোট অবস্থায় গাছটা দেখতে ফুলপুষ্পের মতো। খুব যে বড় হয় তাও না। ৭ থেকে ৮ ফুট। এই গাছের গোড়া কেটে পানিতে পচতে নিলে পাটগাছের মতো আঁশ পাওয়া যায়।

এই গাছের ফুল মেকন কিংবা উজ্জ্বল বেগুনি। দেখতে অতি অদ্ভুত। মনে হয়— ফুল না, রক্তিন প্রজাপতি বসে আছে। অন্য কোনো ফুলের সঙ্গে সামান্যতম মিলও নেই। ফুল ফোটে আগষ্ট-সেপ্টেম্বর মাসে। পাঁচ কোণ বিশিষ্ট ফল ফলে। সেই ফলও অদ্ভুত।

গাছটার বোটানিক্যাল নাম *Abroma augusta* Linn. পরিবারের নাম Sterculiaceae.

প্রাচীন ভেষজ চিকিৎসা গ্রন্থে কোথাও গুলট কফলের নাম নেই। বাংলাদেশ জাতীয় আয়ুর্বেদিক ফর্মুলারীতে (১৯৯২) এর উল্লেখ মাত্র নেই। অবশি আয়ুর্বেদাচার্য শিবকালী ভট্টাচার্য বুঝে পেতে এক পুঁথিতে পেরেছেন—

‘গুলট কফল মিত্যাঘ্যং বনং বনেচরেং প্রিয়ম’

যার অর্থ গুলট কফলের ঔষধি গুল বনবাসীদের কাছে জ্ঞাত ছিল। তারা প্রকাশ করে নি। ঔষধি গুল শুকিয়ে রাখার প্রবণতা সব কালচারেই ছিল। এখানে আছে।

আমার দাদাজান মরহুম আজিমুদ্দিন আহমেদ কামেলা বা জন্ডিসের একটা টোটকা জানতেন। অনেক অনুরোধেও তিনি তা প্রকাশ করেন নি। তিনি তাঁর জ্ঞান হৃত্যুর সময় সঙ্গে নিয়ে গেছেন। পরকালে জন্ডিস রোগ থাকলে তাঁর বিদ্যা হয়তো কাজে লাগবে। এই গাছটির ঔষধি গুণের কথা প্রথম বলেন ভুবন মোহন সরকার। *Indian Medical Gazette* (১৮৭২)-এ তিনি এই তথ্য প্রকাশ করেন। (সূত্র : বাংলার বনফুল, নগরাজেশ আহমেদ)

গাছের রসায়ন

ওলট কবলের পাতায় আছে Taraxerol এবং Beta sitosterol. ছালে আছে Alkaloids, Sterols, Gum, কিছু ম্যাগনেসিয়াম লবণ। গাছের কাণ্ডে আছে Friedelin এবং Beta sitosterol।

ঔষধ ব্যবহার

- বার্ধক্য রোধে : পশ্চিমা দেশগুলিতে ageing বন্ধ করা অতি গুরুত্বপূর্ণ ব্যাপার। যুষ্কের বলিরেখা বন্ধ করতে, কুলে যাওয়া চামড়া সবল করার জন্যে তারা যে-কোনো মূল্য দিতে প্রস্তুত। ওলট কবলের মূলের চূর্ণ গোলমরিচের গুঁড়া মিশিরে খেলে বার্ধক্য ধমকে দাঁড়ায়। বার্ধক্যজনিত রোগ কাছের আসে না।
- স্ত্রী রোগে : মাসিকের অনিয়ম এবং বহুতা কিংবা বৃদ্ধি। শ্বেতশ্রাব এবং অর কারণে গর্ভসঞ্চার না হওয়ার ওষুধ ওলট কবল। অনুপাত গোলমরিচের গুঁড়া। ড. ভপন কুমার সে বলছেন, ২০০ মিলিগ্রাম ওলট কবলের মূল চূর্ণের সঙ্গে এক টিপ নসি পরিমাণ গোলমরিচ সকাল-বিকাল খেতে।
(বাংলাদেশের ঐয়োকর্নীয় গাছ-গাছড়া)

গুলট চণ্ডাল / অগ্নিজিহ্বা

গুলট কব্জলের কথা বলা হয়েছে। গুলট চণ্ডাল বাদ থাকে কেন? গুলট চণ্ডাল, গুলট কব্জল— নাম তিনলে একই গোত্রের মনে হলেও এরা সম্পূর্ণ আলাদা। গুলট চণ্ডাল লতানো লিপি ফুলের গোত্রের গাছ। ইংরেজি নাম Glory Lily অর্থাৎ গৌরবময় লিপি। বাংলায় এবং সংস্কৃতে এর অনেক নাম আছে। আমার নিজের পছন্দ অগ্নিজিহ্বা। কারণ ফুলটা দেখতে আগুনের জিহ্বার মতোই।

নুহাশ পত্নীর বাগানে গুলট চণ্ডাল ছিল না। বৃক্ষমেলা থেকে একটি চারা জোগাড় করেছি। অতিরিক্ত যত্নের কারণেই হয়তো বেচারি মারা গেছে। গুলট চণ্ডাল বনেজমলে, কোপে-কাতে, হাড়ির পেছনে পতিত জমিতে অবশ্যে জন্মে। এত আদরে সে হয়তোবা অভ্যস্ত না।

প্রাচীন ভেষজবিদরা সাতটি অতি বিষাক্ত গাছের উল্লেখ করেছেন। গুলট চণ্ডাল তার একটি। চণ্ডাল নামকরণের এও একটি কারণ হতে পারে।

গুলট চণ্ডালের বোটানিক্যাল নাম *Gloriosa superba*. গোত্র : Liliaceae.

আদি নিবাস নিয়ে মতভেদ আছে। ভারতের গাছ হতে পারে। ভারতের দ্বীপপুঞ্জ (বেমন আন্দামান) প্রচুর দেখা যায়। থাইল্যান্ডের দ্বীপগুলিতেও আছে। এই গাছের থাই নাম 'দাঙয়ে জাং' (সূত্র : *বাংলার বনজুগল*, নওয়াবেশ আহমেদ)।

রসায়ন

গাছের মূলে আছে কয়েক ধরনের নাইট্রোজেনগঠিত বৌশ (Alkaloids), কোলচানিন, গ্লোরিসিন, বেনজয়িক অ্যাসিড, ফাইটোস্টেরল এবং প্রোকোসাইড। আমেরিকান বিজ্ঞানীরা গাছের মূলের ব্যাপারে উৎসাহ দেখাচ্ছেন। মূলের টেরল নিয়ে প্রচুর পবেষণা হচ্ছে।

ঔষধি ব্যবহার

- গর্ভপাত্ত : বলা হয়ে থাকে এই গাছের মূল গর্ভপাত্তে অব্যর্থ। এই কারণেই গুলট চণ্ডালের আরেক নাম গর্ভপাত্তিনি।
- প্রসব হবার পর অনেক মায়ের জরায়ুতে ফুল থেকে যায়। সহজে বের হতে চায় না। গুলট চণ্ডালের মূল না-কি এই কাজে অব্যর্থ।

- কুষ্ঠরোগ : প্রাচীন ভেষজবিদরা এই গাছের মূলের প্রস্রাৱ কুষ্ঠরোগাৱনস্ত জায়গায় লাগিয়ে ভালো ফল পেয়েছেন ।
- গনোরিয়া : একসময় গনোরিয়া রোগে বিঘাত্ত পারদ ব্যবহার হতো । ওলট চণালের বিঘাত্ত মূলও একইভাবে কার্যকর প্রমাণিত হয়েছে ।
- মাথার উকুন : এই গাছের পাতার রসও মনে হয় বিঘাত্ত । পাতার রস মাথায় মাখলে উকুনের ডুটি নাশ ঘটে ।

কিছুদিন আগে পত্রিকায় ছবি দেখেছি ভূবনবাত্ত এক মডেল মাথায় উকুনের যত্রণায় অস্থির হয়ে মাথা কমিয়ে ফেলেছেন । ওলট চণালের পাতার রস ব্যবহার করলে বেচারির মাথায় সুন্দর চুলগুলি হয়তো থাকতো ।





ওলট - কফল



আব্বা



বিহুটি



विलहे



বাগান বিলাস



সাদা রঙের বকফুল



निम





পপি



উদয়া পত্র



আম



বকুল (সদাপূর্ণ)

বনকলা না-কি কলাপতি ?

আমার শৈশবের একটি অংশ কেটেছে পার্বত্য চট্টগ্রামের বান্দরবানে। আমি তখন পড়তাম ক্লাস সিক্সে। এই বয়সের একটি ছেলে যতটুকু দুষ্ট হওয়া সম্ভব, আমি ততটুকু দুষ্টই ছিলাম। স্কুল কর্তৃপক্ষ আমার দুটামি সহজভাবে নেয় নি। এখন খুব পরিষ্কার মনে পড়ছে না— হয় তারাই আমাকে স্কুল থেকে বের করে দিল, কিংবা বাবাই আমাকে স্কুল থেকে ছাড়িয়ে নিয়ে এলেন। আমি ঘরে বসে থাকি। আমার ছোট দুই ভাইবোন, সুফিয়া ও জাফর ইকবাল, শিষ্ট ছাত্র হিসেবে স্কুলে যায়। ঘরে আর কতক্ষণ থাকা যায় ? স্কুলের সময় আমি পাহাড়ি বনে-জঙ্গলে ঘুরতে শুরু করলাম। আমার সঙ্গী মুরং রাজপরিবারের সঙ্গে সম্পর্কিত ক্লাসের এক বন্ধু, নাম ওয়ালা গ্রু বা এর কাছাকাছি।

ওয়ালা গ্রু প্রায়ই পকেটভর্তি তেঁতুল নিয়ে যেত। জঙ্গলে কিছুটা কলাগাছের মতো দেখতে এক ধরনের গাছ বুঁজে বের করত। সেই গাছে কড়ে আঙুল সাইজের কলা ধরে থাকত। কলার খোড়টা থাকত আকাশের দিকে উঁচু হয়ে। ওয়ালা গ্রু এবং আমি কড়ে আঙুল সাইজের কলা খোসা ছড়িয়ে তেঁতুল দিয়ে খেতাম। কলার কষে মুখ ঝাঁঝী করত। তেঁতুল দিয়ে এই বন্ধু কোনো এক বিচিত্র কারণে অমৃতের মতো লাগত।

অনেক দিন পর ঐ গাছ কয়েকটা দেখলাম বৃক্ষমেলায়। দোকানি 'কলাপতি' নামে বিক্রি করছে। চারটা গাছ কিনে নুহাশ পল্লীতে লাগিয়ে কিছুক্ষণের জন্যে হলেও শৈশবে ফিরে যাবার বিরল সৌভাগ্য হয়েছিল।

যাই হোক, এই গাছের বোটানিক্যাল নাম *Musa ornata*. পরিবার হলো Musaceae. ইংরেজি নাম Wild banana, বুনো কলা। বার্মা এবং থাইল্যান্ডের জঙ্গলে প্রচুর ফলে। বার্মিজ নাম ইয়াকারিং, থাই নাম কুয়াইবুয়া। আদি নিবাস না-কি দক্ষিণ আমেরিকা।

এই গাছ সম্পর্কে একটাই তথ্য দিতে পারছি। এর খোড় এবং কলা পাহাড়িরা সবজি হিসেবে অগ্রহ করে খায়। আকাশমুখী এই খোড় দেখতে অপূর্ব এক ফুলের মতো। সুন্দর হয়ে তাকিয়ে দেখার মতো।

আম

আমার শৈশবের একটি বছর কেটেছে আমবাগানের ডেতর ।

বাবার পোস্টিং হয়েছে দিনাজপুরের জগন্দলে । আমরা থাকি জগন্দলের এক পরিভ্রান্ত জমিদার বাড়িতে । সেই বাড়ি আমবাগানের ডেতর । কী প্রকাণ্ড সব আমগাছ! ছায়া ও ফলনারিনী বৃক্ষরাজির আশ্রয়ে আমাদের বড় হয়ে ওঠা । শৈশবের অতি আনন্দের সৃষ্টির একটি হচ্ছে, বড়মামা আমাকে কাঁধে নিয়ে আমগাছে উঠে গেছেন । আমি এক হাতে মামার গলা জড়িয়ে ধরে আছি, অন্য হাতে পাকা আম পাড়ার চেষ্টা করছি । অম্লবৃক্ষের কথা বলতে গিয়ে নানান কারণেই নটালজিক বোধ করছি । নটালজিয়া কোনো কাজের কথা না, মূল কথায় আসি ।

সম্রাট বাবর ছিলেন তরমুজ ভক্ত । তরমুজ তাঁর জনকৃমির ফল । দিল্লির সিংহাসনে থাকা অবস্থায় তাঁর জনকৃমি খোরশান থেকে নিয়মিত তরমুজ আসত । দিল্লির আশেপাশে তরমুজ চাষের ব্যাপক উদ্যোগ তিনি নিয়েছিলেন । তাঁর আত্মজীবনী *বাবরনামা*-য় তরমুজ বিষয়ে নানান কথা থাকবে এটাই স্বাভাবিক, সেখানে হঠাৎ যদি বঙ্গদেশীয় ফল আম সম্পর্কে উল্লেখ সেখি তখন খানিকটা অবাকই হই । সম্রাট বাবর কাঁচা আমের শরবতের মহাতত্ত্ব ছিলেন । এই পানীয় বিষয়ে তিনি উল্লেখ প্রকাশ করে গেছেন । কাঁচা আমের শরবতের রেসিপি *বাবরনামা*-য় আছে । কৌতুহলী পাঠক সেই রেসিপিতে শরবত বানিয়ে খেয়ে দেখতে পারেন ।

আমরা বঙ্গবাসী । আমের প্রতি দুর্বলতা সম্ভবত আমাদের 'জিনেই' লেখা । আমাদের শৈশবের লেখাপড়ার শুরুই হয় আম নিয়ে— 'অ তে অঙ্গণর । অঙ্গণর আসছে খেয়ে । আ-তে আম । আমটি আমি খাব পেড়ে ।'

ছড়া মুখস্থ করার সময়েও সেই আম ।

'আম পাতা জোড়া জোড়া

মারব চাকুক চড়ব খোড়া ।'

রবীন্দ্রনাথ শৈশবে প্রথম যে নবিতাটি লিখেছিলেন সেখানেও 'আম' ছিল । বেশির ভাগ পাঠকই হয়তো কবিতাটি জানেন । যারা জানেন না তাদের জন্যে—

‘আমবন্ধ দুখে ফেদি তাহাতে কন্দী দদি
 সন্দেশ মাথিয়া দিয়া তাতে
 হাপুস হপুস শব্দ, চারিদিক নিস্তরু
 পিপিড়া কাঁদিয়া যায় পাতে ।’

কবীর বচনেন্ত আম—

‘আমের বহুর বাম
 কাঁঠালের বহুর ধাম
 থেকে বলদ না বায় হাল
 তার দুগ্ধ সর্বকাল ।’

আমাদের নৃহাশ পত্রীতে সত্তরটা জিন্দু প্রজাতির আমপাত আছে। একটি বিশেষ প্রজাতির উদ্বেষ করছি, পাঠকরা তনে আনন্দ পাবেন। এই বিশেষ প্রজাতির আমের নাম ‘কাক দেশান্তরী’। এই আম এতই টক যে, কাক বেলে মনের দুখে দেশান্তরী হয়।

আমের বোটানিক্যাল নাম *Mangifera indica* Linn.

পরিবার Anacardiaceae.

আমের রসায়ন

১. আমে আছে ভিটামিন A, B, C এবং D; আছে ascorbic acid.
২. Carotenoid pigments.
৩. Glycosides, যেমন pensnidin, 3-galactoside.
৪. UDP—glucosepyrophosphorylase,
 ADP— glucosepyrophosphorylase,
 UDP— glucose fructose-β-phosphate.
৫. Nucleoside diphosphate kinase.
৬. Ethylgaliate, Phenol, Starch.

ভেষজ ব্যবহার

- আমাশয় : কচি আমপাতার রস সাহায্য গরম করে দিনে দুই বা তিন চামচ করে বেলে আমাশয় সারবে। কোনো কোনো বইতে আমপাতার সঙ্গে জামপাতাও মেশাতে বলা হয়েছে।
- পোড়া ঘায়ে : আমপাতা আতনে পুড়িয়ে ছাই বানিয়ে সেই ছাই ঘায়ে মাখলে ষা সারবে।

- চুল পড়া বন্ধ করতে : কচি আমের আঁটি খেতলে পানিতে স্কেঝাতে হবে । সেই পানি চুলের গোড়ায় লাগালে চুল পড়া বন্ধ হবে ।
- পা ফাটায় : হানের পায়ের গোড়ালি ফাটে, তারা যদি সেখানে আমগাছের আঠার গ্রেলপ দেন তাহলে ফাটা বন্ধ হবে ।
- নখকুনি : নখকুনির মতো বিরক্তিকর রোগে যারা কষ্ট পাচ্ছেন, তারা আমগাছের আঠা নখের গোড়ায় দিয়ে দেখতে পারেন ।
- দাঁত সুরক্ষা : বাজার ভর্তি নানান ধরনের টুথপেস্ট । টুথপেস্ট বান দিয়ে কচি আমের পাতায় দাঁত মেজে দেখেছেন কখনো ? বলা হয়ে থাকে দাঁত সুরক্ষায় এর কোনো বিকল্প নেই ।
- খুশকি : খুশকির একটি মহৌষধ হলো, কচি আমের আঁটি এবং হরীতকী দুধে বেটে মাথায় দেয়া ।
- রক্তপিত্তে (হেমোপটোসিসে) : মিষ্টি পাকা আম এর চমৎকার ঔষধ ।
- ডায়াবেটিস : আমের নতুন পাতা শুকিয়ে ভঁড়া করে খেতে হবে । এতে রক্তে সুগারের পরিমাণ কমবেই ।
- বদহজমে : কাঁচা আম এবং কচি আমের আঁটি খেলেই হবে ।

অসুখবিসুখ নিয়ে অনেক কথা হলো, এবার অন্য গ্রসন । 'সোমধারা' শব্দটি শুনেছেন ? এটি অসাধারণ একটি পানীয় । প্রাচীন ভারতের সাহিত্যে সোমধারার বর্ণনা আছে । পানীয়টির রেসিপি জানিয়ে দিচ্ছি ।

সোমধারা

উপকরণ : একটা ল্যাংড়া বা হিম সাগর আম, এক বাটি গরম দুধ ।

প্রস্তুত প্রণালি : আম দুধ একসঙ্গে মেশান । চামচ দিয়ে ফেটিয়ে নিন । এবার খেয়ে ফেলুন ।

সহজ রেসিপি না ?

এবার অন্যধরনের একটি রেসিপি দিচ্ছি । আম দিয়ে ককটেলের রেসিপি । এই রেসিপির আবিষ্কারক আমার বন্ধু 'প্রতীক প্রকাশনী'র মালিক আলমগীর রহমান । রেসিপির নামকরণ করেছি আমি । Bengal green mango sling. পৃথিবী বিখ্যাত কিছু ককটেলের মধ্যে একটি হলো Singapore Sling. আমার নামকরণ মৌলিক না, Singapore Sling-এর ছায়া আছে । থাকুক কিছু ছায়া, ক্ষতি কী ?

Bengal green mango sling

দুই অংশে ভদকা ।

পাঁচ অংশ কাচা আমের শরবত ।

পুদিনা পাতা ।

বিট লবণ ।

একসঙ্গে মিশিয়ে কাঁকতে হবে । কিছুক্ষণ রাখতে হবে ডিপ ফ্রিজে । গ্লাসে ঢেলে পরিবেশনের আগে গ্লাসের মুখে লবণ মাখিয়ে নিতে হবে । ভদকার অভাবে জিনও ব্যবহার করা যেতে পারে ।

'আমের কথা কুরালো

দটে পাছটি মুড়ালো ।'

১০১

১০১

কাঁঠাল

চৈনিক ভূপৃষ্ঠিক ইউয়েন সাঙ সপ্তম শতাব্দীতে বাংলাদেশে এসেছিলেন। তাঁর বর্ণনা—

“গংগা নদী পার হয়ে ৬০০ লি পথ অতিক্রম করে উপস্থিত হলাম পদ্মবর্ধনে (উত্তর বাংলাদেশ, বগুড়া)। প্রায় চারশ’ লি আরতনের এই রাজ্যটিতে বসতি ঘন। অনেক পুষ্করিণি। মাটি দোআঁশ। ফলে শস্য পর্যাপ্ত। বিশাল কাঁঠাল ফল এখানে সমাদৃত। এর ভেতরে পায়রার ডিমের মতো ছোট হরিদ্রাঙ ফল সুগন্ধে ভরপুর। এটি ডাল ও পুঁড়ি উভয় স্থানেই ধরে।”

কাঁঠাল আমাদের বদেপী গাছ। রামায়ণ এবং প্রাচীন গ্রন্থ আয়ুর্বেদিক শাস্ত্র মহেভিত্যর কাঁঠালের উল্লেখ আছে। রামের ভাই ভরত ভরথাক্স মুনির অতিথি হয়ে মুনির বিশাল ফলের বাগান দেখে মুগ্ধ হলেন। সেই ফলবাগানে আছে—

‘তস্মিন বিম্বা : কপিবাচ পনসা-বীজপুরুকাঃ

আমলোকপে বহুশ্চ চূতাশ্চ ফলভূমিতাঃ’

অর্থ : বেঙ্গ, কথবেঙ্গ, কাঁঠাল, বাতাবিলেবু, আম প্রভৃতি নানান ফলজ বৃক্ষে বাগান পরিপূর্ণ। আবার শ্রীরাম যেখানে নির্বাসিত জীবনযাপন করলেন সেই পঞ্চবটি বনও ছিল—
চন্দন, কদম, কাঁঠাল গাছে পরিপূর্ণ।

[আমিরুল আলম খান, ভারত বিজ্ঞান]

চিটাগাং কলেজিয়েট স্কুলে যখন পড়ি (১৯৫৭ সন), তখন আমাদের ক্লাস টিচার ছিলেন বড়ুয়া স্যার। তিনি কাঁঠালের ইংরেজি শিখালেন। কাঁঠাল Jack Fruit. আমি বললাম, স্যার Jack মানে কী ?

স্যার বললেন, Jack মানে শিয়াল। কাঁঠাল শিয়ালরা বেতে পছন্দ করে বলেই এর নাম Jack Fruit. অনেকদিন পর জানলাম— Jack মানে শিয়াল না, আমজনতা। সাধারণ মানুষ। কাঁঠাল হলো সাধারণ মানুষের ফল। বিস্তারনের ঘরে এর প্রবেশ নিষেধ। ঢাকার পাঁচতারা কোনো হোটেলের ফল হিসেবে কাঁঠাল

দিতে দেখি না। মালয়েশিয়া এবং সিঙ্গাপুরের পাঁচভারা হোটেলে কাঁঠালের মতোই যে ফল (ডুরাট) সম্পূর্ণ নিষিদ্ধ।

বাংলার কবি-সাহিত্যিকরা অবশ্য কাঁঠাল নিয়ে মুগ্ধ।

জীবনানন্দ দাশের বিখ্যাত সাইন—

তোমার যেখানে সাধ চলে যাও— আমি এই বাংলার পারে
রয়ে যাব; দেখিব কাঁঠাল পাতা করিতেছে অবিরল ভোরের
বাতাসে।

রবীন্দ্র-সাহিত্যে ছায়াদায়িনী বৃক্ষ হিসেবে কাঁঠাল গাছের উল্লেখ আছে। তবে কাঁঠাল ফলের কোনো বর্ণনা পড়ছি বলে মনে পড়ছে না।

কবি মাইকেল মধুসূদনই কাঁঠাল ফলের চমৎকার বর্ণনা দিয়েছেন—

কাঁঠাল,

যার ফলে বর্ণকণা শোভে শত শত

ধনদের গৃহ যেন।

কাঁঠালের বৈজ্ঞানিক নাম *Artocarpus heterophyllus*. পরিবার *Moraceae*. *Arto* শব্দটি এসেছে গ্রীক থেকে। এর অর্থ কটি। *Carpus* অর্থ ফল।

কাঁঠালের পাকা ফলে কী কী থাকে দেখা যাক। একশ গ্রাম ফলে থাকে—

শর্করা : ১৮.৮ গ্রাম

আমিষ : ১.৯ গ্রাম

স্নেহজাতীয় পদার্থ : ০.৩ গ্রাম

আঁশ : ১.১ গ্রাম

ক্যালসিয়াম : ২০ মি. গ্রাম

ফসফরাস : ৩০ মি. গ্রাম

এছাড়াও আছে পটাশিয়াম, থায়ামিন, রাইবোফ্লাবিন, ভিটামিন এ এবং সি।

কাঁঠালের বিচিত্র খাদ্যতত্ত্ব বিষয়ে কিছু জানি না। আমি কাঁঠালের বিচি দিয়ে রান্না করা মুরগির মাংসের ঝোলের মহাভক্ত। ছোটবেলায় কাঁঠালের বিচির ভাজা অনেক খেয়েছি। খেতে বাদামের মতোই স্বাদু।

কাঁঠালের ভেষজ গুণ সম্পর্কে বলি। কাঁঠালের মূল উদরাময়ের মহৌষধ। কাঁঠালের অঠা ফোঁড়া পাকানোয় ব্যবহার করা হয়। কাঁঠালের পাতা না-কি সর্পবিষ নাশক। সর্পদংশনে পাতা কীভাবে ব্যবহার করা হয় সেই তথ্য পাই নি। নিচের পাতা বেটে মলমের মতো লাগানো হয়।

আমাদের জাতীয় ফল কাঁঠাল। কাঁঠাল নিয়ে আরো অনেক কিছু লেখা উচিত। নতুন কোনো তথ্য দিতে পারছি না বলে লিখছি না। মায়ের কাছে খালার গল্প করার তো কোনো মানে হয় না। গেম কী বুঝানোর জন্য কাঁঠালের ব্যবহার আছে। এটা জানিয়ে কাঁঠাল প্রসঙ্গে ইতি টানছি।

পীরিত্তি কী ?

পীরিত্তি হলো কাঁঠালের আঠা।

‘পীরিত্তি কাঁঠালের আঠা

লাপিলে যে আর ছাড়ে না ...’

বিছুটি

আমি আমার শৈশবের কিছু অংশ নানার বাড়িতে কাটিয়েছি। নানার বাড়ির পুরুষরা দেখি দুই শ্রেণীতে বিভক্ত— একশ্রেণীর সবাই আমার নানা। অন্যশ্রেণীর সবাই মামা। মামা শ্রেণীদের সঙ্গে হৈহুল্লাড় করে আমার দিন কাটে। একদিন মামা শ্রেণীকে বেশ উত্তেজিত মনে হলো। তারা জঙ্গলে ঢুকে বিশেষ এক গাছের ডাল কেটে আনলেন। প্রতিটি ডালের নিচের অংশ খড় এবং কচুপাতা দিয়ে মুড়ে দেয়া হলো ধরার সুবিধার জন্যে। আমাদের সবার সঙ্গে একটা করে গাছের ডাল। ঘটনা হচ্ছে, আমাদের ফুটবল টিম যানের কাছে হেরেছে আজ তাদের খাওয়া করা হবে এবং এই বিশেষ গাছের ডাল নিয়ে পেটানো হবে। গাছের স্থানীয় নাম— চুতরা।

ফুটবল টিমকে পাওয়া গেল না। মাকখান থেকে এই পাতা লেগে আমার সমস্ত শরীর ফুলে গেল। ভয়াবহ জ্বলুনি। কেউ যেন আশ্রম দিয়ে পুড়িয়ে দিয়েছে। চুনের প্রলেপ, সরিষার তেলের প্রলেপ, কোনোকিছুই কাজ করছে না।

পাঠকরা নিশ্চয়ই এই গাছটি চিনতে পারছেন? অন্তসমাজে এর নাম বিছুটি। লতানো ট্রিসবুজ গাছ। গাছ ভর্তি পশমের মতো সাদা লোম। গাছটার সংস্কৃত নাম বিধানী। বিছুটির একটি প্রজাতি জলজ জমিতে জন্মে। এর নাম জলবিছুটি। জলবিছুটির বিষক্রিয়া না-কি ভয়াবহ।

গাছটির বোটানিক্যাল নাম *Tragia involucrata* Linn, সব বিছুটি ইউরারবিয়েসি গোত্রের।

বিষাক্ত রসায়নের মূলে আছে ভিটারপেন অ্যালকোহল, কিছু ফ্যাটি অ্যাসিড।

ঔষধি ব্যবহার

- চনক সর্গহিন্তার বিছুটিকে উন্মাদ রোগের মহৌষধ বলা হয়েছে। কীভাবে ব্যবহার হবে তা কিছু বলা হয় নি।
- যখন কুষ্ঠরোগের ওষুধ বের হয় নি, তখন গাছের মূল ছেঁচে প্রলেপ হিসেবে ব্যবহৃত হতো। গ্রামে এখনো পতর ঘারের পোকা বের করতে বিছুটি গাছের রস প্রলেপ হিসেবে দেয়া হয়।

লজ্জাবতী

দেশের বাইরে বেড়াতে যাওয়া মানেই কিছুটা সময় বড় বড় শপিং মলে কাটানো। সিঙ্গাপুরের এক শপিং মলের কুলের দোকানে দেখি লজ্জাবতী গাছ। ছোট ছোট বাহারি টবে বিক্রি হচ্ছে। দাম ছয় সিঙ্গাপুরি ডলার। ব্যাপারটা বুঝলাম না। লজ্জাবতী বনেজসলে থাকবে, আগাছা হিসেবে এদের তুলে ফেলা হবে— এটাই স্বাভাবিক নিয়ম। হঠাৎ এই আগাছা জাতে উঠল কীভাবে বুঝলাম না।

আমি অবশ্য এই গুলের শৈশব থেকেই ভক্ত। হাত দিয়ে ছোঁয়া মাত্রই লজ্জায় কঁকড়ে যাচ্ছে। সুন্দর লাগে দেখতে। আমি বছরখানিক আগে লজ্জাবতী গাছ নিয়ে ছোট্ট একটা এক্সপেরিমেন্ট করেছিলাম। এক্সপেরিমেন্টের ফলাফল— লজ্জাবতী গাছকে নির্লজ্জ করা সম্ভব। তার জন্যে যা করতে হবে তা হলো একটা গাছকে ছুঁয়ে তাকে কঁকড়ে নিতে হবে। এবং গাছটার সামনে বৈধ্ব ধরে অপেক্ষা করতে হবে। সে যখন আবার পাতা মেলাবে, তখন আবার ছুঁতে হবে। এই প্রক্রিয়া দীর্ঘ সময় চলতে থাকলে একটা সময়ে দেখা যাবে লজ্জাবতী আর লজ্জা পাচ্ছে না। হাত দিয়ে ছুঁলেই তার পাতা কঁকড়ে যাচ্ছে না।

লজ্জাবতী গাছ কাঁটায় ভর্তি থাকে— এই তথ্য সবাই জানেন। কাঁটাগুলি থাকে নিচের দিকে (মাটির দিকে)। এই কারণেই লজ্জাবতী যেখানে থাকে, সেখানে সাপ ঢোকে না। (তথ্যটা মনে হয় ঠিক না। 'আমার আছে জল' ছবির অটিং—এর প্রয়োজনে দু'টা সাপ ব্যবহার করা হয়েছিল। সাপ দুটাকে দেখেছি লজ্জাবতী ভর্তি মাটির ওপর দিয়ে সরসর করে চলে যাচ্ছে।)

এই গুলের বোটানিক্যাল নাম *Mimosa pudica* Linn.

পরিবার— Leguminosae.

স্বসায়ন

লজ্জাবতীতে আছে নানা ধরনের Alkaloids, Tanin এবং steroidal যৌগ। এই সঙ্গে সোমজাতীয় পদার্থ এবং Fatty acids.

ঔষধি ব্যবহার

■ ভেষজ চিকিৎসকরা প্রাচীনকালে অর্শরোগে এই গুল ব্যবহার করতেন। দশ গ্রাম আন্ডাজ গাছ এবং মূল এককাপ দুধ এবং তিনকাপ পানিতে অনেকক্ষণ

সিদ্ধ করতে হবে। সিদ্ধ হবার পর ছাকনি দিয়ে ছেকে রসটা দিনে দু'বার (সকালে ও বিকালে) খেতে হবে।

- দুটুকতে লঙ্কাবতীর ক্বাথ ব্যবহারের বিধান আছে। ক্ষত সারছে না। দূষিত হয়ে মাংস গলে পড়ে যাচ্ছে, এমন অবস্থায় এক ক্বাথ দিনে তিন-চারবার লাগালেই নাকি আরাম হয়। (শিবকালী ভট্টাচার্য)
- ক্যানসারেও না-কি-এর ব্যবহার আছে। এই বিধানে আমার যথেষ্ট সন্দেহ আছে বলেই নীরব থাকলাম।

আতা

আতাগাছকে ইংরেজিতে বলে 'সুইট সপ'— মিষ্টি দোকান। আমেরিকায় বলে সুগার আপেল। আরবি নাম শরিফা। এ দেশের অনেকেই শরিফা নামে চেনে। আমি ছোটবেলায় যে ফলকে আতাফল বলে চিন্তাম সেটা আসলে নোনামূল্য। নামের এই কামেলা আমার মতো আরো অনেকের আছে।

পঞ্চের পাঁচালী-র দুর্গা নোনামূল্য চুরি করেছিল। সেই নোনামূল্য শরিফা না। আমাদের মীরবাজারের বাসায় প্রকাণ্ড একটা আতাগাছ ছিল। যখন ফল আসত এমনভাবে আসত যে গাছের পাতা দেখা যেত না। আমি আমার দীর্ঘ জীবনে কোনো গাছকে এত ফল দিতে দেখি নি। ছোটবেলায় আতাফল প্রচুর খেতে হয়েছে বলেই হয়তো এই ফল এখন আমার অপছন্দের তালিকায়।

অগরতলা থেকে প্রকাশিত প্রশান্ত কুমার ভট্টাচার্যের লেখা *বিষাক্ত গাছ* থেকে সাবধান বইটিতে আতাগাছকে বিষাক্ত তালিকায় ফেলা হয়েছে। বলা হয়েছে, আতাগাছের মূল, বীজ, পাতা, কাঁচাফল সবই বিষাক্ত। আয়ুর্বেদাচার্য শিবকালী ভট্টাচার্য *চিরঞ্জীব বনৌষধি* বইয়ে এই গাছের পাতা, বীজ, ফল কোনো কিছুই যেন গর্ভবতী মেয়েরা ব্যবহার না করে— এই সাবধান বাদী উচ্চারণ করেছেন। আন্দামানের সেলুলার জেলে এই গাছের পাতার রস চোখে লেগে অন্ধ হয়ে যাবার ঘটনাও না-কি ঘটেছে।

গ্রামে এই গাছের কাঁচা ফল ও পাতার রস গোপন গর্ভপাতে ব্যবহার করা হয়। এতে জরায়ু অতি দ্রুত সংকুচিত হয়। গর্ভপাতের পর প্রচুর রক্তক্ষরণে মৃত্যুর আশঙ্কা থাকে অনেক বেশি।

গাছের পাতা ও বীজে একধরনের এসকালয়েড থাকে (এনোলাইন, সোয়ারভিনোলাইন)। গাছটির কোনো অংশই গ্লুকোসাইড থাকে না। বীজ থেকে পাওয়া জেলে থাকে সেসকিওটারফিন, পাইনিন, মিথানল, বেনজিন, মিথাইল এনপ্রানাইলেট, সেলিসাইলেট। কিছু পরিমাণে সেপোনিও থাকে।

গাছটির বোটানিক্যাল নাম *Annona quamosa*।

পরিবার হলো Anonaceae।

আতাগাছ ভারতবর্ষের গাছ না বলে অনেকে মনে করেন। কারণ প্রাচীন কোনো আয়ুর্বেদ গ্রন্থে (চরক, বৃহস্পতি) এই গাছের কোনোরকম উল্লেখ নেই।

ঔষধি ব্যবহার

গাছের পাতা, ফল এবং বীজ কীটনাশক হিসেবে ব্যবহার করা হয়। গাছের পাতার রস মাথার উকুন ধ্বংসে কাজে লাগে। ত্রুণ, পুরনো ক্ষত পাতার রস কাজে আসে। জীবজন্তুর ক্ষত পোকা হলে গাছের পাতার রস লাগালে পোকা মরে যায়।

টেকিশাক

নিউমার্কেটের কাঁচাবাজার থেকে একবার টেকিশাক কিনে আনলাম। নানার বাড়িতে এই শাক অনেক খেয়েছি। স্বৃতি ভেমনভাবে নেই। এখন খেয়ে দেখা যাক। আমাদের কাজের মেয়ে টেকিশাক দেখে আঁতকে উঠল। এই শাক না-কি বাওয়া যাবে না। বিষাক্ত। সে কিছুতেই রাখবে না। তার কঠিন অবস্থানের কারণে শাক ফেলে দিলাম। বইপত্র ঘেঁটে দেখি আসলেই টেকিশাক অতি বিষাক্ত। ইংরেজিতে এর নাম মেইল ফার্ন। বোটানিক্যাল নাম *Dryopteris filixmas*। আমেরিকা এবং ইউরোপে এই ফার্ন অতি বিষাক্ত হিসেবে পরিচিত। বনের গাছ হলেও আফ্রিকায় কিছু এই গাছ অনুপস্থিত।

ফার্নের বিষাক্ত যৌগটির নাম ফিলিসিন। ফিলিসিন হচ্ছে ডাইমেরিক, ট্রাইমেরিক এবং টেট্রামেরিক বোটানল ফ্লোরো বুসীড-এর মিশ্রণ।

ফিলিসিন যৌগটি কেন্দ্রীয় দ্বায়ুতন্ত্রের ওপর কাজ করে। এই বিষের কারণে প্রবল ভেদবমি শুরু হবে, শ্বাসপ্রশ্বাস দ্রুত হবে, চোখের মণি ঠিকরে বের হয়ে আসার মতো হবে, এক পর্যায়ে শরীরে কাঁপুনি হতে হতে...

প্রিয় পাঠক! টেকিশাক না খেলে হয় না ?

তালগাছ

আমাদের জাতীয় ফুল আছে, ফল আছে। জাতীয় বৃক্ষ বলে কিছু কি আছে ? কান্নাতা নামের দেশটির প্রতীক মেপল গাছের পাতা। তাদের জাতীয় বৃক্ষ কিন্তু মেপল না। বৃক্ষকে কেউ এক গুরুত্ব দেয় না।

ধরা যাক, বাংলাদেশ কোনো এক বৃক্ষকে জাতীয় বৃক্ষ ঘোষণা করবে। তহলে সেই সম্মান কে পাবে ? বটবৃক্ষ কি পাবে ? সম্ভাবনা আছে। তবে আমি বলব তালগাছের কথা। বন-ফোপকাজ ছাড়িয়ে মাথা উঁচু করে দাঁড়িয়ে থাকা তালগাছ। যে সব গাছ ছাড়িয়ে উঁকি মারে আকাশে।

তাল পাতা জাতীয় দীর্ঘজীবী উদ্ভিদ। মূল আবাসভূমি মধ্য আফ্রিকা। বৈজ্ঞানিক নাম *Borassus Nabellier* Linn. পরিবার হলো *Palmae*।

তালের বসে আছে Riboflavin এবং ভিটামিন B Complex.

বৈদিক গ্রন্থে যে সোমরসের কথা লেখা আছে তা তালের রস। দেবতাদের পছন্দের পানীয়। দেবতাদের কথা মানি না, মর্তের মানুষদের কাছেও কিছু তালের রস থেকে বানানো জাড়ির যথেষ্ট চাহিদা আছে। প্রচণ্ড গরমের সময় সোহরাওয়ার্দি উদ্যানে কম্পিউর্সিট তালের রসের জাড়ি বিক্রি হয়। রসিৎ জন বলেন, অসাধারণ।

তালপাতার পাখার ব্যবহার তো সবাই জানেন। আরেকটি ব্যবহারের কথা বলি। যখন দেশে কাগজ ছিল না, তখন লেখা হতো তালের পাতায়। তালপাতায় লেখা অনেক পুঁথি ঢাকা বিশ্ববিদ্যালয়ের সংগ্রহশালায় আছে।

বসন্তঝড়ের আশেপাশে কখনো তালগাছ রাখা হয় না। কারণ হলো, এই গাছগুলি ৫০ থেকে ৬০ ফুট উঁচু হয় বলে কড়-বাদলার দিনে এদের উপরে বাজ পড়ে।

তালরস-বিষয়ক আরেকটি কথা, এই রস সূর্য গুটার আগে কেলে মহৌষধ। সূর্য উঠে যাবার পরে বেলে শাড়ে সর্বনাশ।

অবনীভূষণ ঠাকুরের লেখা ভেবজ উদ্ভিদ ও নোকজ ব্যবহার বইয়ে তালের রসের একটি গুণি ব্যবহার পড়ে মজা পেরেছি। সরাসরি তুলে দিলি—

অনেকে আছেন অনর্গল কথা বলেন, বক্তব্যবানিতে সকলেই বিরক্ত, কিন্তু এর যেন শেষ নেই। এতগুণ ক্ষেত্রে এক

থেকে নেড় কাপ টাটকা তালের রস সকাল-বিকাল
করেকদিন দু'বেলা খাইয়ে দেবেন। এতে উপকারিতা
প্রত্যক্ষ করতে পারবেন।

জালশাছ বিষয়ে আমার একটা প্রশ্ন। এত গাছ থাকতে বাড়ুই পানি জালশাছে
বাসা বাঁধে কেন ?



नीलमणि लता



घृतकृमावी



করমড়া

শয়তানের গাছ / ছাতিম

আমার বুঝ পছন্দের একটা গাছের ইংরেজি নাম Devil's tree, শয়তানের বৃক্ষ। এত সুন্দর একটা গাছের নাম শয়তানের বৃক্ষ হবার পেছনের কোনো কারণ আমি বের করতে পারি নি। নামের উৎপত্তি বিষয়ে কেউ কিছু বলতে পারে না।

বাংলা নাম এসেছে ছাত্তা থেকে। ডাল থেকে বের হওয়া পাতাগুলির এমনই অপূর্ব বিন্যাস, দেখে মনে হয় কিছু ছাত্তা জোড়া দেয়া হয়েছে। গাছটার আরেক নাম সন্তপর্ষী। একই গ্রন্থি থেকে সাতটা পাতার বিন্যাসের জন্যেই সন্তপর্ষী নাম। এর আরেক নাম মদগাছ। কারণ হচ্ছে, যখন এই গাছে ফুল ফোটে (শরৎকাল) তখন ফুল থেকে নেশা ধরানো খীত্র পত্র বের হয়। এই পত্রের চেতন দীর্ঘসময় থাকলে মানুষ সত্যি সত্যি নেশাঘাত হয় এমন জনশ্রুতি আছে।

মুহাম্মদ পন্থীর মূল বাহুল্যের সামনে দু'টা ছাতিম গাছ লাগানো হয়েছে। গাছ দু'টি দ্রুত বড় হচ্ছে। আমি ফুল ফোটার জন্যে অপেক্ষা করছি। ফুল ফুটলেই ফুলের গন্ধে নেশা করার পরিকল্পনা আছে।

গাছটির বৈজ্ঞানিকনাম নাম *Akstonia scholaris*। পরিবার এপোসাইন্যাসী।

প্রাচীন আয়ুর্বেদিক গ্রন্থ চরক সংহিতায় ছাতিম গাছের ব্যবহার দেখানো হয়েছে কুষ্ঠরোগে। কুষ্ঠরোগের এখন অতি আধুনিক চিকিৎসা বের হয়েছে, কাজেই প্রাচীন আয়ুর্বেদ নিয়ে হেঁচকি করার প্রয়োজন দেখছি না।

স্তন্য শোধনে ছাতিমের ব্যবহারের উল্লেখ প্রাচীন বইয়ে আছে। স্তন্য শোধন বিষয়টা আমি বুঝতে পারছি না। প্রাচীন আয়ুর্বেদেরা কি Breast cancer এর কথা বলছেন ?

রসায়ন

ছাতিম গাছ থেকে অনেক প্রকালয়েড (নাইট্রোজেনযুক্ত যৌগ) পাওয়া গেছে। যেমন— এসিটামাইসিন, পিক্রিনিন, পিক্রাঙ্গিনাল, টিক্টামিন, একুয়াসিডিন। ছাতিম গাছের ফুলে আছে n-হেক্সাকোসেন, লুপিরল, বিটা এমিরিন। ফুল থেকে আশা খীত্র মদালাসা গাছের জন্যে কে দারী জানা যাচ্ছে না।

গাব

বাংলাদেশের বনেজঙ্গলে, ঝোপঝাড়ে একসময় প্রচুর গাবগাছ দেখা যেত। এখন তেমন দেখি না। শত শত নার্সারি হয়েছে, কোথাও পুঁজে গাবগাছ পাই নি। তাদের কাছে পাওয়া যায় নানান জাতের আম। ইন্দোনীং যুক্ত হয়েছে বিদেশী ফল ও ফুলের গাছ। গাবগাছের কৌলিন্য কোনো করলেই ছিল না। এখন আরো নেই।

গ্রামে গাবগাছের কাঠ দিচ্ছে ঢেঁকি তৈরি হতো। এখন তো ঢেঁকিই উঠে গেছে। ধানের কলে খানজানা হয়। মাছ ধরার জালের সূতা শক্ত করার জন্যে গাবের রস লাগানো হতো। এখনকার নাইলনের জালের সূতা শক্ত করার প্রয়োজন ঘুরিয়েছে। নৌকার তলায় গাবের রস লাগানো হতো, কাঠ পঁচে নষ্ট যেন না হয়। এখন আলকাতরা দেয়া হয়। সর্ব অর্থেই মানে হচ্ছে— ‘হে গাব বৃক্ষ! তোমাকে বিদায়।’

আমার শৈশবে নানার বাড়িতে প্রচুর পাকা গাব খেয়েছি। এমন কিছু অসাধারণ ফল না, তবে শৈশবে সব মনই অসাধারণ লাগে।

গাবগাছের কাঠ যে অতি বিখ্যাত আবলুস কাঠের গোত্র (Ebony) পড়ে এই তথ্য কি আপনারা জানেন? মনে হয় জানেন না। আমি নিজেও অনেক দিন জানতাম না।

নুহাশ পত্নীর বাগানে দু’টা গাবগাছ আছে। আমরফল্লু এরা তেমন অভ্যস্ত না বলে খানিকটা চিমসা মেরে আছে। যারা গাবগাছের চেহারা ভুলে গেছেন তাদেরকে নুহাশ পত্নীর বাগানে নিমন্ত্রণ।

গাছটির বোতিনিক্যাল নাম *Diospyros peregrina*.

পরিবার হলো Ebenaceae.

গাবগাছের পাতা তরকারি করে খাওয়া হয়। কবেছি যেতে খুব ভালো। মোচার খণ্টের মতো করে রান্নাও হয়। রান্নার আগে পাতা পানিতে সিদ্ধ করে সেই পানি ফেলে দিতে হবে।

ঔষধি ব্যবহার

- আমাশয় : গাবগাছের ছালের রস, ছাগলের দুধের সঙ্গে মিশিয়ে খেতে হবে। ছাগলের দুধ জোপাড় করতে না পারলে ফার্মেসি থেকে আমাশায় ওষুধ কিনে

নেবেন। আমার মতে এটাই ভালো বুদ্ধি।

- ডায়াবেটিসে : পাবগাছের ছালের রস এক চামচ করে ভোরবেলা খেতে হবে। ডায়াবেটিসে অসংখ্য ঔষধি বৃক্ষের উল্লেখ দেখি। কোনোটাই কি কাজ করে? আমি skeptical মানুষ।
- ক্যানসারে : গলায় এবং জিভের ক্যানসারেও পাবগাছের রসের ব্যবহার আছে।

রসায়ন

পাব ফলে এবং গাছে আছে Tanin, Tannic acid এবং Malic acid. সামান্য Fatty oil, ভিটামিন C এবং ভিটামিন B Complex (ফলে)।



ধূপগাছ/ শুগগুল

কয়েক বছর আগে নার্সারি থেকে ধূপগাছ নামের একটা গাছ কিনলাম। বইপাঠে ধূপগাছ বলে কোনো গাছ নেই। এর বৈজ্ঞানিক নাম কী, কোন পরিবারের গাছ কিছুই জানি না। সাইনবোর্ড ছাড়াই এই গাছ বড় হচ্ছে। স্বাস্থ্য ও সৌন্দর্যে অলমল করছে।

যদি হোক এখন গাছের নাম জানি। বাংলায় শুগগুল। ইংরেজিতে Indian Bdellium tree. বৈজ্ঞানিক নাম— *Commiphora mukul* Engl. পরিবার হলো Burseraceae.

মার্চ-এপ্রিলে এই গাছে ফুল ফোটে। ফল আসে শীতকালে। ফুলের রঙ সাদা। ফল কেমন এখনো জানি না।

পাকিস্তান, ভারত এবং বাংলাদেশে শুগগুল গাছ প্রচুর জন্মানোর কথা। আমি বাংলাদেশে এই গাছ দেখি নি।

এই গাছের আঠার গন্ধ ধূপের মতো। ধূপের সঙ্গে শুগগুল যেমনো হয় বলেই এর নাম ধূপ ধুনো। এখন কেউ যদি বলেন, ধুনোটা কী? আমি বলতে পারব না। জানার চেষ্টা করছি।

আগরবাতি তৈরিতে শুগগুল ব্যবহার হয়। আতর তৈরিতেও শুগগুল লাগে।

গুণধি ব্যবহার

- শুগগুল রক্তের কলেস্টরল নিয়ন্ত্রণ করে। চর্বি কমাতে সাহায্য করে।
- পনোরিয়া রোগ নিরাময়ে একসময় ব্যবহার হতো। প্রাচীন বইপাঠে উপদংশ রোগে এর ব্যবহার দেখা যায়। পারদ (মারকারি), নারিকেল তেল এবং শুগগুলের আঠা দিয়ে তৈরি মলম পুরাতন ক্ষত চিকিৎসায় ব্যবহার করা হতো।

বকুল / সদাপুষ্প

আমার জন্যে বকুল নষ্টালজিক গাছ। সিলেটের মীরাবাজারে প্রকাশ্যে একটা বকুলগাছ ছিল। আম-কাঁঠালের ছুটির আগের দিন আমি বকুল ফুল কুড়াতে যেতাম। বকুল ফুলের মালা, মুড়ির মালা স্কুলের শিক্ষকদের উপহার দেবার রীতি ছিল। মৃত মানুষদের ছবিতেও বকুল ফুলের মালা কুলত। আমার এক কুপু অল্পবয়সে মারা গিয়েছিলেন। আমাদের বসার ঘরে বিখ্যাত সব মানুষদের (রবীন্দ্রনাথ, নজরুল, জর্জ বার্নাডশ...) ছবির পাশে ফুপুর একটা ছবিও কুলত। ছবির সঙ্গে বকুল ফুলের মালা। বকুল এমন এক পুষ্প, যা তকিয়ে গেলেও গন্ধ বিলায়।

নষ্টালজিক এই ফুলের প্রভাব এখনো আমার মধ্যে আছে। আছে বসেই 'আমার আছে জল' ছবির গান লিখতে গিয়ে লিখলাম—

কত না প্রণয়
ভালোবাসাবাসি।
অশ্রু সঞ্ছল
কত হাসাহাসি।
বকুল গন্ধ রাতে।

যাই হোক, বকুলের বৈজ্ঞানিক নাম *Mimusops elengi* Linn. পরিবার হলো Sapotaceae. বকুলের সংস্কৃত নাম মদন।

প্রাচীনকালে বকুল ফুল থেকে অতি উৎকৃষ্ট মদ তৈরি হতো। শিবকালী ভট্টাচার্য লিখছেন— 'চরকের সূত্র স্থানের ২৫ অধ্যায়ে আসব-যোনির মধ্যে অর্থাৎ ফলজাত যত প্রকার মদ্য শ্রেষ্ঠতার স্থান দখল করে তাদের মধ্যে বকুল ফলজাত মদ্য অন্যতম।'

বকুল ফলের মদ তৈরির একটি প্রক্রিয়া জানাচ্ছি। আবগারী বিভাগ খবর না পেলেই হলো।

পাকা বকুল ফল থেকে খোসা এবং বীজ সরিয়ে ফেলতে হবে। এর সঙ্গে মেশাতে হবে মধু কিংবা গুড়। ফার্মেন্টেশনের জন্যে পাতলা কাপড় দিয়ে ঢেকে রাখতে হবে তিনদিন। ন্যাকড়ায় পুটলি বেঁধে ঝুলিয়ে দিতে হবে। ফোঁটা ফোঁটা যে বস্তু পড়বে তাই উৎকৃষ্ট মদ। নাম দেয়া যাক— Bakul White Wine of Bengal.

- অত্রস্তারণ্যে : বকুল ফুলের মদ । প্রত্যহ সেব্য । (শিথিলতার)
- প্রোষ্টেইড গ্ল্যান্ড সমস্যায় : ঐ

ছোট্ট একটা তথ্য নিয়ে সেখা শেষ করছি । আমার মা কিশোরী বয়সে এক হিন্দু কিশোরীর সঙ্গে বকুল ফুল পাড়িয়েছিলেন । অর্থাৎ সেই পাড়িয়েছিলেন । এই সেইয়ের কাছে আমি মাতৃ আদর সবসময় পেয়েছি । সেই পাড়াত্তে সবাই বকুল ফুলের নাম নেয় কেন ? আজ পর্যন্ত কাউকে পাই নি যে সেইয়ের সঙ্গে পদ্মফুল বা গোলাপফুল পাড়িয়েছে ।

মাকাল

এদেশের বেশিরভাগ রূপবান ছেলেকে 'ব্যাটা মাকাল ফল' ধরনের গালি বনতে হয়েছে। পাকা মাকালের ভূবনমোহিনী রূপ। গুণ কিছুই নেই। বিষাক্ত ও তিক্ত। এই ফল কোপকাত্ত আলো করে বসে থাকে। মানব সম্প্রদায়ের কেউ তার কাছে যায় না, তবে পাখিরা যায়।

মাকালকে অনেকে তেলাকুচাও বলেন। এটা ভুল। একই পরিবারের হলেও মাকাল আপেলের মতো গোল। তেলাকুচা কাঁচা অবস্থায় অবিকল পটলের মতো। পাকলে টকটকে লাল। তেলাকুচায় ঝারোমাশই ফুল ঘোটে ফল ধরে।

বৈজ্ঞানিক নাম *Coccinia cordifolia cogn.*

পরিবার Cucurbitaceae.

নুহাশ পত্নীতে মাকাল ফলের কোনো গাছ নেই। যে গাছ অবত্নে বোশঝাড়ে জন্মে, সেই গাছ পাখি না— এটা বিশ্বয়কর। ব্রাহ্মের কর্মচারী বৃক্ষপ্রেমিক আবদুল্লাহ আমাকে অপ্রচলিত গাছগাছড়া জ্ঞেপাড় করে দেন। তিনিও মাকাল ফল পায়ছেন না। আশ্চর্য।

ঔষধি ব্যবহার

- এর প্রধান ব্যবহার বমি করানোর। কেউ এমন কিছু খেয়ে ফেলেছে যে বমি করাতে হবে। তেলাকুচা ফলের রস এক চামচ মুখে দিলেই হলো।
- ডায়াবেটিস : যে-কোনো তিক্ত ফলকেই ডায়াবেটিসের ওষুধ ভাবা হয়। তেলাকুচার ক্ষেত্রও তাই। এর পাতা এবং মূলের রস না-কি ডায়াবেটিসের মহৌষধ।
- হাঁপানি : বংশগত হাঁপানিতে পাতা এবং মূলের রস। কতটুকু খেতে হবে জানি না।
- পাকুরোগে : পাকু মানে জন্ডিস, আবার পাতা ও মূলের রস।

লেখা শেষ করার আগে বলি, গ্রামদেশে মাকাল ফলের পাতা ও ডাঁটা লাউশাকের মতো খোল করে খাওয়া হয়। খেতে জঘন্য। আমি ভুক্তভোগী।

রিঠা

রিঠার ইংরেজি নাম সাবান বৃক্ষ— Soap plant. একটা সময় ছিল যখন সাবান আবিষ্কার হয় নি, গা পরিষ্কার করা হতো স্যাব্বিমাটি দিয়ে। মাথার চুল পরিষ্কারে ব্যবহার করা হতো এই গাছের পাতা। পানিতে পাতা ঘষলেই সাবানের মতো ফেনা হতো।

তুনেছি এই যুগেও বড় বড় বিউটি পার্লারে রিঠা গাছের ফল দিয়ে চুল ধোয়া হয় শ্যাম্পুর বিকল্প হিসেবে। এতে চুল না-কি উজ্জ্বল স্বকরকে হয়।

রিঠা গাছের ফলে আছে সেপুনি। এই সেপুনিই সাবানের বিকল্প। ফল দিয়ে কাপড় ধুলে কাপড়ও পরিষ্কার হবে।

রিঠার বৈজ্ঞানিক নাম *Sapindus mukarossi* Gaertn.

পরিবার Sapindaceae

এই গাছ গ্রামবাংলার বনেজঙ্গলে একসময়ে প্রচুর দেখা যেত। এখন দেখা যায় না। নুহাশ পল্লীতে একটি মাত্র রিঠা গাছ আছে। গাছটি জনমেই লম্বা হয়ে আকাশ ছোঁয়ার ভাব করছে। এরকম হবার কথা না।

রিঠা গাছের কাঠ বেশ শক্ত। তেলের ঘানিতে এই কাঠ ব্যবহার করা হয়। এর বিশেষ কোনো কারণ আছে কিনা জানি না।

এই গাছের শিকড়েও প্রচুর সেপুনি আছে। সাবানের বিকল্প হিসেবে সেপুনি ব্যবহার করা যেতে পারে।

তেলাকুচা

এক ভোরবেলায় জনৈক জঙ্গলোককে দেখলাম ক্র কুঁচকে নুহাশ পল্লীর ঔষধি বাগানে ঘুরে বেড়াচ্ছেন। তাঁর হাতে কলম এবং একটা নোটবুক। মাঝে মাঝে নোটবুকে কী সব লেখাও হচ্ছে। আমি আশ্রয় নিয়ে এগিয়ে গেলাম। জঙ্গলোক হতাশ পলায় বললেন, আসল গাছটাই তো আপনার এখানে নেই!

আমি বললাম, আসল গাছ কোনটা ?

আসল গাছ হলো 'বিধী'। কী বাগান করলেন যেখানে বিধী নেই!

আমি বললাম, নামটা প্রথম শুনলাম।

জঙ্গলোক বললেন, বিধী হলো আমাদের দেশের তেলাকুচা। যার ফলের নাম মাকাল ফল। এখন চিনেছেন ?

মাকাল গাছ আসল গাছ ?

অবশ্যই। ডায়াবেটিসের ঘম। তেলাকুচার তিনটা পাতা নিবেন। আজনের তাপে একটু গরম করে দুপুরে খাবার পর খাবেন। আপনার ডায়াবেটিস যদি না সারে, আমার একটা কান কেটে তেলাকুচা গাছের কাছে পুতে দিয়ে যাব।

আমি বললাম, সেখান থেকে 'কর্ণগাছ' বের হবার কোনো সম্ভাবনা কি আছে ?

জঙ্গলোক বললেন, আমি শিক্ষক মানুষ। নিজে রসিকতা করি না। অন্যে যখন করে, সেটাও পছন্দ করি না। তেলাকুচা গাছ সম্পর্কে যা বলেছি ঠিকই বলেছি। বইপত্র পড়ে দেখবেন। গাছ বিষয়ে কিছু জানেন না, বাগান বানিয়ে বসে আছেন!

জঙ্গলোক চলে যাবার পর আয়ুর্বেদাচার্যের বই খুললাম। সেখানে সত্যি সত্যি লেখা—

'অনেক সময় আমরা মস্তব্য করি, তেলাকুচার পাতার রস খেলাম, আমার ডায়াবেটিসের সুফল কিছুই হলো না। একটা বিষয়ে যোগে ভুল হয়ে গিয়েছে। এই রোগ তো আর একরকম দোষে জন্ম নেয় না। এক্ষেত্রে তেলাকুচার পাতা ও মূলের রস তিন চামচ করে সকালে ও বৈকালে একটু গরম করে খেতে হবে। এর দ্বারা রোগী তিন-চার দিনে সুস্থতা বোধ করবেন।'

তেলাকুচার বোটানিক্যাল নাম *Coccinia indica cogn.*

তেলাকুচা Cucurbitaceae পরিবারের গাছ।